

白齋詩集

四明張氏約園開雕

序

昔臬堂輯甬上耆舊詩錄張白齋詩三百二十八首謂其志慕古人多從實地生變化不敢爲望空語晚遇林見素相知爲獨深嘗曰夢魂相接多在雲蒼雨碧之下谷答風響相和應亦微哉初刻爲九卷曰白齋集續刻爲三卷曰竹里集而附以文略一卷先生文不如詩余於春草懷慈卷序稱其友母歿廿載懷念不忘爲賢於宰我讀而深異之宰貢并列言語之科其問喪也有爲言之也白齋失經旨矣願其爲詩宗法唐賢深具甘苦

白齋詩集序

一四明叢書

約園刊本

且復力去陳言務寫心得不作浮靡之語於明詩家中不可謂非傑出者其論詩甚服楊氏伯謙嘗謂杜公達天人之變不可拘測高棅乃置杜不入正宗與太白異路其識見可不待辨蘇公全使學問不妙於情志黃乖傑不爲純平語皆非正體放翁纖穠太過嚴滄浪學唐律極類真元趙謝諸公頗傷弱又謂明高楊張徐諸人仿循唐人繩墨并傑然者凡此類論議皆甚精到其自所爲詩亦純乎唐賢之遺音蓋其自少卽喜爲詩久之益工垂老猶嗜之不捨晚年里居所作尤多誠亦一代

詩人也杲堂至謂傳白齋之詩并得自傳今余刻蓋存  
其詩至於文略既未便刪去則聊辨之於此異覽者知  
所擇焉民國二十三年九月後學張壽鏞序

白齋詩集序

四明叢書  
約園刊本

鄞縣志本傳

張琦字君玉自幼穎異年十二能屬對作詩客有試者

輒應聲出家貧弱冠遊學吳楚間取束脩以養親備極

甘脆嘉靖志每讀書至夜分與其徒吸水喫面醒則又讀

弘治十二年第進士年已及艾授南大理評事列朝詩集歷

陞寺副正慮囚多所平反有三人爲僞章論死琦廉得

其狀曰以竹布四邊中畫字成文非刻印也遂得從末

減司獄官落職貧甚至鬻文作歸貲卽捐俸金與之女

得免鬻吏部兩薦山西雲南督學使不果嘉靖志正德十

白齋詩集傳

一四明詩集  
約圖刊本

年知興化府爲治好清靜福建通志訟者輒風諭使講解不

事鞭笞閩書以儒飾吏興學校正風俗有古良二千石風

嘉靖志守郡六年與林俊往來廣和閩書每共登臨輒題名

山壁人稱爲文章太守甬上耆舊傳監司累上治狀竟以疾

力乞骸骨陞左參政致仕歸二十年○案耆舊傳惟以

林泉雲鳥爲樂嘉靖志操行廉白家無遺財人號曰白齋

先生卒年八十一遺教曰愛山一興樂水一舟未死微

軀已卜荒邱永謝之日不煩飾修生也旣順死復何求

耆舊傳琦自少至老刻意攻詩嘔心琢腎力去陳言列朝詩集

當何李盛時別以獨造爲宗

四庫提要

甬上詩人有明二百

餘年推琦爲第一

曹志

王世貞方之夜蛙鳴露說者以爲

過

明詩綜

子嘉慶亦奇士爲詩有父風甥徐漸字德遠正

德八年舉人有奇才琦授以詩法同時馮應奎字景神

號松坡弘治十八年進士

曹舊傳

正德元年任無錫知縣

常州遷漳州通判工詩晚年和陸放翁詩二卷更老筆

蕭疏云

曹舊傳

申齋詩集

傳

二

四明叢書  
約園刊本

白齋詩集序

夫詩存諸心者也感諸物而聲發焉包舉八紘囊括萬彙通幽微之故而執造化屈伸之幾其妙用也動天地而感鬼神著其教者如此然而成名立方亦若是其未易也夫意深者詞顯局下者詞拘輕淺者詞浮曠達者詞放蕩者詞淫苦者詞滯恆以怯者詞卑弱若乃觸而形會而遂通天趣悠洋充乎其自得吾得吾白齋張先生焉澄澹簡遠情慮俱忘羣睥競驚於先生奚有哉獨於詩若飲食然無少壯與老而異夫好則樂樂則專含

白齋詩集

序

一

四明叢書

約園刊本

吐性靈紆寫物故博以收約而廣以辯方矧精竭神窺高而獵要於是乎其不遺餘力矣先生古詩祖漢晉律詩祖盛唐而參以趙宋諸家之體氣格疏爽詞采晶麗音調孤絕聽之灑然咀嚼之雋永而有餘味莊而整如營巡大將靜而寂如龕棲老禪如詞臣鶴立雍容閒肅可詭仙子踏氣馭雲飄翩而風舉聯后山之武以駸駸上接少陵之席與陶謝潘左參輩行使人拈弄篇章拾殘楮斷墨以自快近時中傑作也古稱詩窮人先生用是亦孤蚤遇世無盡知者知不知要之非先生病也評

者謂陸機體裁出陳思王仲宣實出李陵先生雖雜備  
眾體而收功實由山谷寧川一派今流明州矣予雲莊  
縱浪海內士不相接者餘二十年先生來視吾郡始拜  
篇章之辱敏枉終讀作而歎曰世自有士奚意之今見  
郤鼎敦彝老耳而聽采齊肆夏之音也夫詩可以觀志  
以得其爲人推是詩也脫凡近而絕之俗垂之百千載  
可具見矣先生文字開闢正變者氣光炯動人要不在  
是集也請論詩與知者評焉正德癸酉秋七月上澣莆  
田見素子林俊書于雲莊青野

白齋詩集目錄

卷一

五言絕句

東山

琴士 闕

老子出關圖

張鸞乘槎圖 闕

白葵花 闕

雪屋書生圖

攔江網

鶻擊鷲

渡船子

鷓鴣

羊子

西樓二首

白齋詩集 目錄

一四明叢書  
約園刊本

江上

泛舟

秋事

醉翁

杜甫遊春

自賦

柳燕

謝徐成章惠馬鞭

途中感懷

白蓮花

菊花

竹雀

海居

五日

蒲萄圖

風竹圖

輓沈檢院父

白頭公高飛不止

偶成

草蟲圖四首

山居

河流

墨菊

百舌

斑鳩

墨萱

海鷗

五柳莊

張秉用卷子絕句六首

偶興

漫興

胥溪

逆御史臺書感東同事徐成章兼呈王侍御汎

白齋詩集

目錄

二四明錄書

約圖刊本

房

智池

眠柏

宵栢

風牌

卜榴

獄神祠

蒼朮爐

妖霧

園門

詠猿

出門

溪船

海棠

松鼠盜栗

松鼠上樹

春懷

漁子

樵子

鴈圖

竹禽二首

貧家吟二首

拾薪女

四皓圍棋圖

黃鸝

海鶴

畫景

蛺蝶圖

久旱得雨偶題畫牛

小景圖

白頭公

清明日

秋江卽事

西家海棠

鷓鴣

輓方山隱者

白齋詩集

目錄

二三四明藏書

約圖刊本

漁父

雲龍

耕人

雪漁圖

世樂堂

取晦翁詩名堂林秀才

林秀才嗣伯父後痛其所生不大喪作蓼莪圖

紫帽臘雪

清橋夜月

穀城夏雲

翠壺春霽

黃伯固主事弟奉先隴焚黃卷求詩

李長者祠

輓官宜人

廣化寺溪聲閣

月峯寺題僧圓圃房

遊禪宮書意

貢船

定埠

京橋二首

竹墩

南岡

西山

義井

祠山

雞黃

桃實

山樓

梔子花

刺牡丹

醉眠竹下作四虛吟

明月臺

冷香亭

梅花井

白齋詩集

目錄

四明叢書

約園刊本

藥壠

菜畦

行人

山水圖十首

鵝鴿

入村偶成

送秦來鳳往遼東

苦筍 以下新增

城西驛見浙試錄得徐甥名有作

徐揮使畫梅四首

周侍御秋齋

題畫蘭爲朱博士

西施

古劍

白頭公圖

聞泉

畫眉

百舌 題重出詩不同

桃實 題重出詩不同

題十二紅

謁文廟

謁孝陵

南峯

爲湖州太守黃子和題梅花夾

爲黃子和書湖上春回卷

青芥

卷二

五言律

送汪公宗器人爲大理少卿

闕

白齋詩集

目錄

五

四明樓書  
約園刊本

朱仲德金陵別意卷子

闕

平翁傳爲石仲殷賦

闕

雲津書院爲續溪教諭劉君題

闕

送鄭侍郎致政歸閩中

闕

舟中贈姚生虞卿

闕

溫州衛署新成賀劉揮使二首

闕

寄包民望

楊光祿致政歸鄉

輓黃流先生

寄余潤之

賀楊吏部母壽七十

邢子用山居之作

贈封君劉侍御

求己堂

壽余子積父

寄倫太史

送章生

寄李誠之

寄楊吏部

秋日飲佛國寺用夏德樹韻

送柴君還鄉

寄徐東隱

輓孟郎中時元父

柳侍御父母雙輓

雪隱題顧郎中卷子 送董太守之楚雄

地官員外郎張廷紀風木圖

白齋詩集

目錄

六

四明叢書  
約圖刊本

輓白尚書

書枕東卿扇

京師送沈署丞還宜興

冰崖卷子

山居卽事

喜雨賀寧郡守二首 送茹貢士還京

贈向中美父齋六十 輓陳尚書

送林居魯之雲南少參

遭安堂

陳復清輓詩

皇初平化石圖爲顧華玉父祝壽

月亭

石亭

題蔡氏鳴盛友于卷 輓劉郎中克柔母

喬汝修貞節卷 石峯

梅雪詩卷 輓太守王公如行父

輓周天兆 武岡山送田太守景瞻

輓徐心齋 徐希曾母七十

輓邵天衢 爲余君題保竹卷

七月八日偕諸友集吳仁甫宅

黃翁壽日 送王朝器致仕還閩

送張尙書 自貞卷子

白齋詩集 目錄 七 四明叢書

輓華侍御母 送嚴思聖還松溪

送薛世成之官湘潭 風木慈烏圖

輓葉司訓父

楊謙大尹送其父至尋復返田侍御爲求詩以

贈之 輓王先生夫婦

送李上舍 慕萱卷子

具慶題方監生卷子 許君春山圖卷子

山居圖 採芝

送賂經幕 榮壽爲林太守

送戴天錫

飲陳氏竹林刻詩竹上

劉公去思祠

奉和見素先生山寺漫語韻二首

五老圖

以下新增

題松陰書舍卷子

茶蟲圖

謝蔡省掾

謝游省掾

六言絕句

山陽夜泊

包侍御輓詩夾

東園詩夾

白齋詩集

目錄

八

四明叢書

約圖刊本

山呼一雙分籠縣之聲相應清和作六言二絕

初秋夕

敬思亭

卷三

七言絕句

京邸元夕

壯遊

棘寺夜直

竹鄉卷子

書得

煎茄

屈平圖

太乙圖

半閒卷子

石田畫幽人

朱君扇景

王思謙山水畫

思謙蜀人

融軒卷子

沈石田畫雞

書蘭亭記後

琴士圖

何孝子廬墓

齋居遇雪二絕戲呈諸君子

舒嘯草堂

江神

六月二十八日陸行至彭城病暑改從舟口占

一絕

早發滁州

白齋詩集

目錄

九四明叢書

約圖刊本

秋日途中見有栽秧者因傷之

江浦經定山故宅

送別圖

墓樹

草玄亭

射黃羊

輓楊進士父

題高登之樂魚卷

王侍御出身圖二首

陸學士家藏史中丞墨竹

聽潮樓

畫鵝

雨晴

南坡卷子爲戴君題

題蔡同父送別卷後

淵明圖

庵中

一真

船上犬

見蟾子

惱鴉

合和驛南望彌望皆白土

鬪鰕

題無音卷

彭城懷古

書龍氏歸墨卷

寒鴉

題畫三首

送陳舉人會試

竹下居士

畫竹

畫景

白齋詩集

目錄

十四明齋書

約圖刊本

鉤勒竹

題萱爲吳約中

扇景

陳司徒與弟對牀圖

廳事後觀雨

將禱雨壺山前一日作

喜雨贈劉孝子

出城觀田水

李侍御南巡返往新亭庵候之偶成二絕異僧

東坡畫風竹

東坡畫雪竹

觀察使劉公養心卷子

終慕卷子

春野齋題郁君卷

魏塘郵亭偶書

金秀才母輓詩卷

郡齋述懷五首

試士廳事下丹荔方熟偶讀山谷詩賦得四首

秋景圖

一老

一松

田中

輓沈檢院父

畫竹

畫梅

題楊伯升扇

徐汝容郎中三友圖

椿萱並茂圖

聽松圖

童舉人自太學歸壽其父母九十歲

白齋詩集

目錄

十二四明叢書

約園刊本

壽節婦陳生祖母錢氏

奉和董僉憲遊大理寺

送張文達之任亳州 悼亡

羊頭車

舟至高郵

嚴惟中思教堂

過淮河

直河

聞鵲

列子御風圖

夢萱爲建平李秀才賦

張家灣書事

出京

舟中

過淺

李福送酒舟中

望雲祝壽

一鶴

牡丹孔雀圖

送包民益

送汪文盛歸四明

四皓

漁父

米芾拜石圖

竹圖

魚畫

送徐甥

夏惟和扇景

雪舟圖

質庵卷

寄慶子

寄德真

寄遇子

白齋詩集

昌錄

十二四明叢書

新園刊本

送仁和邵舉人

趙惟盛望雲卷子

醉題王汝瞻家白頭海棠圖

宋徽宗畫藕

趙子昂畫舫

瓜鼠

暑夜

雪月

王如行乞改南曹

送嚴惟中

送吳仁甫

竹林圖

雪景圖

春山獨坐圖

次楊侍郎韻題貝生扇面

三笑圖

小景

漁屋

畫鷹

畫竹

柏椿圖

畫菊

濠梁驛書事

病起言志

南寺遊四首

夏太常畫竹爲嚴太守賦

二月二日

有懷

寄秋水何先生

雲莊何君山水畫

贈康鵬

悼孫允廉二首

白齋詩集

目錄

十三

四明叢書  
約園刊本

海雲二首

何太守山水畫

怨雪一首

陳一楞假山

韓幹畫馬

子昂臨

蠟嘴

感練子

青菜

春日曲

送許習之

山水圖

古亭

雪樵

晚次太湖口二首

大川清之侍坐予夜深恐其室人待之久也作

詩戲之

泊西水驛

陳省軒勿怠卷子

食張珉家瓜

趙清之一水卷

觀妓戲東徐東之

長山雨中答陳主人

秋江曲

礪山

贈丹徒郭大尹二首

懋山

送毛文璧

畫齋穢

過建灘二首

以下新增

十月三日早發溪上皆白雲漫話二首

羅隱廟

書所見

白齋詩集

目錄

十四

四明叢書  
約圖刊本

書子陵祠壁

魚盡

歸田雜興

呼風船

雪夜齋居聞朝用諷詩西舍

金陵送徐甥

韓信遺金漂母圖

癸酉八月送楊朝宗還鄉

暑夜

松月圖

雲杏圖

再過子陵祠二首

代光武子陵往復詩

林井庵輓詩夾

寓車盤驛

田家春

虛所

環翠樓為石仲殷

珉石窗竹房

題周生畫

溪家

書葉東墅少府壽萱夾

春山曲

用陳圖南回首青山入

夢頻之句書懷一字一首

送周侍御之京

感遇

送屠安卿侍御

題西坡卷

卷四

七言律

白齋詩集

目錄

十五

四明坡書  
約園刊本

元夕應制

奉賀冢宰屠公壽日

奉賦大司馬何公五山書院

金臺送馬大行使秦

送李都憲入為少司空二首

送唐時靖會試

用張東所韻贈致政鄭南雄

遊廬龍觀次宗朝用韻

徐隱君宜晚卷

送黃天章

讀于肅愍公傳二首

庭中柏樹爲風雨所拔集數人起而築之

太平岡新齋次夏德樹韻

西湖遊題母侍御卷

柳勤祖母沈孺人卷書事

遊佛國寺次王侍御韻

送何舉子汝和還江西

新齋和周仲鳴韻 義興沈時明天趣卷

泊淮陽驛訪李郡判成之不遇

京邸除夕 鄭立之二節詩卷

白齋詩集 目錄

十六四明敬齋  
約園刊本

送陸子淵還上海

送朱從周自金陵還越中

寄方純吉

高大尹將之閩中會飲于其兄侍御官舍坐中

贈之

書趙芝巖輓詩卷 齋居值雪感事

寓大理寄輓王廷貞母

許世芳盛暑過我旣別賦此送之

送劉子吉 高居賢三輓詩卷

樓臺煙雨送別張廷紀

與孫允防司訓別久操舟夜過飲中作

寄杭東卿 寄豐原學大史

遊天界寺次韻馮子際王敘之

留都送錢用章僉憲山西

朱允升鳳岡書屋

留都送崔子鍾復入爲編修

輓馬夫人 寄潘內翰

寄韓中舍 都氏節義堂

白齋詩集 目錄

贈張揮使 麟膠鳳毛爲姚惟晉賦

輓包子材母 寄孫吏部年兄

北邱賴公石假山 不入城

山樓 將遊吳中夜別兒曹

朱僉憲克諧以壽卷作輓章

自遣 出郭

次韻朝用公暑漫興九首 闕一至三

落花詩十首 新正與朝用唱答三首

新正漫興二首寄夏德樹

奉和趙侍郎煎茶二首

輓李竹窗

留都逢謝德中席上書贈

秋懷三首

奉寄包民化東園

夜別

舟中贈黃舜章嚴惟中二友

送愚隱劉先生還廬陵

送周仲鳴考滿赴京 秋雲

輓同年楊伯和夫婦 輓母寵之

白齋詩集

目錄

十六

四明叢書

約園刊本

楊光祿先生乃翁壽日

東泉

次韻周仲鳴哭女

長蘆晚發

寄陳萬南

錢塘雨夕

先君秉背復有吳中之

行音容莫見不勝哀痛有作

秋晚登君山二首

十月二十七日過姑蘇天大霧

輓鄉老謝先生

寄安亭朱正之

次韻送孟巖州

輓費先生母

竹屋

徐孺人壽六十

寄劉舜卿太史

虛窗

奉賀楊吏部母壽日

葉君萬里迎親卷

輓胡秋官重器母

次韻李大用西園草堂

毛侍御飛來峯

補輓楊憲副

靜修公

送董啓之侍御

輓友人母

送希曾胡年兄改北兵部郎中

余秋官子積父壽日

金陵送徐少參之任浙中

白齋詩集

目錄

十九

四明館書  
約圖刊本

送陸進卿

送李司空

宏路驛早發

送姚惟寧太守之袁州

槐庭爲林太守封君賦

送鄉舉子

初至右寺感懷

冬夜書左寺壁

寄徐元之

三節

夜飲贈周仲玉

送金在中還休寧

舟至邳下

壽椿爲陸儀賓父題

壽吳公

送章司成

壽貢侍御祖母

輓憲副陸公

良材父

送周仲鳴

送陳子居提學

送蔡德和

右寺廳事後桃花

送林利瞻年兄

趙邦城自南雍歸壽其父八十

長至 時爲逮罪在中臺提牢廳事後作

寄僧次王侍御韻

送羅僉憲進表之京

賀鄭進士生子

送黃伯望大參之廣東

郡齋述懷

悼慕爲顧侍御順中題

白齋詩集

目錄

二十四明叢書

約圖刊本

姚秋官惟晉母壽日

送楊靜修會試

送吳仁甫會試

送史克明會試

送劉邦用

送屠季安會試

送邱堯章

送伍思謹會試

壽楊隱君

輓應別駕

寄賀豐體勤先生生日

望夫石

輓華汝器

陶君柳莊詩卷

輓白尙書

與都元敬杭東鄉黃明甫飲大興隆寺精舍

日長

書扇寄慶子

二月二十四日待揭曉有作

寄計惟中

贈鄭時揚壽日

陳勉之母壽日

送周茂中還鄉

送王侍御父歸烏程

望雲祝壽圖爲曹宗孝題

賀黃獻之生子

題扇寄包甥

海虞夜泊

質庵爲黃用芳賦

送包侍御清戎陝西

輓子美母

白齋詩集

目錄

三

四明叢書

刺園刊本

送陳惟繼南歸

送彭太守事白還徽州

書陳萬南素扇

義興學舍與沈元壽話舊

輓屠繼修父母二首 省心軒

周秋官雙輓卷子

呂鍾源味淡詩卷

高郵舟中用吳仁甫韻寄黃舜章殿立中

賀官貳守誥命之榮 送周草庭之雲南僉憲

遊靈谷寺宗長官留別因飲于此

明州懷古

越州懷古

入觀途中感事

老儒方君父嘗宦吾寧今儒老矣求壽詩予之  
甲戌七月十五夜郡齋中惡風大雨不寐

鶴舟

銅香童

三月雨雹大作效杜體一律

送葉司訓

東禪寺飲別

贈楊都閫

贈孫浦城

卷五

五言古

白齋詩集

目錄

三

四明叢書

初編刊本

次石田韻

奉答德樹用原韻

錢廷節母輓詩卷子

南樓玩月值雨奉和見素林公韻

少宰楊先生四喜詩分題得旱故金三字

喜雨前篇

喜雨後篇

寄封君豐編修先生

三異

寄楊名父先生

寄豐太史原學

題周仲鳴悼亡賦後

分得蒲葵關題送黃子和入閩

中秋待月不至奉次毅齋韻

保定學石門

柏椿圖

畫蘭爲朝用賦

望雲思親卷子

次向中美韻

遊長山

是日大川清之皆在

用前韻和徐松軒詠雪之作

海漁

答崑山朱祐甫秀才

惜春吟

傷親二十首

輓蔣一之父母

白齋詩集

目錄

三國朝辭書

約圖刊本

大川一子一女皆歿于痘予有感作詩哀之

月夕送別

遊華林寺以下新增

王卿一葦卷

水磨吟

卷六

七言古

廣平太守蝗出境瑞蓮生卷子

山人鼓琴圖歌

湖河偉績爲李都憲賦

海鷹歌

壽郭典簿父分題得魚山

賦張氏庸軒

誤馬曲

小仙歌

林良戲墨圖

送翁長官分韻得樹字

朴隱贈魏先生

黃昏步溪上見煙月可愛

次夜再步溪上

次夜又步溪上連賦二首

山中歌

桐原曲贈何廷儀

畫山水歌

風雪圖歌

白齋詩集

目錄

香西明齋書

約圖刊本

贈黃赴兄弟

愛椿慕萱題金監生卷子

醉中觀夏德樹草書

錦雞圖

題靜修送行圖

浴鳧軒爲封君林太守歌

郭節婦

石崖讀書臺歌爲林侍御

風木慈烏圖

南旺鬧歌

楊母七十壽日

榴花行戲贈飲中諸君子

清軒之鎮

碧窗春曉圖

送吳侍御清戎浙江捕虎詞

桃郎歌

淮關行

壽溪歌

卷七

五言排律

送西峯屠先生再起赴闕

徐梅翁輓詩

春江爲許世芳賦

白齋詩集

目錄

五

四明叢書  
約圖刊本

卷八

七言排律

送賁學士柄文南畿還朝

馳馬還朝送賁侍御 送夏德樹

卷九

見素先生所示諸篇續錄

勸駕述懷次東所韻 得漢城紀事

是夕夢先考妣來視 盛山紀事

通川感事

詠梅用放翁韻

喜雨和篇

山寺漫語二首

入秋偶成四首

增

白齋詩集

目錄

五

四明叢書  
初圖刊本

白齋詩集卷一

明鄧張 琦君玉著

玉峯朱欽編次批點

五言絕句

東山

飛鳥道好音千峯不知處日出扶桑枝照見薔薇樹

琴士

關

老子出關圖

白齋詩集

卷一

四明坡書

約園刊本

道大無傳受騎牛西出關剛留五千字遺智滿人閒

張鷟乘槎圖

關

白葵花

關

雪屋書生圖

世上倚冰險山中讀雪安西風鑄剛骨猶自送酸棗者  
舊詩作更送一番寒

欄江網

屬網繩百丈牽江力不任神明忌貪得風起浪花深

鶻擊鷺

批 數句足爲貪戒

不守螳蟬戒俄成議後災魚鰕足新浦飢隼自天來

渡船子

批 平說乃古意

人因登岸去吾亦愛錢歸萬物平如此百年無是非

鷓鴣

批 警

朝飢下平田飽啄還飛去蒼鷹日附人肉食損高志

羊子

黃羊嗚咿咿猶若顧其子如何唐明皇瑤瑤同日死

白齋詩集

卷一

一

四明叢書

約園刊本

西樓二首

秋風劈雲片千丈築愁城踈躩西樓望天涯風雨生

啼鴉作人語孝子獨關心仰見龍頭月斜明烏柏林

舊詩斜明作斜飛烏柏作烏日

江上

扁舟木蘭楫小阮鶴膠絃海野無炎熱秋來鴻鴈前

泛舟

人事山兼寂江清酒亦清晚來多少興獨槩月中鳴

秋事

山邊寶布地湖外石田莊今年秋較熟大艦送官糧

醉翁

春缸深如井野酌不覺暝不知眼底花卻訝梧桐影

杜甫遊春

林批

感慨有味

萬里橋西路騎驢三十年較量春厚薄不及開元前

自賦

嬾若雲墮地貧如風掃堂百年三萬日都只爲詩忙

柳燕

口銜未央泥更營甘泉壘楊柳未可託坐見秋風起

白齋詩集

卷一

三四明叢書

約園刊本

謝徐成章惠馬鞭

羸馬稱官窮皮毛怯晚風來朝出驟步再拜一筆功

途中感懷

日月千年迅舟車四海忙不知青嶠外幾處白雲房

白蓮花

蓮花天下白花在水中央明日愁風雨扁舟空斷腸

菊花

批

意清遠

醉眠屋廬下開眼菊花黃多置三百篋與花收散香

竹雀

獨行入春竹路出鳥鳴磻長風吹予懷仰見伯夷面

海居

批 類劉隨州語

水窮草木稀雲閒但高岫人家無寒暑海潮以爲候

五日

蛙天五月五新水濫屋腳中有不眠人高鐙聽蛙酌好

襟懷

蒲萄圖

林批 精

長恐成精去黃金攀作繩採珠三百斗強半寄林僧

風竹圖

白齋詩集 卷一

四 屬明叢書  
約圖刊本

寫竹如草書撩亂不成行只疑風霧裏爛醉過瀟湘

輓沈檢院父

涼風起華屋燕雀下階飛杖者出門去河流何日歸何

須多說

白頭公高飛不止

夕陽高有限前路本無涯孤負金塘月娟娟照落花

偶成

批 洒然

微月人生影輕風船弄波明朝還夜直涼愛北湖多

草蟲圖四首

太極無物我良哉畫史情蟲蛇不相忌隨意樂春晴  
朝雨復暮雨一花還兩花道人無色相蜂蝶自西家  
雨片臨汀住斜陽赴暝收跳魚割水面壞我一天秋  
花草真無意誰能不爾思夢魂胡蝶我飛到習家池

山居

礎潤雨堪期屋深春事遲山中閒筆研日了寄僧詩

河流

終古如傾倒何曾見底乾因將流去水還作轉來看  
可  
以語理氣

白齋詩集

卷一

五

四明叢書  
約圖刊本

墨菊

大夫餐未了殘賸見秋英還恐風吹盡揮毫一寫生

百舌

終日三緘口懲羹或太過東風多少說分付與誰何

斑鳩

斑鳩能喚雨聲節以爲期十日空山雪陰晴卻未知

墨萱

欲把黃金鑄難憑水墨圖吾家無此物何處奉歡虞

海鷹

鵬鷗凌雲氣崢嶸識壯圖非時聊慰藉魚鼈事徒鋪

五柳莊

萬里山河口誰知公室尊舊陰楊柳好編樞住深村

張乘用卷子絕句六首

不敢非綿蕞虛文病夏畦俾豚邀野客放鴨坐沙溪

山泉甘勝醴土芋白如肪何處割羊血飛蠅來去忙

惜德如愛玉潔身明素絲漫誇柔舌好漱石已多時

莫以樂書慶而堪庇一盈直將能事力辛苦樹風聲

隋富何爲者秦彊但霎時古書三十篋交手付諸兒

白齋詩集 卷一

六十四明叢書

約國刊本

省爨時推濟牽牛或助耕再須三五稔早晚義莊成自

說得好

偶興

朝從山口出暮向竹西歸數日秋風好江清欲見衣

漫興

猛雨青山失微晴翠鷺重杜陵春意動在再到孤篷

胥溪

伍相曾居此何年出事吳不知春水上照見屬鏤無

逮御史臺書感東同事徐成章兼呈王侍御汎房

豈敢怨逼側猶堪置我牀居窮易感德地主意何長

智池

智池足秋葉數月無雨霖也知魚鼈性非是惡居深

暝柏

夕陽明北扉返景柏子紺欲以託照臨依依轉生暗

宵柝

初擊月觸手再敲霜滿衣我非金石質一聽損光輝

然

風牌

白齋詩集

卷一

七

四明叢書

約園刊本

邏客周廬走風牌次第傳夜深呼唱到月黑枕屏前

仆榴

心死哀莫大傾者天覆之東君少真見猶欲強扶持

獄神祠

矮牆圍野色叢竹隘神棲土木能興怪蹲鴟半夜啼

蒼朮爐

蒼朮燎紅火黝爐發青氛君子無穢德何用假微薰

妖霧

朝昏如下幄倏斂若鸞鏡日月稱有明于此見天定

園門

園扉深如阱君子議不入蜀雞胡忘戒終然感蚌鷓

詠猿

朝山偷橡栗暮海攘魚鯪長臂何爲者謀生亦有涯

出門

三月一出門已覺松子大冷冷鐘磬聲有寺煙湖外

溪船

家業計多少茶鐺及釣鉤橫行煙月裏誰敢犯虛舟  
浪言有味

白齋詩集

卷一

八

四明叢書  
約園刊本

海棠

微紅初上頰便覺春多夢窗外有人無鳥踏花枝動

松鼠盜栗

數畝山中栗貧家作大收今年程鼠耗已缺半年秋

松鼠上樹

批 有傲喻

赤厓已磨霄青松復十丈鼯鼠求未足直緣高枝上

春懷

老夫饒白髮背立桃花樹寄書匡廬僧春山共來去

漁子

風雨尋常有空山負篋行今宵動歡色爲母作魚羹

樵子

林批 老手

入山伐惡木豈敢傷梧楨始知束薪人可以理天下

鴈圖

誰能雞鷲汝坐占水雲長江南無限好終只是他鄉

竹禽二首

眾卉先秋盡孤根獨後凋靜憐河畔鳥生子寄風茗  
日出花枝曉曾聞對語雙竹西今夜雪帶影過清江

貧家吟一首

白齋詩集

卷一

九

四明叢書

約園刊本

夕陽照泥垣雞飛欲上屋爨下無束薪夜飯炊不熟  
萑葦以編戶生菜聊作螿郎罷納官稅不知兒女啼

拾薪女

林批 精

風葉狂飛面霜藤短刺衣勿傷楊柳眼留取望郎歸

四皓圍棋圖

局面乾坤大機權日月忙中閒藏一著留待定儲皇

黃鸝

拂絃欲彈箏手澀未成聲黃鳥二三月青樓萬里情

海鶴

雲虛天欲曙海鶴發長吟孤遠應無比先懷捧日心

畫景

斜日黃公舉清江翟子門東京塵有翼飛不到深村  
腳踏山谿熟真成鹿豕遊草衣三四襲涼到不驚秋

蛺蝶圖

金谷春消歇梁園雨正深前身遊冶子終有惜花心

久旱得雨偶題畫牛 批 似王右丞語

已謂無子遺更成大有年山中三尺雨騎犢上平田 舊詩作已謂秋無望今成大有年 卷

白齋詩集

卷一

十四明叢書

約圖刊本

小景圖

宿鳥依寒色驚鷹起暮愁畫圖應念客只寫半江秋

白頭公

天棘交垂細風禽對語頻春窗三月晚正有白頭人

清明日

地爛清明雨風吹楊白花鳥聲連日靜春過野人家

秋江卽事

鳥歸林作暝舡過水喧沙一路柴門下風吹木槿花

西家海棠

溫柔復靚好每見輕千金自有東風主空摧黃鶴心

鷓鴣

不共山雞啄雄雌自作陪寒山相對在春水幾時來

淡

輓方山隱者

鶴去人何在秋風定與飛方山籠向著人鶴幾時歸

漁父

十年結一網拚得利相當山堂讀書客此意問漁郎

雲龍

白齋詩集

卷一

十二

四明叢書

約園刊本

有龍何矯矯雲氣作威憑雲龍熟輕重二物本相能

耕人

日鋤十畝地手胼若繭然逸勞當半折飽飯雪鐙前

雪漁圖

餽筆施玄白江山亦既多閩南少見雪寒色在漁蓑

世樂堂

取晦翁詩名堂林秀才

晦翁十字華星交相射林家事斯語日用如飲食

林秀才嗣伯父後痛其所生不大喪作蓼莪圖

一本天爲爾移枝人作初江河兩行淚遺恨禮刑書

紫帽臘雪

開門擁山勢紫帽雪霏霏稍似征西將衝寒半夜歸

清橋夜月

月隱崆峒峯世人那並看獨憐得句客照橋三四欄  
未  
二句天成 着舊詩那並看作俱未看

穀城夏雲

溪谿雲堪補石涼還作衣問雲今出否山肯放渠飛

翠壺春霽

春山天呈寶豈容地含章細柳黃金色肥驄青玉光

白齋詩集

卷一

二十四明叢書

約園刊本

黃伯固主事弟奉先隴焚黃卷求詩

榮至山花笑悲來蜀鳥吟此情何已矣兄弟兩曾參

李長者祠

敘功何低昂惠民即可久花落廟門深神旗從禹後

輓官宜人

辭蒂花飛水傷心草近人一片畫屏月秋光窺鏡塵

廣化寺溪聲閣

成化初太守岳公題名

大石伏鷲卵短木臙虎脰溪遺岳公影照見憂民瘦

月峯寺題僧圓團房

批 警語

嶺入西南峯下見子午谷不應黃昏月照我房前木  
遊禪宮書意

古有惡溪水今爲洗鉢泉來尋僧世界與鶴共乘船

貢船

批 尤物必爭喻意深

隱約樓船過誰知寶貝名前途風霧裏怕有水龍爭

定埠

雲艘趨野色沙樹隱昏星容易江天曉微鐘依岸聽

京橋二首

山勢臨都會州城壓市橋早涼人馬健抄過月中潮

白齋詩集

卷一

十三四明叢書

約園刊本

樹色無窮盡飛橋跨曉津辟寒惟有日先照趁墟人

竹墩

紅袖薔薇谷華鏡桃李園秋來吾眼別只見竹中墩

南岡

長雲非勝覽獨意結無思只道南岡上先公返旆時

西山

西山正可悅薄暮作鴉青吟苦人初瘦斜陽上竹屏

義井

呂文郁郎中家有義井

昔時南北宅

呂文穆公家  
分南北宅

今有東西呂井水如有情脈

脈來不已 古意

祠山

古殿鐙幡黑神祇日月懸埋藏有無事何暇詰當年

雞黃

批 盡物之性

天地本一氣羣生各有私同窠卽爭食爲母便呼兒

桃實

人老不可少夏桃秋卻肥欲從滑稽子偷得一枚歸

山樓

石透水噴席山虧風滿窗今朝開病眼千里見秋江

白齋詩集

卷一

十四

四明叢書  
約園刊本

梔子花

一名薝蔔

似玉還加膩如酥卻有香幽禽私與語欲把嫁何郎

刺牡丹

明是薔薇樹訛呼刺牡丹自矜紅得好露立與人看

醉眠竹下作四虛吟

衣以藕絲作扇將鸞尾編酒應槽碧海人是簾青天

明月臺

對酒忽作醉開眼見明月不知臺幾層苔花上階滑

冷香亭

人閒鶴在籠微風冷香舉太古心不傳瑤琴對花語

梅花井

批 閒語自難到

石骨竅丹井銀綆垂金疊安知千尋底不有梅花開

藥壠

地仙不愛穀種藥方橋右久雨不出門豬苓大如手

菜畦

客從東門來遺我種園書日出林薄曉蒼茫把耰鋤

行人

路入江南遠雲山無盡頭雞聲催午飯鞭影過春流

白齋詩集 卷一

十五

四明叢書  
約園刊本

山水圖十首

山俗尙古野五家同一村何曾苦謝客人自薄閒門

官居之山產半幅聊自愛爲君一搔首悵然秋海外

水楮高十丈下繫東吳船馬肥泥滓重大較不如前

未聞辟穀道啜茗亦身輕七十二峯外相思無限情

不  
食煙火語

流水隨雲去分明山共移乾坤安置好猶自作閒疑

無

意說卻有意 耆舊詩分明作宛然

雲裏秋風候新蒸馨預香我客期不至潮水到寒塘

聞道旌招至寒林亦或然虛聲元自起風葉走牀前

只

空虛中說起妙  
淮西眞菴爾征進不曾聞雲物三千頃無人爭此山

占

便宜

南山轉秋日歷歷窗戶裏留之不可得忽照前谿水  
莫道山當面山應與性通定求無礙處除是得愚公

老

透

鵲鴿

批 老斲

西浦日猶在北風無好音半生飢飽共不是漢文心

白齋詩集

卷一

士六四明叢書

約園刊本

入村偶成

批 只李杜道得

出郭動舟楫入村趨草樓雨來江色暗呼子鳴白牛

送秦來鳳往遼東

遼海青天外誰云蜀道難木綿添數指消受海濤寒

苦筍

去籜用水浸之逾日則苦除  
以下新增

秋熟賣苦筍水漫味還和民病除不去吾愧販夫多

城西驛見浙試錄得徐錫名有作

快靚無倫次忙求漸也名見甥心大喜爲姊眼尤明

徐揮使畫梅四首

白翁哦詩處疏影兩三株雲月長相忌揮毫急寫圖  
有雪志同烈無風香亦高騎驢西湖曲寒重野夫袍  
根是梁州鐵花如洛水神剛柔兩般性定我道中人  
湖頭開欲過牆角一枝斜賴有長生筆爲天留幾花

周侍御秋齋

新涼度黃葉遠志耽著述東壁白日光照君繡斧出

題畫蘭爲朱博士

地主新安宅寫蘭日磾孫

金本清  
中書

不料水墨技香生君

子門

白齋詩集

卷一

七

四明叢書

約園刊本

西施

夜宿吳王殿朝遊句踐宮桃花畏亡國飛落五湖東

古劍

水中三尺刃不道是龍泉博物今誰氏來求張茂先

白頭公圖

白髮登臺省速遲眞未憑王郎頭正黑已喜到同升

聞泉

心膽當年大龍門聽萬雷細泉今日志聲到竹閒來

畫眉

春風從天來綠上王孫草朝日畫雙眉深闔不如鳥  
百舌 題重出詩不同

餘春遊子陌日暮故宮花人道多饒舌新愁說未涯  
桃實 題重出詩不同

二桃相掩赤火珠雙媚人可憐世主誤容易賞功臣  
題十二紅

殷花落照地密葉留東風誰最關春恨江南十二紅  
謁文廟

稍首欲崩角何以報陶成怪殺共王耳不聞金石聲

白齋詩集

卷一

十六

四明叢書  
約園刊本

謁孝陵

吾人有冠裳帝力在藝祖日用雖不知誰能莫由戶

南峯

地根盤午谷形勢下諸山彷彿敬亭意雲將飛鳥還

爲湖州太守黃子和題梅花夾

郡劇天遣守湖晴雪帶雷梅花得消息端爲使君催

爲黃子和書湖上春回卷

童禪迎騎竹山花悅弄川湖人休水戲不是牧之年

青芥

太素含精德高梳以介名山中成性習不敢夢腥生

白齋詩集

卷一

九

四明叢書  
約園刊本

白齋詩集卷一

白齋詩集卷二

明鄭張 琦君玉著

玉峯朱嶽編次批點

五言律

送汪公宗器入爲大理少卿

以下八首闕

宋仲德金陵別意卷子

白齋詩集

卷一

四明叢書  
約圖刊本

平翁傳爲石仲殷賦

雲津書院爲續溪教諭劉君題

送鄭侍郎致政歸閩中

舟中贈姚生虞卿

白齋詩集

卷二

二

西明叢書  
約園刊本

溫州衛署新成賀劉揮使二首

寄包民望

時民望按陝

越水三春別秦州月幾圓  
板書呼萬里經略坐踰年  
健馬重歸道高冠日近天  
獨憐秋寺雨夜到枕屏前

楊光祿致政歸鄉

平生付公論履道有神明  
世感朝雲滅歸心春水生  
走沙迎故吏啼樹感殘鶯  
試問餘年事江湖無限情

輓黃流先生

發策不如志舞雩空夜長  
交能到詞苑道已重君鄉  
山木斷陽德浦珠收夜光  
決明堂下發風雨爲誰黃

寄余潤之

白齋詩集

卷二

三

明叢書

約園刊本

直以遭時拙而深筆研功  
思君秋海白坐我夜樓紅  
暗葉驚階走清砧與夢通  
壯遊心未已龍劍得其雄

賀楊吏部母壽七十

母道於斯備人閒百不如  
性嚴申國教意到范滂書  
善慶天無假鮮甘日有餘  
吾儕仰慈軌再拜日升初

邢子用山居之作

青嶂插天隅堂幽美事俱  
谷聲隨屢近山腹繞門紆  
草發春先驗溪奔意不趨  
大觀齊物我不是學楊朱

贈封君劉侍御

堂慶方酣暇春山花事隆坐收作室利不負種槐功自  
覺蒼龍老人看白豸雄歸心戀梧竹舊宅小湖東

求己堂

濃墨書求己堂開竹柏陰乞墦矜世恥正鵠對吾心孔  
氏雲何薄袁公雪正深爲身尋喫緊非是惡黃金

壽余子積父

大塊寄行窩詩篇日勘磨身隨白玉老子較禹鈞多桃  
竹過眉紫山花壓鬢睡海天非急景不借魯陽戈

寄倫太史

白齋詩集

卷二

四明叢書

約園刊本

狀元天上客瀛海是仙居春院行多竹秋堂坐有書星  
河耀繡腹天露湛華裾莫問江南事黃花瘦不如

送章生

歷覽南朝勝鍾山虎踞豪風花江店晚雲月野船高萍  
梗因風聚漁樵或路遭詩囊今重幾更爲一揮毫

寄李誠之

淮南君尙臥吾亦到江東細札閒中備新詩別後工晚  
懷江竹兩秋髮清運風莫負黃雞月山牀一醉同

寄楊吏部

耳熟南州譽身逢北斗邊不辭頻下拜所恨別經年會  
要周官裏文章漢氏前相思步高閣新鴈滿淮川

秋日飲佛國寺用夏德樹韻

碧殿紺園西微風吹蔭藜安禪閉深戶驚鶻墮危栖雲  
爲青山在蟲過白露啼重遊有無得十指豈能齊

送柴君還鄉

官舍勞重過青驛入郭寒雲江搖蠶棟霜蕨載雕盤古  
道人情朴窮冬別思難臨風懷贈答何以得琅玕

寄徐東隱

白齋詩集 卷一

五 四明叢書

約園刊本

我性耽迂僻公今亦憚煩地偏如隔壤溪曲愈深村桑  
扈春前枕蛭蜩雨後門更求人境外山水謝公墩

輓孟郎中時元父

京洛塵方浣晉陽名義聞弟兄王太保鄉里范希文陰  
德高門地天光沐隴雲平生難盡紀格筆恨斜曛

柳侍御父母雙輓

淒淒三十載滿紙事堪憐有死雖常物同歸不偶然藥  
牆心獨苦椿竹影還傳賴有雲山夢秋深足枕邊

雪隱題顧郎中卷子

芒屨去無痕何人割曉昏只疑吾夢寐別在一乾坤五  
石深缸酒千峯獨版門退藏猶未密花發暗香村

送董太守之楚雄

賢哉二千石出守兩三城有帝聞卿久無人說政橫楚  
舟依夢發黔樹入雲平坐見神功下兵賑民亦耕

地官員外郎張廷紀風木圖 批 婆娑句悽愴

木以靜爲性風來不自寧寒聲撼虛屋病葉落高冥寂  
歷終天事婆娑別後形畫圖不盡意猶在夢中青

輓白尚書

白齋詩集 卷二

六十四明叢書

約圖

精白不負姓炳丹匡聖朝一麾呼草竊累疏拂雲霄寶  
帶無前盛深松直後凋不勝仰高淚風雨晉陵潮

書杭東卿扇

白璧名方重黃金用未舒欲將南去舸收拾北遊書碧  
草莎雜候青山荳莢初家童得來信長簪掃煙墟

京師送沈著丞還宜興

別酒不成酣停杯放劇談雖依星斗近終道水雲堪野  
漲通朝扈春山結早蠶故鄉無限興非是戀江南

冰崖卷子

對面高崖立盤回石幾層近天多得雪帶雨或成冰縞  
夜疑遊鹿明溪雜亂藤時將山脚水浙米飯鄰僧

山居卽事

高齋獨眠起雲午坐來虛林近憎啼鳥溪清見伏魚生  
涯謀道熟箕踞揖人疏多少耽山癖年來覺漸除

喜雨賀寧郡守二首

牧守憂時切民災只咎予天心非槁木生意及枯魚雲  
氣橫深浦鳩聲動遠墟還期秋有穫誰謂負苗畝

旱魃爲時厲江山太莽然檄書催電母雩祭感龍淵

白齋詩集

卷二

七

四明叢書  
約園刊本

獄清冤婦周詩誦大田靜聞叱庶裏萬口使君賢

送茹貢士還京

北土來應遠南州語未便鄉心搖絳蠟別思拂朱絃海  
色孤舟路春聲百鳥天還期煙市酒同醉鳳城邊

贈向中美父壽六十

振履幽人道釣遊東海邊九重來聖典六十過蓮年鶴  
頂明文砌梅華拂翠絃終南堪祝嘏移置越南船

輓陳尙書

老作三朝宿曾陪八座雄江山俄慘慘麟鳳去夢夢聞

道死何恨生人心未窮紆朱有承者端見直方功

送林居魯之雲南少參

古格聞之舊風神欠一參官高纜益口書富已成擔花  
萼春當暮江流客共南于藩風霧外華月正開函

遺安堂

整足危機外遺安是壯圖我於聳利溥人教子孫愚白  
璧貽秦禍明珠笑賈胡研屏三四座所幸不塵燕

陳復清觀詩

批 末一句感慨深

湖海聞高譽風神若見之化從觀物後清似在山時覽

白齋詩集

卷二

八十四明叢書

約園刊本

鼓沈河樹秋塵生硯池淒涼攜鹿路來者復爲誰

皇初平化石圖爲顧華玉父祝壽

常物皆形禪神仙以化名誰知幽石理不是野羊精碧  
草千年洞金華幾月行君家不出戶稽首拜長生

月亭

明月生東海亭開輿較長樹虛通夜色雲薄漏秋光野  
博聞人語山書見字行所嫌猿與鶴啼白半階霜

石亭

我愛崆峒下幽亭傍石宜畫簷溪影動秋榻蘚花移聽

竹留僧久看山得句遲  
悄然天境裏那有世人知

題蔡氏鳴盛友于卷

只聽鄉評是無煩信史尋  
田真三子志石建百年心  
叔世淳風在高堂善氣深  
何須見鳴盛價已重南金

輓劉郎中克柔母

鳳纈空遺影魚軒不返轅  
芝蘭作物化栢橙或人存  
苦教傷拋翦清容憶闔門  
麒麟泣而語野色慘爲昏

喬汝修真節卷

幼志真成老生年卽逝  
年鉛華羞獨好松柏與同天  
苾

白齋詩集

卷二

九四明叢書

約圖刊本

傳呼兒語崔門道母賢  
善徵今可準雛鳳五雲邊

石峯

莫道愛廉隅天然氣骨殊  
不雲秋共瘦得月夜非孤  
此腳曾登否當頭有礙無  
百年吾隱几爲汝欠詩逋

梅雪詩卷

格筆評梅雪那能上下論  
只疑不夜國猶有暗香村  
天地搏肌骨神仙接夢魂  
敢隨蜂與蝶容易到梁園

輓太守王公

如行父

穀梁百氏外夙見素王心  
仕學如公少江山與夢深  
神

龍今失仗孝鳥負依林紙筆難題處灘聲下夕陰

輓周天兆

識面江湖上相期霄漢閒遊鯤方迅迅乘馬忽斑斑大  
夢君應短浮生世未閒秀靈消不盡惆悵會稽山

武岡山送田太守景瞻

未盡青青色迎君入楚州雲霞催淑氣花鳥謾深愁五  
馬春鞍重千峯曉帳幽何當屬詩卷摹擬寄同游

輓徐心齋

江水夢來急飛花不返魂醉鄉王績酒飯類杜陵村格

白齋詩集

卷二

十四

明業書

新刊本

筆橫詞賦飄衣別里門故人多少淚雲月寄黃昏

徐希曾母七十

苦節有亨道霜松晚翠參人情羨康壽天意在多男皓  
髮珠纓重黃花綵袖酣未須論末暮佳氣滿終南

輓邵天衢

北曹明法象東海見經營四尺金腰重千年玉斗傾伏  
波期馬革士雅負雞聲萬點麒麟淚風花落與爭

爲余君題保竹卷

豈不護枝葉滋培重本根乾坤應有意人竹兩多孫麟

腹空千畝清陰蓋一門興來不問主閒眼到君園

七月八日偕諸友集吳仁甫宅

東城沙草合觸暑到林亭野水浸園白秋天人座青百  
年同世界八客聚星萍吾有王郎興酣歌要汝聽

黃翁壽日

竹祖垂垂老而翁或共庚夜書燈下眼春杖陌頭聲綺  
里輕歸漢龐公未入城橋田三百斗爲酒宴長生

送王朝器致仕還閩

劉向身今老疏公志未迂甲科三成後勞伐兩朝餘年

白齋詩集

卷一

十二國朝叢書

約園刊本

物懷鮮錯川流送小車對門彭澤宰高興近何如

送張尙書

秀靈儲粵上模範出關中義分明霜皎文光北斗崇一  
身完白璧萬里附冥鴻送別清何極雲山道已東

自貞卷子

貞節自家事茲言是確論未亡扶弱息終老樹衰門豈  
爲芳名激焉知薄俗敦南谿有剛石抱柱土牀根

輓華侍御母

生榮娛白髮仙化重溟淩已謝蘋蘩事猶聞昧且雜賢

名著陶孟慈化及青齋遊子心如繳贖雲酒涕洟

送嚴思聖還松溪

卒業賢關久徘徊棘署深開籠見秋月策馬出寒林手  
拂行時劒牀虛別後琴三山望無極恨指白雲岑

送薛世成之官湘潭

薊北三行酒湖南萬里官平分天上月獨照馬前寒野  
水搖官柳遺民話畹蘭楚鄉今大熟禾黍及征鞍

風木慈烏圖二首

白日無光彩狂風吹北林弱枝持不定病葉落難禁古

白齋詩集 卷二

十二四明叢書  
初圖刊本

道泉魚淚終天季路心啼烏吻欲血寒雨夜堂深

百年庭下樹翠葉滿芳柯短日方堪愛飄風獨奈何徂

魂棲碧落亂影下清河不用烏傷感衰麻淚已多

輓葉司訓父

入世去千載泉臺歸幾重青山埋病骨落月夢仙容屋  
老來新燕田蕪賸晚菘誰將寄涕淚風雨水西鐘

楊謙大尹迎其父至尋復返田侍御爲求詩以贈

之

祿養方濃處斑衣取製寬離愁俄脫襁喜色賴能官西

鄙天連驛東山月在鞍期將清慎字萬里報平安

輓王先生夫婦

寂寞雞鳴候淒涼失鳳啣青山餘一畝皓壁待雙埋池  
鐸閉春廡倚機空夜齋膝前子與淚渾欲淺江涯

送李上舍

文廟柏枝東辭歸道亦通弦歌將夢寐志氣拂崆峒馬  
齧嶺頭樹衣飄江外風老子雙眼碧和月送飛鴻

慕萱卷子

批 首聯說透

白髮今已矣黃花似昨非何曾悅草木直是戀春暉的

白齋詩集

卷二

十三四明叢書

初圖刊本

歷明文砌蒼茫隔素幃風吹墮階淚不與露同晞

具慶題方監生卷子

矍鑠身同健摩挲眼對青九皋鳴兩鶴一屋聚雙星翠  
珮人喧座青雲子在庭尙猶尋遠計長日御稀苓

許君春山圖卷子

山客春長醉日高呼乃醒抱沙溪鳥白飼菜野鷺青小  
雨癡晴石閒雲幕畫亭黜聰今久矣誰且詰忘形

山居圖

水墨幅員裏真成前後村溪流卑似抑雲勢猛思吞突

濕煙催飯衣陳日送暄朝當迓新客春到翟公門

採芝

採芝綠林下草木映山衣路觸雲煙去羣隨麋鹿歸鶴  
膏參夜煮茶餅共朝晞歲覺身輕舉行將歷翠微

送駱經幕

別思隨春色人行花亦紅帝庭趨斗北鄉里過山東天  
道崇居抑雲司論有功嚶嚶鳥聲裏萬里鴈毛風

榮壽爲林太守

高深獻川嶽完氣至人當子祿將身貴皇慈鑄景長金

白齋詩集

卷二

十四西明藏書

約園刊本

泥天作字玉醜海成漿花木隨冠履扶春入畫堂

送戴天錫

淚濕衰麻客江霏滯不晴人心勝潮汐天氣入清明草  
次沙頭飯蒼茫水面程楚吳雖接壤雲木不勝情

飲陳氏竹林刻詩竹上批妙

竹瘦立詩骨昔圓獻酒錢水光搖地面天影到書前老  
景無千歲殘題又十年

舊曾刻詩

稚兒如解意伴我筍根眠

劉公去思祠

祠在永嘉

未詰甘棠事仁功收幾春千年同一揆三代卽斯民溫

海本無極生祠定有神棟隆非舊貫碧瓦麗青爨

牽和見素先生山寺漫語韻二首

曉逕紆雲閣涼登犯露麻山僧不如肉溪鯉自吹沙舊  
事鐘聲歇新題墨數斜行窩半蕪沒風日寄禪家  
弟子參玄散掃雲師正勞衣冠來不偶手額見加高野  
鹿轉金藏煙駕啼翠阜茶齋聊速客莫問酒中釐

五老圖

鬚髮亦蒼古溪風吹性靈眾人皆霧雨五老一天星鳥  
散雲還在人酖山自青吾將從此去結納寄餘齡

白齋詩集

卷二

五十四明教書

約圖刊

題松陰書舍卷子

昔人白鹿洞之子青松陰千金收萬卷獨鶴睨孤琴飛  
土無交接容光必照臨時來稽舊籍巷入藪侯深

菜蟲圖

朱門通翠圃野意頗芳菲土菜何青白春蟲亦走飛誰  
家桃李盛此地綺羅稀合會東園老茹芝言是非

謝蔡省掾

風郭秋晴日新寒正搗衣鴈兩人欲北山瘦葉初稀世  
路新知好乾坤昨事非菊深還有酒鳥道不如歸

謝游省掾

日高堂影淺長揖紫薇東  
泆忍牽微祿從容覲上松  
李生愁丈髮阮子借雙瞳  
無所瑯玕得清詩寄古風

六言絕句

山陽夜泊

海氣朝晴暮雨客行身  
西夢東暝落楚帆  
天上寒鳴淮犬雲中

包侍御輓詩夾

東川遊龍不返南國愁  
胡夜鳴小堂星光耿壁爲君再

白齋詩集

卷二

六

四明叢書

新圖刊本

續長生

東園詩夾

春醉枕常側左曉櫺身必背陰  
謝公闕  
召欲起泄柳閉門太深

山呼一雙分籠縣之聲相應清和作六言二絕

端是南禽北語能調新曲  
翻聲煙淨風稀別院僧過茶

熟初晴

幾黃上情思

分籠喉舌聲遠相睨雄雌意長  
死去化身尙羽願爲金

殿鷲鷲

初秋夕

人哦東閣西閣風掃青雲白雲蟲語正當月令星流斜  
度天文

敬思亭

百字后山亭記千年林子同懷闔戶如聞歎息風鳴蟲  
響秋階

白齋詩集

卷二

十七

明藏書  
新刊本

白齋詩集卷二

白齋詩集卷三

明鄭張 琦君玉著

玉峯朱欽編次批點

七言絕句

京邸元夕

風伯清塵一點無  
百枝燈火映珊瑚  
柳南華月連光起  
并作君王照乘珠

壯遊

天涯雲月動飛旌  
劍逐龍駒出戶騰  
二十二條時務說

白齋詩集

卷三

一

四明叢書  
約園刊本

馬生何處拜昭陵

棘寺夜直

細藤幽荳交垂戶  
雲片河光欲墮階  
今夜直須王粲筆  
與蟲相對寫秋懷

竹鄉卷子

林批 絕似杜

太行山高楊子深  
一分平地直千金  
便須種竹三百箇  
中起詩樓臥晚陰

書得

萬殊擾擾問玄幾  
古有瞿曇是我師  
去掃松花作供養

水窮雲起併筐遺

煎茄

絕無滋味假油煎慚愧三公匕筋邊到得何曾無肉食  
兩廚煙屋始論錢

屈平圖

熊繹曾孫不競秋逐臣飛葉兩隨流不知魚艇寬多少  
好載先生出楚州

太乙圖

海水近天三四尺仙人入道幾千年東華欲去無舟楫

白齋詩集

卷三

一四明藏書  
約圖刊本

乞得山頭玉井蓮

半閒卷子

日出今朝事又生強於忙處寄風情柳花落地脊多少  
也與兒童攘臂爭

石田畫幽人

無事山中怯睡魔起來江上踏寒莎月從十五秋光滿  
今夜梧桐影又多

朱君扇景

鐵撥鶻弦滿耳鳴嶧陽枝上壁塵生古情一片嫌新麗

來聽風聲與水聲

王思謙山水畫

思謙蜀人

日出千峯市向陰  
舊聞西蜀盡山林  
使君更寫江南景  
要與峨眉鬪淺深

融軒卷子

倉庚高鳴蚓不結  
上下天光闕水光  
正好兒男親織作  
綠蒲門外過人長

沈石田畫雜

蜀雞爛綵鳳威儀  
天下何人向守雌  
幾度欲啼還不發

白齋詩集

卷三

二三四明叢書

約園刊本

函關恐有誤鳴時

書蘭亭記後

批說倒

高竹深溪春事幽  
文章千古說風流  
我今猶恨當時筆  
欠寫新亭一段愁

琴士圖

林批

快人意

風聲水聲十指閒  
天地龜茲在此閒  
留我一條攜鶴路  
格開黃葉問深山

何孝子廬墓

野哭踟躕天爲悲  
墳草方春綠未滋  
才信神明通蠢動

虎泥三匝小茆茨

齋居遇雪二絕戲呈諸君子

累日不飲可奈何齋堂燒竹乞春和詩肩凍聳猶宜雪  
坐卜今年酒米多

高榻仰聽知是雪虛寮斜見只疑星一場枉事難分豁  
白占山樞半畝庭

舒嘯草堂

杜陵新樣草堂低堂下江春碧蔣齊歌嘯有懷誰我識  
一鶯相對主人啼

白齋詩集 卷三

四四明叢書

約園刊本

江神

公塗海水一般情未可安然掉臂行十日江神無鴨饗  
惡風吹浪入山城

六月二十八日陸行至彭城病暑改從舟口占一

絕

妄以千金重生出門無帶一身輕南風不動江流靜  
綠樹扁舟煮藥行

早發滁州

一兩人家水滿田惰農夫婦日高眠山行有客騎羸馬

已過黃鸝深樹邊

秋日途中見有栽秧者因傷之

度支次第較租庸手握青秧才草同我願君心化明燭  
道旁人是聶夷中

江浦經定山故宅

門前山影帽簷斜巷口風光落午花猶喜兒孫解儒服  
百年誰笑不成家

送別圖

江門送客意慘慘帶雨入城披此圖君去我留渾不定

白齋詩集

卷三

五

四明叢書  
續圖刊本

百年名利一馳驅

墓樹

批 感愴

作花莫作墳前樹三日清明便化泥猶道春來愁尚淺  
黃昏添上子規啼

草玄亭

談玄亭子壓秋沙樹影津流次第斜八十一篇真草草  
至今故紙滿人家

射黃羊

黃羊歲老欲成精血污將軍箭鏃腥莫把菟苗當小事

明年持此破先零

輓楊進士父

仙骨誰能王子晉詩名留得謝玄暉舊時雲母當前路  
月出煙蕪人未歸

題高登之樂魚卷

形器求魚不是真綠濠春動水津津午風雙目神光靜  
射見南華第二人

王侍御出身圖二首

綠楊瑣外千條弱紫殿雲頭半杳晴春色百回今較異

白齋詩集 卷三

六 四明叢書  
約園刊本

玉驄騎在落花行

日出東華鳥語繁東風寒淺絳羅溫不知堯殿深多少  
閭闔沈沈見至尊

陸學士家藏史中丞墨竹

城中寸土易千金種竹家家不滿陰學士堂前地尤貴  
只從細素寫秋林

聽潮樓

白日高眠海岸東潮聲長滿竹樓中憑誰借取黃州筆  
細寫新涼六月風

畫鵝

鬪雞鬪鴨不勝爭春淺江深聊一鳴所恨蔡州城下事  
千年錯道混軍聲

雨晴

電滅雲頭雨亦殘蠅蚊不到水心寬日來學得清江引  
要乞明皇小阮彈

南坡卷子爲戴君題

前身蘇子是人豪夜鶴秋江野嘯高莫道兩坡相去遠  
好風三日到臨臯

白齋詩集

卷三

七

四明叢書  
荆園刊本

題蔡同父送別卷後

行處梅花清淺水別時楊柳短長條羣公醉墨猶嫌少  
更乞山人續小謠

淵明圖

劉公虎步方疑主陶令鴻飛遠避人親手種松今老大  
晚風落日伴孤臣

庵中

流水門前日日過堂中人坐老維摩午階風草吹蘭蕙  
春壁雨藤行薜蘿

一真

已隨把朴子同歸漸覺雕龍世事非打坐溪邊照真影  
年來啖菜也豐肥

船上犬

百錢買得到商船舊主山村路渺然見慣北人渾不吠  
月明江上背風眠

見蟾子

直下簾端放一絲神明教爾報佳期不知今日深閨裏  
何忿天涯卜喜時

白齋詩集

卷三

又

四明叢書  
續圖刊本

機鴉

侵曉烏鴉作陣喧近從樓閣遠於村年來慣苦招饒舌  
便合高眠不出門

台和驛南望彌望皆白土

當時戰血有餘腥白土經年草不青留得遺民幾家在  
夕陽村裏掘芙蓉

關鰕

長鬚似戟鬪清尖小雨新涼露晚兼直到月明纔有影  
一雙飛上水晶簾

題無音卷

纔見春城歸荷蓀便將諸念定中消雲簾撲地深如海  
不放鶯聲破寂寥

彭城懷古

沙場人去鳥成羣南北原頭此路分莫問蒯通爭鹿事  
大風吹散霸王雲

書龍氏歸墨卷

醉墨當年數十行野亭春思不勝長竇函龍逝今俄返  
指點兒孫拜草堂

寒鴉

寒鴉作伍誰家樹雪意蕭蕭到晚濃莫向隋園重回首  
垂楊遮斷景陽鐘

題畫三首

絕巘猶堪安古寺閒雲定不著忙人胡僧一隻西來脚  
冢嶺山頭正出神

鷺地高濤鷺地消路於截處有飛橋只今萬事須公等  
未可山中引手招

江頭有客去不去終日春風吹酒旗獨板橋西吳子國

數錢猶記買船時

送陳舉人會試

山月開門樹影青  
曉風涼動一河星  
席珍瑣碎應非寶  
鐵網珊瑚下北溟

竹下居士

巍石如屏蔽夏寒  
古苔清淨利盤桓  
探囊尙有金鉤子  
添置青山種竹看

畫竹

子瞻詩瘦家無肉  
與可風流筆有神  
何處先生得遺紙

白齋詩集

卷三

十四明齋

約園刊本

每教風雨惱西鄰

畫景

滿船灘瀨灞陵雨  
隔水蛙聲杜曲田  
造物與人留晚計  
百年山水故依然

鉤勒竹

雖無大鳴飽公卿  
終是西山餓骨清  
昨日黑甜秋影下  
小風吹得醉鬚橫

題萱爲吳約中

萱花歲月重於金  
白髮長來不自禁  
今日見花須下拜

幾家春草到秋深

扇景

家住寒江東復東  
茹山飲水百年中  
還憂舟楫成虛木  
來向江頭候好風

陳司徒與弟對牀圖

夜合燈花相映紅  
尙書兄弟一樽同  
雨風蘇鬢渾相似  
白者長公斑次公

廳事後觀雨

批 只山谷說得出

胃強餐飯偶一盆  
雨勢入屋不閉門  
手肱曲闌眼力正

白齋詩集

卷三

十四明齋書

約圖刊本

水面已沒芙蓉根

將禱雨壺山前一日作

飛雲卓日互陰晴  
細霖高簷未雨聲  
準備祭雪三十里  
壺山聞有水龍精

喜雨贈劉孝子

赤土三丈裂厚坤  
虹霓望眼達朝昏  
龍神下感邦君膝  
雨勢來從孝子門

出城觀田水

昨夜雨聲鳴萬濤  
壑中低怒樹中高  
省方太守朝開眼

牛膝如飛白水洮

李侍御南巡返往新亭庵候之偶成一絕畀僧

只說長安是路衝綠林碧巷亦迎逢山僧來詰寰中事  
麥飯新茶聽午鐘

戶外楊花帶佛香東風上下作微狂使君除卻勞勞想  
來與禪心較短長

東坡畫風竹

東坡妙墨入神功喜怒愁歡畫竹中富貴玉堂貧手段  
醉來長掃伯夷風

白齋詩集

卷三

十一四明叢書  
約園刊本

東坡畫雪竹

窮山深雪四五尺老竹橫斜三兩枝草木豈無強項令  
有頭不肯向人卑

觀察使劉公養心卷子

奉身調度淡雲如人謂不足吾有餘老大猶行弟子拜  
筍峯香火受軻書

筍峯劉公號

終慕卷子

大塊茫茫未了情穎人何但感君羹公家種樹三千丈  
天不爲風亦有聲

春野齋題郡君卷

春風隨人出東城貴客曳踵不肯行有人短褐無羈管  
腳踏飛花聽鳥聲

魏塘郵亭偶書

秋米纍纍斗十錢醉顛飽腹似堯天依山小戶無禾黍  
春蔗成漿也有年

金秀才母輓詩卷

神挾飛鸞直上昇空聞鄰姬說賢能西風無數鎧前雨  
吹作殘縑一片冰

白齋詩集

卷三

十三四明叢書

約園刊本

郡齋述懷五首

用見素先生韻

繁梅晴日畫屏前薄餅新菘錯進筵糲飯龐公野人性  
騎牛只記隴頭天

三公堂下迹如掃五柳門中庾欲縣道在寧須論飢飽  
扁舟捧腹過前川

蟬御天風離垢骸雀爭蟲黍落堂階物情人事渾相近  
起照清池明素懷

冬行春令暗雷驚歲兆來年卜未明慚愧吾民急征賦  
督郵猶自詰稽程

半生喫緊百家中直欠工夫著帝衷帽屋蕭蕭向遲晚  
消憂來坐竹根風

試士廳事下丹荔方熟偶讀山谷詩賦得四首

山谷老人作者師涪州謫後語尤奇雨中二美真傾蓋  
手握陳編喫荔枝

諸賢今日我當師拙眼年來卻鑿奇擇士正如收荔子  
指攀紅重兩三枝

郡庭種樹無場師四曲闌干圍秀奇人意巧如猿盜果  
南風相戒出牆枝

白齋詩集

卷三

十四

四明叢書

約園刊本

酒量慳來謝飲師詩魔降下黜新奇只堪一味東歸夢  
雨紺楊梅勝荔枝

秋景圖

林批 眞

雨洗青天風掃塵秋來山水瘦於人誰家鵝鶴鳴雙槳  
直過江南採白蘋

一老

批 老意健手

瘦來湖石似吾形墮髮茶煙白亂青靜洗篠堂支膝坐  
傍人稱是老人星

一松

林批 冷語

不隨桃李墮蕪萊五百年長亦壯哉聞道未央興土木  
寒梳石上有人來

田中

攜鶴到田逢小霽借涼於竹渡深溪歸來筆格生微雨  
踏濕山書正面題

輓沈檢院父

人生共惜秋蛸短白髮歸天夢亦安寂寞不須傷後事  
紺芽紅甲一園蘭

畫竹

白齋詩集

卷三

五四明叢書

約園刊本

垞北花開空自繁郊南竹好也成村對君高節今如許  
坐大兒孫不出門

畫梅

扁舟沿月下西湖月裏梅花見一株半夜舟中呼紙筆  
起來搗得暗香圖

題楊伯升扇

憐君腳底江山闊愧我閒中枕簟忙纔舉一觴仍不醉  
晚潮來處又鳴榔

徐汝容郎中三友圖

交到忘形若飲醇胡爲直諒又多聞一方坐席香還影  
未許華歆割半分

檜萱並茂圖

不老千尋倚天樹忘憂一朵照人花樹邊花底無閒地  
無數春蘭發紺芽

聽松圖

山深誤入龜茲國松響如遊廣樂庭不是前身是弘景  
百年誰坐石頭聽

童舉人自太學歸壽其父母九十歲

白齋詩集

卷三

十六 四明叢書

約園刊本

丹山雙鳳影婆娑對舞乾坤歲月多千里佳雛新至止  
上堂無奈菊花何

壽節婦陳生祖母錢氏

鏡破當時髮尚青便將黃髮等參苓半生坐對堂前竹  
細補秋衣眼似星

奉和董僉憲遊大理寺

先生詩骨瘦於秋孤鶴高雲作偶遊白髮一莖梳墮地  
江湖還有未忘愁

送張文達之任亳州

斜日江頭雨未晞  
雨花亂點使君衣  
譙城人報明朝喜  
百萬蝗蟲出境飛

悼亡

雙影若生冠服貴  
百年何處瑟琴齊  
寢門落盡曾參淚  
明滅寒燈到曙雞

羊頭車

軋伊聲裏欲斜暉  
南客初聞淚滿衣  
京洛風塵三百丈  
年年載得幾車歸

舟至高郵

白齋詩集

卷三

七

四明叢書  
約園刊本

故園初解木蘭舟  
漸覺長河水倒流  
楊柳亂鴉寒色裏  
西行一月到高郵

嚴惟中思教堂

積埃空自委陳編  
夫子歸魂逐逝川  
昨日風階秋葉響  
伯魚猶似過庭年

過淮河

朔風鳴鼓下寒川  
西指淮流卽是天  
十萬人家楊柳樹  
半開青眼望新年

直河

白草寒煙沒燒痕鷓鴣飛處有柴門直河莫道無關束  
一曲江流抱幾村

聞鵲

博勞啼惡鳥鷓鴣怪此鳥千聲不是頻頻鵲觀前三丈日  
隔煙驚起曉妝人

列子御風圖

凡骨輕來已絕塵宸遊汗漫踏風輪長空萬里重回首  
要把東華教後人

夢萱爲建平李秀才賦

白齋詩集 卷三

十一 四明叢書

約園刊本

橫風暴雨掃階來不見慈萱見綠苔最有一花凋不得  
百年長向夢中開

張家灣書事

細柳沙村繫短篷亂流斜日滿江中關文不向州官討  
酌酒青天乞順風

出京

南出神京盡海村飛雲走葉正紛紛還期一月歸鄉里  
改換衣袍拜墓門

舟中

歲晚舟中見物稀紅霞碧水與斜暉鴛鴦隔浦誇人立  
看我天涯獨自歸

過淺

安得溫犀照水行水中應是設機兵剛過一淺猶三日  
出路人言莫算程

李福送酒舟中

三日舟中罷舉杯寂寥那得好懷開李郎渾有平生識  
隔水殷勤送酒來

望雲祝壽

白齋詩集

卷三

九四明叢書

約園刊本

雲容客思兩微茫何處天涯父母鄉我願化雲成五采  
爛拖春色上高堂

一鶴

孤標不與羣爭食清唳曾無子和之聊把春谿上天骨  
桐花陰裏寄多時

牡丹孔雀圖

孔雀東飛到洛陽百家煙日賞花王隔簾更有關心物  
拂羽鳴鳩已在桑

送包民益

平波曉日放船好紅鯽銀鱸作饌肥八十慈顏相顧喜  
江南煙火望中歸

送汪文盛歸四明

集叢江頭陰復晴水鄉風力迸歸程鍾陵千載南朝寺  
少卻雲峯半月行

四皓

林批 道不得語

風裏飛花未帖然靜中棋子動機權在山泉水青天色  
流出人間不似前

漁父

白齋詩集

卷三

千四明叢書  
約園刊本

滿地江湖堪著夢何王門下一蓑衣半敲笠子遮雙耳  
西塞山前逆雨歸

米芾拜石圖

頑石無靈不點頭米公拜石爾何求雨花風絮飄零盡  
珍重煙光一丈秋

竹圖

千挺風篁刺水寒巴童罷唱雨初乾蒼梧以北圖中恨  
畫屋斜陽據枕看

魚畫

斷港楊花落作萍遊魚水面唼花行新抽獨繭絲多少  
將下吳門釣晚晴

送徐甥

聞說明朝別我行聽蛙鏡裏坐三更老懷定與東風約  
相送江帆過石城

夏惟和扇景

晚風吹散石湖煙秋眼如星可盡天獨櫓小舡人未到  
水光先動硯屏前

雪舟圖

白齋詩集

卷三

王國明藏書

約圖刊本

凍雨積強三尺雪夜風吹滿一更潮歸時不減來時興  
銀燭滄江醉未消

質菴卷

東鄰花發鬧筵篔皓齒清歌緩夜愁手握素藤閒院立  
懶開醉眼說風流

寄慶子

吾兒才高須矚括官樣文章不在奇人道苟高能過母  
叮嚀獲養鳳凰枝

寄德真

能爲絺繡作天花月貌冰襟亦可誇寄語要恹恭順德  
日從汝母訓生涯

寄遇子

頑從庭下狎鱖魚靜向窗前學弄書楊寶聰明劉晏美  
一般秋月映芙蕖

送仁和邵舉人

戊辰會元

雲際扁舟等一鳧送君梅雨出玄湖相逢霹靂人須避  
袖裏文章八陣圖

趙惟盛望雲卷子

白齋詩集

卷三

三四册藏書  
約圖刊本

親在西山葬夕陽百年魂氣隴雲長愁來獨上揆樓倚  
絮擘青天一斷腸

醉題王汝瞻家白頭海棠圖

蒙恩堂上燭光紅雙手披圖似夢中花鳥滿枝看不倦  
爛磨醉墨寫春風

宋徽宗畫藕

根本枯來不著土花如雲錦亦何爲蘭舟遠去無消息  
賸得江南藕一枝

趙子昂畫舫

野水津涯未可尋，南湖不似北湖深。  
青蓮幕子長松蓋，併送斜陽一路陰。

瓜鼠

食瓜食實勿傷根，生意微微復爾存。  
一鼠作災猶小耗，人閒草竊正紛紛。

暑夜

海氣黃昏毒我腸，月從深竹放清光。  
竹中有地寬多少，枕席富來求夜涼。

雪月

白齋詩集

卷三

三四明叢書

約園刊本

雪片停飛雲漏天，月光到地舞嬋娟。  
此時若載西湖鶴，好與林逋共一船。

王如行乞改南曹

拄笏金門憶寢闈，乞移南署傍春暉。  
太行山外天多少，自此孤雲帖不飛。

送嚴惟中

當日高吟白鴈天，寒流萬里雨鐙船。  
別來楊柳青今幾，相對鍾山說往年。

送吳仁甫

北渚佳人相見稀  
西窗音信報將歸  
遠雲不阻隨君興  
鴻鴈江南一字飛

竹林圖

疏眉短髮開生面  
君是嵇公我是嵇  
竹外斜陽高幾許  
讓他胡馬飲春流

雪景圖

閒將憂喜關時物  
一色乾坤決背閒  
欲倩東風詰滕六  
幾時還我水南山

春山獨坐圖

白齋詩集

卷三

香四明叢書

約圖刊本

雨過山腹作春晴  
千尺飛泉落碎瓊  
野老忘機吾不信  
一方白石與雲爭

次楊侍郎韻題貝生扇面

卽從毫素寫秋林  
紫翠浮空作小陰  
只欠西齋添箇我  
白翁原有白雲心

三笑圖

惠遠在山僧世界  
東林雲木白猿啼  
當時不著陶彭澤  
千載何人說虎溪

小景

昨夜江波浸竹門只疑雷雨在前村高風忽報野晴好  
準備湖舡送酒尊

漁屋

浪聞湖海可逍遙纔有謀生便市朝親見衙官打漁戶  
扁舟何處避征徭

畫鷹

雲天千仞仰鸞鳳爾獨來歸海樹涼只恐中原猶狐兔  
秋風終是望鷹揚

畫竹

白齋詩集

卷三

玉函明叢書

約圖刊本

只疑風雨打簷鳴無數新涼滿地晴人道中書君已老  
醉來還健寫秋聲

柏椿圖

椿柏婆娑共一堂接枝交葉倚天光張公兄弟頭如雪  
樹下時來序鴈行

畫菊

摩挲醉眼看秋容貝錦文綃一萬重猶恨天孫虧一段  
楚江分做木芙蓉

濠梁驛書事

批 情感狀得出

雞鳴潮白此沙邊斜日山光忽溢川回坐壁閒閒論星  
半生長是逆風船

病起言志

草野歸心日夜謀青鞋布襪上扁舟蓼花東岸人西浦  
相對芙蓉各點頭

南寺遊四首

手攀石棧上青天惠遠前身定有緣斜日光中三丈石  
大書深刻記來年

郡中休暇一探玄萬事關心未了然行上高臺試明目

白齋詩集

卷三

五十四明鏡書

約園刊本

吾民何處少炊煙

月峯山意何太古百柞千松挾雙廡歸時巷犬無警聲  
長竹箒鏡送明府

芙蓉千樹列如麻色相山中亦種花猶賸溪聲樓下水  
明年留我煮春茶

夏太常畫竹爲嚴太守賦

汀煙嶼竹向微茫高日薰成翡翠光夏子前身文與可  
起乘殘醉寫瀟湘

二月二日

江上輕雲覆戶低  
杏花開好未黏泥  
伯勞猶更嫌春淺  
背坐東風不肯啼

有懷

南枝驚鶴北枝飛  
碧海青天有夢歸  
人在畫樓方獨坐  
滿身明月白雲衣

寄秋水何先生

白楓船外釣磯前  
鷗碧鳧青水似天  
高興浩然遮不住  
小樓一夜夢秋煙

雲莊何君山水畫

批

只如此人使說不到

白齋詩集

卷三

三十四  
四明叢書

約園刊本

門裏芙蓉浪裏沙  
輞川風色似君家  
只將畫壘當官府  
年納秋雲一百車

贈康鵬

何堪一別動經年  
不在梨園在買船  
今夜唱歌無越調

江南人怕鷓鴣天

悼孫允廉二首

己酉舉人

批 直恁高古

萬里蒼天尺五墳  
天不收子地容君  
西風數陣南飛鴈  
似學文章寫暮雲

秋月雙眉雪色容  
去年照我草堂中  
今宵我照思君燭

雲白天高哭露蟲

海雲二首

老蛤吹寒氣不收  
蕩磨天影落滄洲  
若教化帛三千幅  
寫盡蓬壺九箇秋

雲隨倦鳥早飛還  
心性長宜海上山  
月白梨花今悵晚  
略無春夢落人閒

何太守山水畫

何公澄嘗守袁州

竹鶴老人天下稀  
筆端雲物寫心機  
黃茆海嶺孤舟雨  
猶是袁州解印歸

白齋詩集

卷三

天四明叢書

約園刊本

怨雪二首

只堪江上點漁蓑  
獨客天邊奈爾何  
燈焰不明窗影白  
半牀山巒夜寒多

天落瓊花飛太虛  
憐騰睡去滿前除  
吾今不讀孫康傳  
四十無成懶看書

陳一樗假山

日來不好眞山水  
城裏假山三丈青  
明歲落花紅滿地  
不開春院寫金經

韓幹畫馬

子昂臨

解甲歸來肉已肥，舉頭猶動北征思。  
玉關閉矣呼韓老，未許將軍孟浪騎。

蠟嘴

棟花時節亂春聲，曾在西河立馬聽。  
今日山中滋味薄，半林紅子啄冬青。

感練子

春風還未到，山池綠竹紅梅兒。  
一枝飛鳥下來天欲雪，滿身寒色似求雌。

青菜

批 道理是

白齋詩集

卷三

五

四明讀詩  
初園刊本

東鄰殺牛犒徒役，西家養老菜不足。  
何公箸冷肉糜空，只有南園菜根綠。

春日曲

批 似李

高枕傷春睡未蘇，半醒殘夢遶珊瑚。  
鳥無聲處妨人見，花欲低時要我扶。

送許習之

黃山閣外竹雞啼，旌旆風前白浪齊。  
今夜勸君多酌酒，陽關只在燭光西。

山水圖

百年纔得此山川，山有樓臺水有船。今日登臨秋色好，  
香爐峯下白雲天。

古亭

批 末二句感愴

寒潮風退磯頭白，高樹紅欺葉上青。飄瓦敗簷秋影老，  
路人顛作斷腸亭。

雪樵

天寒白屋竈煙遲，兒女鐙前夜不嬉。十日賣薪三日飯，  
雪中誰訴縣官知。

晚次太湖口二首

批後首句法韋應物道得到

白齋詩集

卷三

三四明叢書

約園刊本

湖邊長路白如蛇，湖上青山亂似鴉。楊柳曲塘鐙火起，  
不知舟楫到漁家。

落日扁舟似夢中，江南人在五湖東。靜聽沙客行相語，  
明日開帆有好風。

大川清之侍坐子夜深恐其室人待之久也作詩

戲之

雲母廊前月欲低，蛾眉還坐畫屏西。銀河水闊人歸晚，  
敲斷金釵到曙雞。

泊西水驛

西水驛前三泖白宣公祠下一鏡青欲將歸夢隨飛雁  
月落沙寒不過汀

陳省軒勿念卷子

司空營有胼胝苦刺史曾無運甃功不識嵇康何似者  
青春吹老竹林風

食張琨家瓜

廚人切瓜如切金瑤盤捧出涼陰陰槐葉冷淘不足敵  
啜此便有羲皇心

題清之一水卷

白齋詩集

卷三

五十四明樓齋

約園刊本

天一初分先見水牛泔滄海本同看子今頗識堯夫意  
來向溪頭學弄丸

觀妓戲東徐東之

燭含鳳嘴照清歡一朶芙蓉四面看今夜獨輸徐孺子  
公然將入玉闌干

長山雨中答陳主人

平地黃流亂入溪短簷飛鳥落雞栖東君問我山中意  
一寸青燈照爛泥

秋江曲

秋江美人芙蓉衣日出採菱晡未歸一道清歌渡口起  
鷓鴣鷓鴣衝人飛

鶴山

批 荷

鶴繞青山何潔白青山近鶴轉分明不知鶴外山多少  
亂數芙蓉不記名

贈丹徒郭大尹二首

曳屣升堂每晏然綠琴在御鶴初眠必齊一片廳南月  
照見先生第幾絃

自古河陽一縣花而今開到郭侯家春風樹樹多成實

白齋詩集

卷三

三四明錄書

約圖刊本

給與侯民當熟麻

憶山

鶴沙舊路春江上暮雨泥橋綠樹閒加我廿年閒腳版  
直須行徧水東山

送毛文璧

批 爽致

暑中過我飛白汗忙裏因君洗竹堂對酒借閒宜入夜

紫蘭風外月鉤涼

畫薔薇

白髮看花已不當猛將詩句鬪紅妝玉妃昨夜親低首

要乞先生一段香

過建灘二首

批 格意恁高

當年開設事難憑  
水裏乾坤又一層  
莫是女媧安不固  
補天墮石亂稜稜

此去前途入百灘  
舵公雖微倚爲安  
鯨牙蛟背藍灣上  
張膽猶歌行路難

十月三日早發溪上皆白雲漫話二首

每指白雲天上國  
未經身到作閒疑  
朝來舟楫微茫裏  
身在雲中自不知

白齋詩集

卷三

三四明藏書

約園刊本

人間遙度本非真  
只道雲中別有神  
親棹孤舟來不覺  
白鳧黃鴨病夫身

羅隱廟

灘上羅族尙風

紅葉灘頭一聚村  
人家羅姓隱之孫  
人間著作曾多少  
水日金光滿殿門

書所見

深苔洗水鳧頭碧  
枯木掛厓虎口白  
數戶居人幽谷中  
亦有夫布來相迫

書子陵祠壁

紛紛封拜烏台旅諫議難拘天下士帝王豈真念布衣  
故人只有雲山是

魚畫

身是神龍伏氣機十年江海借魚衣也知形色非天性  
一夜風雷踏浪飛

歸田雜興

子隨郎罷孫追翁高唱巡簷楊柳風門前泥深轡蹄白  
船面日出魚尾紅

呼風船

白齋詩集

卷三

三四四明叢書  
約圖刊本

北船絕脈牽百丈倏忽南船一鳥過猶自呼風作鷹吻  
人心不當奈何

雪夜齋居聞朝用謳詩西舍

寒宵有驚風敲戶凍鼓無聲雪滿堂便欲乘舟下溪去  
詩家只在竹西房

雖不往興亦不減

金陵送徐甥

汝舅衰遲何足似賢甥六翮要凌虛我今雙屐半裝齒  
秋月江窗讀報書

韓信遺金漂母圖

麗日黃金映水光  
柴荆老婦不相當  
漢家菹醢諸侯外  
只有王孫報嫗長

癸酉八月送楊朝宗還鄉

客不嗜飲吾居隘  
舊酒深樽闕綠苔  
秋入別筵開醉眼  
滿江鴻鴈卻飛回

暑夜

大火黃昏流竹中  
竹高千丈不含風  
窈兒卻曉秋來處  
移放銀牀梧葉東

松月圖

批 欲無聲臭

白齋詩集

卷三

三五四明破舊

約同刊本

膝當木几耳當松  
夜色新生秋海東  
千古今宵有聲月  
道人不坐寂寥中

雲杏圖

倚雲高杏騁丹朱  
草木卑看又一區  
近日東風狂子性  
莫吹深澗仰萊蕪

再過子陵祠二首

漁竿不重手難持  
來者何人往者誰  
獨有西山孤竹廟  
與公前殿博毫釐

水拂庭階風裊旌  
今來三過拜先生  
魚龍臺下都無欲

不食針鉤出戲晴

代光武子陵往復詩

光武往

逆氣王郎正沸騰南陽一劍起相乘桐江也是誰歸物  
何故高臺喚不磨

子陵復

文叔當年同讀書別來天地不相如陶唐亦有遺民住  
未信巢由買地居

光武又往

白齋詩集

卷三

三國明徵書  
一約圖刊本

一燭炎炎滅又然高皇政俗要相沿先生自爲真非薄  
無那孤風隘我天

子陵又復

六十衰殘不爲身拾遺小事少精神立賢只似高宗得  
師相新人非故人

意到

林井庵輓詩夾

諸公楮葉排秋旻寄筆東風悲踏麟我弔井西懷獨喜  
天留不盡與來人

寓車盤驛

簷竹山前後樂堂古松陰下燭光長  
忙中紙筆無多地  
起掃秋雲趁晚涼

田家春

綠楊微雨散雛鴉  
田犬逢人吠落花  
借問秦餘元不是  
葛天皇氏舊民家

虛所

無中覓有神常在  
實處求虛物不存  
一氣清明夜如雪  
木舟乘月我敲門

環翠樓爲石仲殷

百齋詩集

卷三

三四明鏡書  
一約園刊本

萬峯環翠翠於苔  
中踊高樓八面開  
倚柱有人詠長句  
謫仙天上打圍來

珉石窗竹房

翠煙樓閣紫瓊垣  
儀衛森森道益尊  
我欲乘鸞來說法  
月涼何處夜開門

題周生畫

沙禽玄白亂差參  
雲影山光共一潭  
應恐功名改人性  
天留好景戀江南

溪家

紫絮茅花飛入門淺溪幽響出籬根當家老婦無他事  
踏日呼歸白鼻豚

書葉東墅少府壽萱夾

人在黃堂花亦黃花開十丈滿靈光老夫近有長生筆  
來與雲門進樂章

春山曲

城中美人不識山春日登樓雲霧閒疑道天孫怨離別  
低橫眉黛不開顏

用陳圖南回首青山入夢頻之句書懷一字一首

白齋詩集

卷三

三十四明陵書  
約圖刊本

女牛曉散天河淡塵海年勞白髮催鋤起瓜田三十畝  
乘風江上掉頭回

客氣堂堂非固有豕虜蛙怒真算斗姑婦迭變須臾時  
劇戲臨風一搔首

點水蜻蜓不自寧豈知鴻鵠志高冥塵中髮鬢抄先白  
雨外雲山落晚青

撚髮平臨水鏡閒夕陽青靄半簪怪欲歸心事渾兼夢  
已遶吾廬檻外山

陳嬰蹶王常岌岌韋著無官亦自粒昨非不論今方是

飛鳥隨僧碧山入

衰年六十真何用五斗詩腰日覺重  
猛當洗足君子堂  
葉底羲皇作清夢

萬事勞形百不親買花沽酒了餘春  
我今雲主雲爲客  
來到山中掃石頻

送周侍御之京

歌聲裂石上秋雲草意川容亦送君  
細刷街頭桓典馬  
長安人識舊毛文

感遇

白齋詩集

卷三

三  
四明叢書

約園刊本

青山花外旖旎日秋水溪邊寂歷僧  
眼勘百年天地裏  
閒來此處幾人曾

送屠安卿侍御

霜天落月催清曙水郭寒流送畫船  
收拾數條桑土說  
好風吹上冕旒邊

題西坡卷

學士東坡侍講回帶將寵意出蓬萊  
金蓮花炬膏油氣  
不似西坡嗅野梅

白齋詩集卷三

白齋詩集卷四

明鄭張 琦君玉著

玉峯朱嶽編次批點

七言律詩

元夕應制

故事張燈屬上元人閒和氣發清歡  
星橋火急春容早  
帝里天高夜禁寬  
綵仗見時還  
白晝雲裘深處失  
餘寒  
分明樂事成  
奇遇人把良宵作夢看

奉賀冢宰屠公壽日

白齋詩集

卷四

一四明叢書

約圖刊本

磻鱗魚鳳玉爲脂  
燕樂聊隨土俗宜  
聖主正詢黃髮日  
先皇曾見黑鬚時  
三光直射向書府  
百客皆尊太傅賚  
不作尋常樽俎醉  
鳳笙持向北辰吹

奉賦大司馬何公五山書院

五山南據剡谿深  
高下諸峯各稱心  
輒向茅茨飛楨宇  
欲將館閣寄山林  
蝸礎石上行新篆  
水在雲中滴暗琴  
東海薄田三十畝  
爲公賣作買鄰金

金臺送馬大行使秦

行臺帝遣赴西州  
共看皇華使事優  
一盃不煩西赤請

單車兼得子長遊閩秦草外瞻高壘清渭天邊瞰細流  
無事定應臨邸壁題詩相憶鳳凰樓

送李都憲入爲少司空二首

別時輕雨灑江門馬邑龍飛不盡樽朝列位推神禹佐  
眾中人拜李膺孫黃鵬楊柳鳴新歲紫殿雲霞識至尊  
熙載豈無詩共酒月梅高閣詠黃昏

清江幢蓋舞差參黑髮司空鬢影深槽馬欲騰人共發  
沙雲初散水還陰新遷寶秩今三品舊住神京此再臨  
鄒社近天纔尺五朝朝紅日在華簪

白齋詩集

卷四

一

四明叢書

約園刊本

送唐時靖會試

古槐迂路辟雍西禮樂踰年走采齊壯氣北風催海鳥  
好聲中夜舞天雞白雲楮葉書初倦綠浪桃花浪不迷  
時物未知遊子膽黃鸝飛向別筵啼

用張東所韻贈致政鄭南雄

梧桐棘棘尋常見月旦山堂獨辨名鼇釣早收東海大  
鶴鬚微映北山明醉鄉玉續應多夢野奔葵邱不是盟  
吾欲相依時考德瘦藤稀見郡齋行

遊盧龍觀次宗朝用韻

眞人邀我石階東道士茅山或是公卉服帶來江外雨  
篆文經見國初風高遊峻壁夸諸少獨立清池對兩翁  
何物丹砂金殿裏明朝來也乞開封

徐隱君宜晚卷

卯酒纔醒酉酒濃出門小雨洗秋容未收殘果紅樓葉  
欲落斜陽紫滿峯行客有家投遠聚歸禽無序逐昏鐘  
人情景物都宜晚坐把長竿拂臥龍

送黃天章

兩都文物重交遊叔度汪汪萬頃秋羣鳳中天齊北舉

白齋詩集

卷四

二四明齋詩

約園刊本

五星東井一南流雞將曙色催華轂馬踏湖光濕露裘  
不信壯懷輕遠別野煙秋日定回頭

讀于肅愍公傳二首

昔聞長老談公事今日分明得傳看手把一麾扶九廟  
口持孤論奪千官北門鎖鑰非輕付中國鶯花不改觀  
功在乾坤身殞草風吹碧血夜漫漫

向書非是樂危機社稷擔當合付誰終古天心難早定  
千年國是久方知汾陽舊食生前報肅愍初刊沒後碑  
碧瓦廟簷春有力古松挺鐵兩三枝

庭中柏樹爲風雨所拔集數人起而築之

獨立階前丈五身蒼蒼古色可庭春忽驚颶母相欺汝  
便有場師議作薪吾力未能扶隻手皇天終是著深仁  
靜觀物理猶如此敢指顛危作棄人

太平岡新霽次夏德樹韻

城門無事日高開溼漠林光路縵迴觸馬青山如障立  
墮泥黃葉似秋來雲頭未散銜雙嶼水額新增沒半臺  
何必化緇京洛路紫遊繯外是塵埃

西湖遊題母侍御卷

白齋詩集

卷四

四四明樓書

約園刊本

畫船雙槳古今同湖曲垂楊半渚宮煙逐帝魂流水上  
鳥依僧夢白雲中山花欲接遊人語溪獠新歌太守功

甲子歲杭守  
楊公新浚

忽漫風光容易失不勝春望小樓紅

柳勤祖母沈孺人卷書事

舜華已分成塵土萬死猶存籍後容玉肘三年事泮泮  
草心千里託衣縫天將舊物還家好身縉陽春入柳濃  
百歲兒孫話遺矩矮窗秋月坐微鍾

遊佛國寺次王侍御韻

山行雙耳足驚啼澗潦霑裳手自提古刹今僧相見少

新篁舊竹長來齊  
茗甌取水妨龍毒  
革履穿花得麝臍  
侍御頗知吾碧眼  
昨來長紙送新題

送何舉子汝和還江西

一迴相見一迴好  
高論崢嶸不倦聽  
曉借流光臨寶鏡  
夜攤文字對華星  
靡蕪野送王孫綠  
鳧鴨秋排河漢青  
老我城居閒隱几  
待君春報耳鶯靈

新霽和周仲鳴韻

馬踏江光動淼微  
雨收江上未深蹄  
人知舊路山藏郭  
鳥悅新晴樹滿溪  
漁浦細帆橫翠葦  
野岷高壁圻青泥

白齋詩集

卷四

五四明叢書

約園刊本

謝家句法驚神鬼  
老我相逢下首低

義興沈時明天趣卷

心想閒來清似水  
乾坤納納赴幽期  
數上花溪上坐終

日逢客林中留幾時  
海燕未回雲占壘  
山童忽報雨臨

池明朝尚有天  
隨子相約春江下釣絲

泊淮陽驛訪李郡判成之不遇

依微帆影斂江干  
粉堞青城岸幘看  
山向北來多古色  
路從西去有春寒  
陳茅野屋相連破  
高柳風鴉不自安  
今夜使君何處在  
鹽城遙憶路漫漫

時成之在鹽城

京邸除夕

生恨謀身術太疏，金剛買半屢居土。風今夜留年飯，  
歲事來朝問卜。書隔雪簾籠燈影，外鬧寒鐙鼓。酒醒初  
旅魂不道京華別，想像東風是故廬。

鄭立之二節詩卷

批

次聯寫辛苦狀精絕

欲憑天問勘茫茫，兩世婺星照一堂。生愛濳荷能戀子，  
手栽山桂等吹香。婆娑姑婦秋連影，遞接衣針夜弄霜。  
借問百年簾外燕，等閒曾得見紈裳。

送陸子淵還上海

白齋詩集

卷四

六四明叢書

約園刊本

白石孤城兩點斑，送君忙似送春還。  
明日適立夏蠶天好雨

晴初結水殷眠龍，晝懶關中散風流。傳海上建安詞賦，  
落人閒別愁。定託江門月，直映淞南第九山。

送朱從周自金陵還越中

當年一見紫微東，隔別煙花此會同。道我詩才逼康樂，  
避君文勢似南豐。天連舊府紅蕖外，江遠歸程綠樹中。  
坐席還君不得煖，長安馬鬣起春風。

寄方純吉

昔年龍虎託微名，迢遞韓歐十載情。萬里北來何縹渺，

一星南照獨分明連城鎧火人皆學到海荏苒地亦耕  
便欲相逢無計得雪樓孤望野江晴

高大尹將之閩中會飲于其兄侍御官舍坐中贈  
之

人面荷花相映紅弟兄今不數河東一時座上珊瑚客  
六月池邊翡翠風蘇老夜牀非偶爾謝家春草出天工  
武夷山去深多少雲木難忘此會同

書趙芝巖輓詩卷

玉立長身如見之紫芝巖下好光輝十年一別剛回首

白齋詩集

卷四

七四明叢書

約園刊本

老淚深情又濕衣春草地紅生躑躅曉山燈暗落薔薇  
故城蒼舊今多少轉覺年來眼裏稀

齋居值雪感事

蒼茫何處測天倪三日清齋慮未齊雪逐春來猶是瑞  
詩隨景造不安題新年樂國千家酒瘦馬行人萬里泥  
閒事關心續燭坐隔湖聽到丑時雞

寓大理寄輓王廷貞母

母節如冰少得之世間蘆墓子爲誰百年有淚青天見  
九土無靈白兔知芳草已陳寒食飯穹碑合借外孫辭

天涯亦有傷心客遠水長雲一卷詩

許世芳盛暑過我既別賦此送之

竹深伏暑坐婆娑有客敲門下馬過千丈清風當座拂  
百年醉墨爲君磨雲池水榭渾相負別意江流各競多  
欲對清商作新曲西亭楊柳奈秋何

送劉子吉

相逢一度面猶生忽漫詩篇寫送行立馬江山正繚繞  
入雲鴻鴈不分明沙城近到鄉音習布襪輕來海氣晴  
人道君身是神物明朝風雨看崢嶸

白齋詩集

卷四

八四明叢書

約圖刊本

高居賢三輓詩卷

衣針筆硯縱橫在萬物傷心非舊時睫下百年乾濕淚  
膝前三度死生悲誥花爛熳同章下墓草清明逐歲滋  
分付慈烏少啼苦晚來風木太難爲

樓臺煙雨送別張廷紀

煙雨西山一面濃離人醉下妙高峯遠江擊楫出秋浦  
斜日翳林生暮鐘浩蕩風花須料理太平王事亦從容  
作詩記取今朝別頃刻雲巖第幾重

與孫允防司訓別久操舟夜過飲中作

枯潮不到古城邊，努力篙師夜進船。  
白髮青衫見君處，風簾細燭醉人天。  
麒麟官舍增三子，蝌蚪殘經又十年。  
正好相逢不好別，數聲昏鼓送寒川。

寄杭東卿秋官

眉采清風定如舊，思君不見夕流深。  
燕駒北赴當時市，越鳥南飛何處林。  
客夢夜寒常懶作，詩家春瘦亦高吟。  
芭蕉葉短青還在，細寫悠悠別後心。

寄豐原學太史

當時送別還堪記，風日城南柳似煙。  
回首高雲常傍斗。

白齋詩集

卷四

九四明葉書

約園刊本

人間芳草忽經年，北流眼盡滄波外。  
南鴈書成畫燭前，孤興春來猶自醉。  
秦淮長送酒家錢。

遊天界寺次韻馮子際王敘之

梵香交雜澗花馨，世界天開一戶庭。  
客欲入山消息大，鶴聞墮石夢魂醒。  
谿流曾照僧頭黑，山影橫侵佛面青。  
風日明朝晴更好，雨中先見兩三星。

留都送錢用章僉憲山西

霖潦初收白日新，使君文采共精神。  
橫江飛蓋立行酒，隔座流鶯啼近人。  
保障悠悠趨晉鄙，雲天蕩蕩憶堯仁。

獨吟肯話江南客笠影斜陽太瘦身

朱允升鳳岡書屋

千峯萬壑罷春陰戶外朝華亦自臨  
梧葉大來青子結竹花香處碧枝深  
人求邃古開我講鳳以清時寄好音  
吾亦欲東成小築扁舟日夜故園心

留都送崔子鍾復入爲編修

雲月江南一寄蹤水方開過木芙蓉  
身從斗下名先起詩落人間墨正濃  
行色東風初掃舍好聲長樂已聞鐘  
時清瀛海今逾碧照見先生譙醉容

白齋詩集

卷四

十四明徵詩

約圖刊本

輓馬夫人

辛苦秋堂燭影深尊榮不忘昔年心  
誥花手捧堆成篋桂子親將種滿林  
事了人間雲漠漠夢歸天上月沈沈  
紫厓山外江流轉楊柳芙蓉思不禁

寄潘內翰

清禁清才亦兩宜遠於天上憶仙姿  
好花夢繞江淹筆麗句春傳賈子詩  
月俸有餘還象鶴日常無事只爭棋  
碧扉金瓦雲光裏矩步行看出每遲

寄韓中舍

身如海鶴合離羣江漢高名愜素聞衣帶日華趨紫極  
筆隨春意入玄雲眼中塵土誰非客夢裏梅花獨是君  
幾欲裁書寄京洛雪蕉寒翠不勝分

都氏節義堂

批 前聯愴惋結處難到

二字雙懸節義名乾坤此處指都卿鴛鴦別鏡中影  
母子相依兵後情令文肺肝今尙爾公孫氣骨久如生  
年年一點天心在風雨階前開決明

贈張揮使

細繳高鞍銀碧光曾勞枉拜德公牀畏盈自信家非覆

白齋詩集

卷四

十二四明樓書

約園刊本

智計人知祖是良江海晴霞驕水碧  
漢皇拊髀君知否今日長弓要挽強

麟膠鳳毛爲姚惟晉賦

麟鳳曾非圓圓姿只聞遊走帝皇時二五精中瑞雲結  
三千歲前人見之名在世應稱得好德衰時怪出非宜  
而今物化歸無極留得膠毛付大兒

包子裛麻淚兩行老夫援筆寫新章  
柘橙有味年籌短  
刀尺無聲兩點長寸草不堪愁裏綠一萱長是夢中黃  
晚風莫怨驚庭木風木平安亦斷腸

此一首爲輓包子  
材母原鈔脫詩題

寄孫吏部年兄

馬前同看陌塵紅一十年來似夢中鳴鶴天聲揚日下  
小桃風瓣落江東詞鋒怯鬼窮難送詩癖成城藥未攻  
欲問佳期天近否絳河終夜掛清風

北邱賴公石假山

城郭山林天假借六丁開鑿豈虛云酒邀墨客題晴石  
水帶風花入午雲毳白鶴雛新教舞碧香梧子遠頽分  
峇以梧子爲惠洒然坐覺蓬萊近仙樂秋清隔樹聞

不入城

白齋詩集

卷四

十三 朔明策書

約園刊本

不入城而又入城機關往者未分明昨逢麋鹿相招去  
今覺山林有路行舟楫漫須傷越事謳歌且自學吳聲  
雪蕉霜柳垂垂在寒對衰翁亦有情

山樓

怕將衣袖惹塵緣百尺高樓上借天熾秀到時渾似客  
鳥聲歇處欲如禪棟飛雲影全疑兩座濕秋光半是煙  
我有化書三十卷乘風來此說真僞

將遊吳中夜別兒曹

寒鐙如月照城陰江水無如我意探東陌西岐流暗泣

白雲芳草負初心，乍登越舸渾疑夢。久別吳鄉莫辨音，聊把此遊相慰汝。五湖煙鳥賽黃金。

朱憲僉克諧以壽卷作輓章

綠酒清樽口不虛，溪南賀客已踟躕。手扶南極營高座，腸斷東風得訃書。文錦闕裁藏隱淚，黃泥深遠沒回車。茫茫天地生芳草，誰爲王孫再倚闌。

自遣

門堂塵土不秋毫，五尺新苔喜自勞。綠野日中僧笠小，青天雲靜鷓鴣高。偶成佳句猛幾杜，學製方巾半似陶。舉土作山纔一丈，對風仄枕聽松濤。

白齋詩集

卷四

十三

四明藏本

約園刊本

出郭

批 索寞亦足自遣

一部新詩一部蛙，夕陽出郭路幽斜。水邊地冷苔生髮，山外民貧竹有花。厖犬上牆喚過客，牛羊下坂逐歸鴉。誰歌白石南山岸，不是陶家是甯家。

次韻朝用公署漫興九首

闕一至三

其四

批 毅齋云此老豪發

五斗功名亦不微，好懷長自緝陽擘。酒觥老去纔知滿，筆勢春來只欲飛。夕潦未乾還及履，陰苔不掃或成衣。

偶然詩景居然就始信西昆鑿者非

其五

簷影津流脈脈微坐深不覺已斜暉鶴長覺短自天定  
爲龍作雲從子飛越海歌聲無節拍建溪詩派有傳衣  
乾坤驢背寬多少忘卻逢人手勢非

其六

寺臺新棘綠微微蒼影間看轉日暉跛鼈驥馳思自力  
白龍魚服戒輕飛官首近貴猶槐笏王政行年受帛衣  
忙裏心情無了悟逢人敢說太玄非

白齋詩集

卷四

十四  
西明齋

初園刊本

其七

塵土茫茫識鑿微阮家青眼更秋暉每將戲墨爭秦楚  
那得雄風壓羽飛湖水夏陰連卷軸屋山暮紫變襟衣  
與君珍重聊相慰三獻荆王玉也非

其八

尋常莫覺此生微花外雲光柳外暉世事十年班馬逐  
好懷一片白鷗飛酒當醉處呼山茗涼未生時結草衣  
氣味從來有相似詩窮不信孟公非

其九

忽覺湖聲到耳微誰家泚泚打晴暉空雷不雨龍淵伏  
乍暑新蟲蝠暝飛詩句棘時心愧手扇恩深處汗霑衣  
與君唱答何當了猶起更端問是非

落花詩次石田先生韻

一場鬧事作空春蝴蝶高飛亦棄貧無力當風爭上下  
有魂訴帝乞慈仁虛宣醉白嘲妃子可惜荒蕪送女神  
不管閒愁剛有箇日高中酒背眠人

其二

悠悠薄命不禁收欲託遊絲無緒頭額粉作泥求速朽

白齋詩集

卷四

五

四明叢書  
約園刊本

淚紅隨水卻遲流傷心綺閣風成陣掃迹黃昏月放鉤  
斷送一番閒懊惱王孫芳草又堪愁

其三

暉暮美人愁遠遊半分顏色十分愁主恩寂寞鷺鷥殿  
客寄飄零燕子樓華萼仲昆今各散金陵子弟莫深留  
身名終合隨渠轉指點青山問某邱

其四

乍飛乍掃不成堆誰繡春心上錦苔生死撩人成癖句  
急忙送我入脣盃回腸獨撥愁根在墮髮兼飄老信催

任意欲多裝羯鼓明年及早報新開

其五

初飛戲說步虛遊冉冉飛來頓作愁神爽御風滄界去  
繁華落地此生休幽期已賺劉郎返暗淚空遺息國憂  
三十年來吾老矣敢將輕薄寄青樓

其六

不勝春重落紛然新故相尋後趣前秉燭夜園空李白  
乞詩晴案藉陳玄神姿已墮塵埃格香影今無水月緣  
藏得黃封酒從事老夫延賞待新年

白齋詩集

卷四

十六四明叢書

約園刊本

其七

十分消滅過芳時不向東風怨小兒遊蟻返根迷穴窟  
仰峯黏帶戀恩私繁華分滿今招損浪蕩身輕日就卑  
奉帚有人長信殿淚紅相對兩絲絲

其八

手捧心還不展眉怨紅啼粉過芳時千蹊滿地四娘宅  
萬點愁人杜二詩挾雨上機縈錦字留春罵戶託蛛絲  
多情惆悵相逢暮遮眼離離子滿枝

其九

批 首聯悟化語

幽歡失賞恨方新酒盞寒生饌味陳犬吠月妖江上影  
馬隨風瓣陌頭人二三月已成殘夢千百身難贖再春  
庭北風光差可詠獨憐君側有人嘆

其十

批 情想直到

風向東來花向西風花天氣意如迷人憐娥媚何曾掃  
鳥到淒涼不肯啼響屨廊前悲越女蹋歌江上舞巴媛  
餘芳未了東城與春瘦何人手共攜

新正與朝用唱答用其韻三首

蹋歌江上一聲高暗結同心一字牢送鬼未離山客屬

白齋詩集

卷四

十七四明樓齋

約圖刊本

紀年聊試穎生毫鐙花夜久并愁落萬物春來與命陶  
紅霧綠煙歡不見玉人何處擁芳袍

其二

新歲詩神漫不高強將柔脆觸堅牢鬢毛已覺長千丈  
膚目何妨挫一毫雲樂君家陳象武野歌西舍擊匏陶  
齋餘劇飲杯三百猶起關弓射將袍

其三

海霞照屋曉光高春事關心睡不牢人苦百年皆過客  
吾當十日九揮毫時名滿地忘消息諧謔隨宜散鬱陶

料理東風今有準轉頭吹到使君袍

新正漫興二首寄夏德樹

階前露滑石嶙峋病起閒行試襪塵短草暗花應有信  
斷冰殘雪敢爭春鳥如恨別偏驚客筆不中書尚近人  
何處瓦缸新酒熟舊村東海正勞神

其二

滿屋晨光不可眠地爐親燎柏枝煙素頭新紙更陳檢  
門外寒江是舊年戒飲有時還自怨送窮無鬼只虛傳  
襟期安得二三子擬約齊山泛酒船

白齋詩集

卷四

十一

四明叢書  
約園刊本

奉和趙侍郎煎茶二首

金鑪煙起繇堂虛棋子無聲鶴睡初已有性靈通草木  
敢將俎豆羨雞魚清甘未覺詩神瘦獨醒何妨酒伴疏  
多少胸中閒磊砢年來洗濯已無餘  
酒濃花暗正傷春自起煎茶不倩人一縷細煙宜傍午  
滿甌新味已辭陳口耽大啜論無價身欲高飛覺有神  
黃鶴下階渾避我竹深荷淨與誰親

輓李竹窗

翩翩雙袖揖高風忽憶當年是夢中煙艇稽山悲賀老

晚鐘商洛送黃公約鄉社酒稀春醉負郭秋田出歲供  
猶恐人言傳說誤作詩生寄竹窗東

留都逢謝德中席上書贈

平生古意不消磨直奮剛髯拔劍歌三毫天涯爲客渺  
一春馬上看山多已從衡岳探仙府將下桐江乞釣蓑  
相見不勝鄉井念白蘋芳草近如何

秋懷三首

千仞岡頭一振衣臨流新浴晚涼微秋風宋玉辭猶壯  
烏鵲淮南說恐非玉鯉腹空傳事遠青蒲葉短下堂稀  
十年回首鷺鷥伴漫散雲沙不共飛

其二

夕窗疏綺見明星細瓦新霜薄翠屏衣線入秋多歷亂  
候蟲依客似叮嚀短長脆髮迎風落來去高鴻隔海聽  
心事一場無底用買籠鸚鵡教金經

其三

初日臨池忽鬢蒼玉闈羞整嫁衣裳十年碧浪芙蓉國  
萬里黃金駿馬場雞卜有靈占事預鳳衾無夢怯秋長  
冰肌未減當年白又恐班姬扇子涼

奉寄包民化東園

窈窕芳園一逕通  
敲門長得夏黃公  
春風私意頭饒白  
曉日初光面乞紅  
未雨臥龍橫几杖  
出巢威鳳踏梧桐  
問君肯接鄰翁否  
吾意他年亦欲東

夜別

在家只說出門好  
纔到出門應是難  
弱子有知牽袂重  
瘦妻無語倚牀寒  
月如愛客斜留樹  
潮爲催人急下灘  
今夜莫開東望眼  
滿江風霧不堪看

舟中贈黃舜章嚴惟中二友

白齋詩集

卷四

十四明菴齋

約園刊本

維揚淮海郡城頭  
銀燭無風水不流  
萬里江湖皆此路  
千年李郭又同舟  
春來短褐留還在  
老去殘經講未休  
分付東風張主定  
與君結駟到瀛州

送愚隱劉先生還廬陵

留都下馬能幾日  
纔及秋風歸思濃  
老去心情傍鳧鷖  
晚來詩句上芙蓉  
清時日月明文繡  
何處雲川信短篷  
乍別仙郎定惆悵  
不勝江月坐初鐘

送周仲鳴考滿赴京

觸手江花落不知  
獨君離別惱相思  
馬蹄斥土春晴闊

汲道荒江午飯遲藥裹遠隨沙月去山牆低見屐乘垂  
朝天事辦無羈縛收拾南歸一卷詩

秋雲

乾坤何物寄高情檢點秋雲一片輕偶向定僧參野坐  
或隨飛鶴趁溪晴吳楓雨薄垂高影楚竹天深礙去程  
莫道無心任飄忽年年釣石與漁爭

輓同年楊伯和夫婦

猶憶當年得告歸越羅新整稱秋衣叢蘭日短同區死  
兩鳳天寒出鏡飛何處乾坤非夢寐百年婚嫁了塵機

白齋詩集

卷四

王四明叢書

約園刊本

毗陵楊柳三千樹應爲傷心落半稀

輓母寵之

才比荏平不可當搗謙何處見鋒鋌忌全真被神明負  
信後還憑史筆長聖代風雲飛直氣鄉山草樹返靈光  
蕭條萬里妻孥路人共江聲哭夕陽

楊光祿先生乃翁壽日

無事方知日月長水深艇子竹深房三千卷是遺安計  
一字仁爲卻老方短髮久專高席坐瘦藤今在丈人行  
殷勤欲展龐公拜望裏雲山正渺茫

東泉

乾坤尤物唯人取君擬東泉何復嫌鑿地未窮神禹智  
發源先似伯夷廉春山潤氣衣堪染海日精光手可拈  
流出人間和滋味君王待子作梅鹽

次韻周仲鳴哭文

海闊仙容去漸微雲高瑤瑟語昏暉月纔十五全輪沒  
鳳始成雙隻影飛雨淚數行身後事實花千疊眼中衣  
欲將天問從頭詰自古彭殤孰是非

長蘆晚發

白齋詩集

卷四

三

四明叢書

約園刊本

扁舟病起試滄浪猿臂篙師水技長日照曬泥通海白  
風吹江氣入雲黃樵漁亂屋依深柳鷺鷥清流叫夕陽  
迢遞青徐行入眼天涯終恐是他鄉

寄陳萬南

行思陌上笑春陽眠憶江湖對雨牀歲月漸慳凋齒髮  
風煙終定見文章東山有約黃鸝老南海無書碧草長  
何許放舡還劇飲麗人天氣柳花香

錢塘雨夕

歲寒風郭鬢華新暝結虛簷客舍貧千里有家難入眼

百年只影不離身  
爐藏宿火吹遺熱  
雨暗更鐘聽未真  
越鳥莫啼泥滑滑  
明朝江上有歸人

先君棄背四十日  
遂有吳中之行  
音容苦莫見之  
不勝哀痛有作 批 形容肖似刻苦

熱風吹不散  
音容槁木寒  
灰亦有踪髮  
撚鏡秋簪玉短  
酒銜霜曉汗  
花濃南山鋤  
豆沈泥屐東  
渡看雲偃雨  
篷欲挽西川作  
長淚淋漓滴  
碎五更鐘

秋晚登君山二首

天開江境縣山頭  
山上看江入地流  
古有暨城三百雉

白齋詩集

卷四

三

四明叢書  
約園刊本

今無季子二千秋  
雲痕暗長初來水  
雪點晴飛欲下鷗  
人向太平雙眼闊  
不須更上庾公樓

十年兩醉君山酒  
山下民風如昔年  
青帕茜裙糲麥女  
銀鱸紫蟹入村船  
霜蕉葉破猶藏寺  
江浦沙高未作田  
病骨登臨尚強健  
風吹孤嗽落秋煙

十月二十七日過姑蘇天大霧

漫空毒霧白成團  
咫尺行人見面難  
野樹有風吹瘴雨  
水天無日退朝寒  
青山寶刹聽鐘過  
古壁郵程拂字看  
馬首欲西行未得  
舉頭何處是長安

輓鄉老謝先生

尋常出入小江東，白髮蕭蕭在眼中。  
漢祖未曾迎角里，呂人先已哭龐公。  
小車花外春煙路，高閣林間落日風。  
如此江山都寂寞，短碑微雨篆秋蟲。

寄安亭朱正之

每日江頭候使車，難爲情處落花初。  
都來別路無千里，寄去相思有兩書。  
卻老古方何物是，耽詩舊癖幾時除。  
東風雲白昏鐘裏，清夢頻來問起居。

次韻送孟巖州

白齋詩集

卷四

三四四明叢書

約園刊本

諸侯五馬赴南服，星指孟陬春未央。  
千里圖書兼鶴遠，一船梅雪送君香。  
雲山面謁莊光廟，晷夜誰登伯起堂。  
臥治他年了吟事，郡中流水狎垂楊。

輓費先生母

夫人莫作女流評，傳載高賢愜素名。  
百歲未偕夫子老，半生教得狀元成。  
春風蘋藻曾供事，秋穀倉田不自營。  
青雀西飛天萬里，長原漂渺白雲平。

竹屋

甘棠館下地如金，方廣優函竹屋深。  
千畝笑人耽逐逐

百年著我寄陰谿，嗚爽籟通幽竅。風軋高枝見遠岑，安得與公分榻坐。夕陽聯句答春禽。

徐孺人壽六十

侍御朝儀母大理程瑞卿姊也

廿年蘭結夫人季，鳳子京華繼見之。珠在淵中增綵媚，花於春後發天奇。金仙壽相吹華髮，月姊秋光鑿翠帷。拜想南山香霧裏，綠樽春酒正漪漪。

寄劉舜卿太史

望中玉雪依稀見，十載朝雞不共聽。煙霧未能東入海，女牛還合臥看星。金烏日出颺新彩，黃鶴秋來刷滯翎。半幅吳箋附時月，敢將凡賴聒青冥。

白齋詩集

卷四

玉四明叢書

約園刊本

虛窗

批 見道透事

玲瓏四板手親開，一斗乾坤傾八垓。無物謾勞頻禦寇，有心原自不成灰。川雲日至非相聒，牛蟻時聞亦怪哉。予也好虛虛未得，問君閒槩木舟來。

奉和楊吏部母壽日

畫屏雕檻富春光，深酌霞杯獻太姜。壽筵川來應學海，慶隨基築已成堂。月娥天姊渾聯袂，海水桃花自一鄉。補袞有人天上住，綵衣時作老萊裝。

葉君萬里迎親卷

半生魂夢費追尋萬里迎歸一寸心  
秋老蓮荷初就實春還橋梓更成林  
手彈金篋生涯淺頭點雲峯野意深  
從此昨非今始是對門五柳正陰陰

輓胡秋官重器母

雙手堂前翽鳳麟坐成祥彩著慈親  
遺容忽作夢中影乘化終爲天上人  
光掩曉銅雲妬月響拋秋翦地驚塵  
傷心多少平生語寒食他年憶老身

次韻李大用西園草堂

白齋詩集

卷四

三十四明按書

約園刊本

相憶西園曾未遊只疑園子是瀛洲  
淵明尙仕未開徑巢父欲東將掉頭  
曉海入簷堂不淺春雷動地腳光浮  
終然此段成長計花落川奔莫浪憂

毛侍御飛來峯

舉頭便見翠芙蓉山自東南少此峯  
結處乾坤當是玉來時風雨定隨龍  
影侵精舍無多地秀學蓬萊欠幾重  
前日舊游今柱史柏臺清夢屢相逢

補輓楊憲副

靜修父

名墨遺文字字刊鳳兮休歎德衰殘  
歎懷不及門人後

道眼曾將國士看，白璧未歸傷至寶。青山猶在憶我冠，  
桂林留得天中種。回首新花滿樹丹。

送董啓之侍御

長揖人間鷺鷥姿，大篇時復畏雄詞。十年萍逸真無繫，  
六月瓜成似有期。東國舊廬龍懶臥，上都新事鵲先知。  
天應直候清平起，五兩南風迅迅吹。

輓友人母

塵中白骨空浩浩，槁蕙折蘭香尚騰。山鬼怨迷春竹雨，  
寢雞啼黑夜堂鏡。慈靈已化星辰去，善相時因月露凝。

白齋詩集

卷四

毛四明叢書

約園刊本

吾欲修辭詰生死，渺茫天道正無憑。

送希曾胡年兄改北兵部郎中

晚花蒼菊滿山房，五月筵中野氣涼。人影離離隨鳥散，  
水流迅迅入雲忙。清風萬卷扁舟滿，深雪孤梅易地香。  
安定有神應未爽，手扶高棟入明堂。

余秋官子積父壽日

蔗境甜來趣不稀，倦雲高鶴與同飛。六朝撫事石頭坐，  
八月放船湖口歸。翠竹白沙深處寺，童孫幼子暝時扉。  
世言清福如公幾，人是神仙更錦衣。

金陵送徐少參之任浙中

參藩重寄老成優，已有先聲下百州。  
天上星辰離舊次，夢中山水作真遊。  
江流淨練縈華髮，船起清歌答素秋。  
南國樓臺多少事，還公紙筆記先憂。

送陸進卿

日光衣繡照瞳矐，百粵今看出守雄。  
萬里共天秋有月，一塵先路海無風。  
龍樓象闕懷京口，紅樹青山入郡中。  
回首蒼梧高幾許，書來應不礙飛鴻。

送李司空

白齋詩集

卷四

五

四明叢書

約園刊本

年來歸興百川東，太極峯巒有路通。  
栗里舊風高靖節，香山新社得司空。  
茗甌酒盞醒還醉，雲錦風髯白又紅。  
踪跡飄然肯回首，七人何處慕冥鴻。

宏路驛早發

赤瓦黃茅數百間，居民多事早開關。  
濕螢燄竹火依火，瘦馬出郊山復山。  
照路野花應自笑，上天雲鳥幾時還。  
手中秋扇難遮掩，梧葉風前兩鬢斑。

送姚惟寧太守之袁州

色聲不大取時名，古意沈沈直性成。  
形檄下催離選部，

金腰西守得專城定期漢世頻增秩敢薄淮陽必召卿  
十月袁州楊柳樹早開青眼欲相迎

槐庭爲林太守封君賦

清晝啼禽北巷賒古槐陰處是侯家直從天定安根柢  
不與春來競物華于尉門牆今有敵王公堂記本非誇  
牡丹紅重薔薇白低首黃金滿樹花

送鄒舉子

手撥塵埃見不凡鳳修威彩豹成斑天人未信今無董  
風度皆驚國有顏海雨催詩雲正黑江城試箭月初彎

白齋詩集

卷四

五九四明叢書

約圖刊本

東風也有雙魚使好寄相思霄漢閒

初至石寺感懷

試脚先從法署行百年初志幾時成長檠倚壁書無味  
細雨侵階草有情閒向公庭成小坐暗期兒輩託餘生  
花過簷蔔黃鸝靜敢與東風巧舌爭

冬夜書左寺壁

兒孫長大眼中來歲晏天深覓數杯半夜寒溫灰裏火  
百年災異雪中雷事如有種生無了錢已無神去不同  
相見官梅顏亦厚東風又作一番開

寄徐元之

送別當時山館春東風無數柳花新  
清江我作赴吳客  
白璧君爲強趙人  
廩祿纔充數口計詩通半老百年身  
而今且足江南臥肯就巫咸問鬼神

三節

批 怡然

練麻續雨共黃昏促膝寒鐙亦自溫  
一代蘋蘩音與汝  
百年門戶廢而存  
分明日月傳肝膽指點栢橙付子孫  
草野寧無良史筆  
撥書遺事放乾坤

夜飲贈周仲玉

白齋詩集

卷四

三四明樓書

約園刊本

落日微風生滿池  
君家坐客久忘疲  
高歌激石有神助  
皓月照人無定期  
黍稻飯香還舊粒  
梧桐風勁改新吹  
放長屐齒須三寸  
明日登山約看棋

送金在中還休寧

西舍東鄰會不稀  
能詩比我謝玄暉  
共言人好鳥亦好  
無奈春歸客未歸  
紫禁清鐘應有夢  
夕陽芳草正侵衣  
到家細整干時策  
鴻鵠三年一奮飛

舟至邳下

圯橋能復可追求  
千古傷情對白漚  
廢廟有神雲北起

先翁無信水東流伯父主事公祖此蘆花風轉還如雪樹色春  
歸不似秋強向塵埃作青眼沙中恐更有留侯

壽椿爲陸儀賓父題

萬木易落椿獨好知是乾坤別用心日月枝頭西去緩  
陽和地底上來深蒙莊傳內聞奇事竇老堂前見此陰  
直欲春江變春酒醉眠樹下倒華簪

壽吳公

聞君七十住雲汀野鶴溪梅比瘦形百歲到頭三十載  
諸孫遶膝幾多丁朝臨水鏡髭全白夜寫山書眼尙青

白齋詩集

卷四

三四明叢書

約圖刊本

嗣輔外甥丹闕下一杯遙獻極南星

送章司成

人品如公今幾見成均三載道攸存教嫌安定分齋小  
身比昌黎北斗尊黃菊望秋懷宅里白鷗見月啓龍門  
十觴累進沙亭酒後夜相思惟夢魂

壽貢侍御祖母

陽和不散北堂萱歲晚東皇獨厚恩生愛辛勤學文母  
老將孝敬祝崔門百年荏苒催樽俎重慶誰家到子孫  
坐覺蓬萊生眼底海桃花片落紛紛

輓憲副陸公

良村父

天奪文章正氣殂，蕭蕭士類喪師模。  
月明華屋行鼯鼠，雲斷高梧泣鳳雛。  
百粵好山曾駐節，八閩遺老望還珠。  
晚風細草思亭外，石獸無聲啼白鳥。

送周仲鳴

追逐雲龍白下橋，東鄰雞黍月三招。  
離歌對酒平空起，春色因君太半消。  
衡岳更南愁裏鴈，潯陽此去夢中潮。  
乾坤何物關心事，惆悵鶯腸共柳條。

送陳子居提學

白齋詩集

卷四

三十四明叢書

約園刊本

船頭春色柳初黃，此去山川覺有光。  
身自魯邾親杖屨，道從吳越起宮牆。  
胡公經義今重整，伯武規模未數長。  
昨夜一星明耿耿，東人指說是文昌。

送蔡德和

地坼東南白浪奔，兩鄉書信隔寒暄。  
春隨鴈陣將過浦，人逐花陰共到門。  
飛鳥斷雲蕭祖寺，清明細草石家園。  
來朝指點東風外，無數高禽爭樹喧。

右寺廳事後桃花

寺北桃花開滿枝，雨牆風檻自低垂。  
不以無人損顏色，

直須有酒對襟期紅芳寂寞每如此獨立悵然聊此時  
蜂蝶穿雲來日日幾將林苑問官私

送林利瞻年兄

清平簡賦無他事長憶雞峯野醉餘南服暫留千里馬  
北歸剛載一船書同袍地主喧投轄白髮天官獨倚闕  
雲海茫茫秋萬里晚潮風裏待雙魚

趙邦城自南雍歸壽其父八十

松枝泉水緩流光世事人間百不忘曉櫛自看玄髮少  
晚寒新放袞袞長弧南星下靈光滿太學人歸舞興狂

白齋詩集

卷四

三四明叢書

約園刊本

東海行將占出獵可能長揖謝文王

長至

時爲逮罪在中臺提牢廳事後作

坐覺肌膚損一分寒衣十日廢籠薰有霜短髮逢長日  
不雨西郊正密雲世事行當問詹尹功名未敢笑終軍  
小窗兒女無歡色鴻鴈江寒亦念羣

寄僧次王侍御韻

何必相隨學苦空點頭頻處道應通溪山踏徧須忙後  
答述忘來似定中五尺藤枝和病瘦一圓蕉葉學書窮  
僧頭也白誰禁得惟有東風是至公

送羅僉憲進表之京

班子仙塵亦不如好風溪上舞華裾九重直奏阜陵頌  
兩袖曾無封禪書行色曉先離轂謫吟情涼狎泳川魚  
天顏有喜春來早綠萼梅前候使車

賀鄭進士生子

何人抱送鳳之雛梧竹陰前五雪膚鄰舍驚看得楊寶  
城南便擬讀韓符名山靈氣何年結顯祖神明默地扶  
老我情深苦詞淺千峯遙致代構壺

送黃伯望大參之廣東

白齋詩集

卷四

三四四明叢書

鈔圖刊本

金屏姓字比璠璣方岳相煩道不虛家廢飽芻南粵馬  
行庖懶食武昌魚山川繚繞諸州樹風俗沿流萬井書  
公事閒來天境別紫薇花映月光初

郡齋述懷用見素林公韻

郡齋一角見南山每以心情託半閒芒屨願從君子走  
鶴籠噴對倦夫關百杯有負春衣外千石何功月俸閒  
獨好芙蓉小池水日來池上照衰顏

悼慕爲顧侍御順中題

孫言祖事豈空聞一百年來乞誅文太學攜書塵滿屋

長原尋骨草如雲道衰老涕悲麟踏天定東風颺蕙芬  
白木剡圭神亦在孝烏啼血繞高墳

姚秋官惟晉母壽日

人閒華寵力堪爲節壽於人豈待私生子有官申國教  
見夫無地柏舟詩女流再拜師清矩天語溫聲獎至慈  
新作綵衣寬幾許萱花春日兩遲遲

送楊靜修會試

好事良占逐夢生馬前朝氣轉精明十年未快長門筆  
一陣當爲背水兵鳧鷖野情渾澹泊魚龍春浪欲崢嶸

白齋詩集

卷四

重刊

約陶刊本

江南老我猶粗膽萬里雲煙寫送行

送吳仁甫會試

鳳臺倚馬酒頻斟二鼓滄江思不禁愧我并天虛白髮  
讓君頭地已甘心九重發策三千語一擲携筇百萬金  
可是相期無故實老龍湖海望春深

送史克明會試

月中高桂手親拈不懈新功與日兼萬里搜身雲外鶴  
七篇著味水中鹽山河曙色生神采龍虎幾先發夢占  
贈遠素無青玉案聊乘殘醉寫霜緜

送劉邦用

兼葭白玉倚青春海上淨萍聚復分忙我十年今歲月  
翰君入陣後風雲鍾峯草閣辭青步半滄江風酒半醺  
桂苒天涯忽行邁木蘭鳴槩隔煙聞

送屠季安曾試

梧竹之資秀十分青年物色在人羣腰圍沈約吟邊影  
筆陳江淹夢裏文出浦皓珠爭夜月解緜玄鶴上春雲  
臨池無限江南意裂取齊繪寫贈君

送邱堯章

白齋詩集

卷四

三  
四明叢書

約園刊本

曾攀仙桂一枝黃杏苑花期馬又忙歲月積來人力勝  
雲煙深處筆鋒長蟄驚后土傳春信烏向全林借日光  
新語三千天聽近未央前殿坐文皇

送伍思謹會試

馬色晨光共皎然遠追樽俎送平川郭生太學名方重  
董氏春秋說有傳浙水南過歡白髮時思謹久守寧波長安此  
去近青天行邊詩興時應作細雨黃梅石燕前

壽楊隱君

白日西飛海燕忙喬松緩步上君堂金猊晝靜青煙直

石井天深翠梗長鸞鵲繞雲書有影麒麟立地玉生光  
酒闌人醉風簾捲閒捉琪花到夕陽

輓應別駕

起家儒術大夫官雲鳥歸飛興亦闌安定門荒條約在  
文通身死筆花乾玉光沈冥山無氣鳳彩飄零子又丹  
濃墨淋漓滿詩卷雨風寒食總難看

寄質豐體勤先生生日

仰止高山望裏青卽將山意祝遐齡神仙自我登真境  
世俗何人挽迅霆爛熳紫泥通北極逡巡綠酒匯南溟

白齋詩集 卷四

三毛四明叢書

一約園刊本

醉中忽憶龍池客指點奎躔第幾星

望夫石

批 至後聯意出形器外

一別夫君幾朝暮山花墜髻不妝翹眼隨落日光先盡  
骨立荒江肉已消夢裏天雞霜渺渺耳邊山鬼雨瀟瀟  
業身定是靈如化越水相煙對寂寥

輓華汝器

人有存亡草短長百年骸骨晚歸藏梅花苦月侵虛坐  
荔子秋風進享堂事入且評長有話夢隨宵燭短無光  
南州一片神交淚寄入吳箋濕幾行

陶君柳莊詩卷

柳市南頭丈五塵，卻於深處得清真。  
隔江燕影常來晚，當戶鶯啼直過春。  
暮雨突衝無獵騎，社天沉醉有歸人。  
遠尋二十年餘計，割取東牆作我鄰。

輓白尚書

司馬初成洛社歡，巍然鄉里拜衣冠。  
九京夢斷金闈遠，八座塵生玉帶寒。  
身後遺謀徵舊德，平生建白著新刊。  
東風庭館餘春在，長有垂楊覆畫闌。

與都元敬杭東鄉黃明甫飲大興隆寺精舍

廚字

白齋詩集

卷四

壬辰四月敝書

約園刊本

先韻有跋語

僧房歇馬問閒居，紫豈紅椒日射餘。  
煖我胃腸千日酒，妨君著述幾章書。  
情談劇處添霄燭，殘睡醒時喚早廚。  
雙腳浮塵纔擺脫，竹間苔蘚莫教除。

日長

閒庭長日立躊躇，心對秋蕉各未舒。  
斗酒貴於仙掌露，千金輕似海頭書。  
居常齟齬負猶在，薄宦看花夢漸除。  
惱殺山童不解事，隔煙廚睡正邊遊。

書扇寄慶子

書來言語似黃鍾衰朽春回意頗濃定不枯門題一鳳  
敢誇蘇氏立三峯頭能點石真成道身不離淵未是龍  
分付才郎加疾足若翁心事到芙蓉

二月二十四日待揭曉有作

諸公著眼較雄雌雲棘如天信不知文字未憑高手筆  
神功端藉大壙鍾塵中物色真難事夢裏幾先尙可疑  
大勢于今如逐鹿敢能掎角是虞師

寄計惟中

流浙往苒逐行舟先後從君出帝州龍虎一時皆散地

白齋詩集

卷四

五

四明叢書  
約圖刊本

江湖滿眼忽深秋崢嶸舊論春風座汗漫殘書夜雨樓  
何日山城秋酒綠百杯飛送說離愁

贈鄭時揚壽日

親曾金殿識真龍冠冕來歸意頗濃秋動風髯騎健馬  
春隨泥屐踏高峯人閒甲子周全數海上煙霞發醉容  
猶恐地仙閒未得小樓雲月夢朝鐘

陳勉之母壽日

今聞陳母古之陶白髮依憑有大勞身覺神扶上堂健  
子看鳳起切雲高海桃春熟生微醉天竹寒青避雅操

未得低頭拜仙範南山聊爲一揮毫

送周茂中還鄉

寒氣江山隘不收青螺蝟縮紫髯虬殘年滯雪驚新歲  
五日敲冰過一州水底龍泉長射夜雲中鵬翮要逢秋  
也知鄒杜天非遠王掾年來尙黑頭

送王侍御父歸烏程

一見先生一洒然依稀如鶴在秋田袖中憤筆風兼雨  
身外芳樽日似年復道飛梯遊了寺紅菱白藕夢歸天  
若東漁伴尋常有第幾灣頭洗釣船

白齋詩集

卷四

四  
士  
四  
勇  
叢  
書

約園刊本

望雲祝壽圖爲曹宗孝題

雲影天邊小片孤望雲人拜鳳城隅輕陰遠拂長春樹  
瑞靄橫連祝嘏爐萊綵諸昆方爛熳秋懷千里獨躊躇  
如今猶仗丹青筆并寫相思入壽圖

賀黃獻之生子

大人占夢始成真喜入華筵送酒頻天爲宗祧留碩果  
親開襁褓見麒麟詩書事業終期此孩笑聲容早動人  
惟有阿翁生怕晚綠槐庭下等芳春

題扇寄包甥

幾時不見羊曇面玉樹清輝定皎然池榭登臨雲共月  
湖山來去馬如船春濃人醉如前日天遠書遲又隔年  
千里相過好乘興寒潮直到鳳臺前

海虞夜泊

昏禽飛盡渚煙清收拾門鋪未閉城山長遠歸街有火  
江船暗撥水無聲鳥驚風聞知巢淺霜落天河怯被輕  
夜半詩成尋紙筆手寒誤觸壁間檠

質庵爲黃用芳賦

犧尊不飾似迂愚人到真純事始無酒釅鄰翁期盡飲

百齋詩集

卷四

四

明叢書

約園刊本

手摩孫子教相呼虛文上薄顛孫氏知己平交棘大夫  
聞說東村耕事近手拖方竹耳提壺

送包侍御清戎陝西

煖雲江郭乳鶯啼卓蓋翩翩欲向西柳色漸連逾沔路  
馬蹄應帶入秦泥身臨羞鄙咨詢徧夢落朝班拜舞齊  
聞說華山春色好聞來無事覓新題

輓子美母

夫子徂魂與化昇鉛華到眼便堪憎一生雪節人稱苦  
六十風鐙自不勝對月簾虛無影顧種蘭階在有花增

而今事或收青簡合作韓門嫂氏稱

送陳惟繼南歸

鳳城繚繞帝皇州騎馬煙花得舊遊我入新年拋敝褐  
君來上國繫仙舟半生萍水今方定一飯王孫晚要酬  
寄語元方憑紙筆殷勤都付鴈南秋

送彭太守事白還徽州

白下橋邊始見時綠楊瘦馬放金羈人閒詿誤爲能書  
衣上風塵不受緇沙月小洲生夢寐野棠微雨話瘡痍  
郡城來去無多路已欠青山幾日詩

白齋詩集

卷四

三四明發書

約園刊本

書陳萬南素扇

白玉臺前見此人野梅江雪比精神夢回剡水溪頭月  
香散靈均轂下塵出入有時非傲世風流無態也藏春  
秋來莫寫班娘怨今日君王汗滿身

義興學會與沈元壽話舊

俄然相見卻關情慚愧青山陽羨城十載離思寄流水  
一霄清話到雞聲風塵黑去無青眼鬢髮蒼來有浪名  
欲寫魚箋三百尺縱橫心事竟難成

輓屠繼修父母二首

彫謝衣冠歲不堪  
林梢高閣莫相探  
去家有鶴人何遠  
叫寢無雞夢正酣  
北里春來還碧草  
西園弈散但紅柑  
麒麟掩泣收遺事  
夕露庭花共淚含  
躑躅紅來草亦青  
晚風堂上憶愁靈  
斑衣線短空長日  
畫雀金消冷故屏  
倒景迅時悲逝水  
太陰圓處蝕妖星  
百年未信幽明別  
夢裏萱花猶滿庭

省心軒

一州膠轄重煩君  
靜裏工夫著幾分  
絕鬢曾參今又見  
格言伊孳昔還聞  
亡羊道上多歧惑  
神鬼關前十指紛  
引領聖涯從此到  
敢將誦說託空文

白齋詩集

卷四

聖四明叢書

約園刊本

周秋官雙輓卷子

春暉堂閉舞衫收  
西下斜陽迸逝流  
宰物似教催歲紀  
但魂終是返河洲  
書檜有恨塵橫地  
琴瑟無歡雨送秋  
天上鳳凰高萬仞  
白雲思苦一回頭

呂鍾源味淡詩卷

萬戶腥烹意獨嫌  
草堂煙火自垂簾  
篔簹日久銜能熟  
匏葡萄深煮亦甜  
浮世已看金是土  
高名曾似嚼爲廉  
每因風日相呼喚  
起焙新茶坐小簷

高郵舟中用吳仁甫韻寄黃舜章殿立中

共向江頭一問津  
陳人得路語遺新  
已如司馬方歸漢  
不欲張儀卻相秦  
綠酒可能成獨醒  
黃金無計買青春  
新豐楊柳何深淺  
總得東風開翠顰

賀官貳守誥命之榮

御墨龍香散不收  
恩封萬里下諸侯  
尋常物論歸冰鑑  
咫尺天顏見冕旒  
雲掣綵旌森曉道  
風飄宮錦舞春流  
還看小醉黃堂下  
一片青山似定州

送周草庭之雲南愈憲

白齋詩集

卷四

西明叢書

約園刊本

隔座壺觴急遞傳  
傷春送客總茫然  
百年同榜文章友  
兩子相忘爾汝年  
流水飛花同是別  
南雲北雨獨堪憐  
雁毛得過衡陽否  
一月封書要幾箋

遊靈谷寺宗長官留別因飲于此 批 逸氣

出城望谷十五里  
吹帽東風一面當  
春柳變禽驚首夏  
午林騎馬忽斜陽  
逢僧方外衣冠薄  
食筍山中七箸忙  
記取宗公今日別  
千峯鐘磬晚蒼蒼

明州懷古

白沙黃柳夕陽橋  
甬水南亭縱目遙  
山縣舊依秦扁字

野人時說宋青苗百年市舶來夷貢五月溪田灌海潮  
良吏觀風曾未確且言雲物勝前朝

越州懷古

批 言意感慨

句踐雄圖得計來苧蘿山外築高臺浮雲故堞何年盡  
去國扁舟竟未回郭索上田秋水暗鷓鴣拂樹野亭開  
傷心更有雲門寺頭白殘僧掃劫灰

入覲途中感事

一麾剛是莆陽守出境使民如馭磨晝日山川猶接我  
風塵筆硯不宜文江頭細水同趨海山腹高煙欲變雲  
此去且休論進退蒲風吟葉坐堪聞

老儒方君父營宦吾寧今儒老矣求壽詩予之

先公靈氣逐長川令子猶能道昔賢雲路三千成末路  
今年七十是生年小溪碧影閒中我甘橘紅香醉裏天  
飄瓦物情吾已信聊裁楮葉寄清篇

甲戌七月十五夜郡齋中惡風大雨不寐

別屋驚聞墜朽聲兒童程露繞牀行飛雲侮月明飄雨  
斷黍隨波夜入城編戶只應圖半飽度支肯爲免全征  
不知五事歸誰闕相對瀟瀟空復情

鶴舟

扁舟載鶴如載僧秋風鶴相正稜稜臨臯夢入今何許  
西蜀相隨僅一曾毛骨未輕還滯泥蓬萊有信合飛昇  
晚來或繞龍門過新月微風笑李膺

銅香童

默無言語捧香煙螺髻雙垂短袖偏心火未除猶累俗  
金身不死欲成仙閒門喚我來消日深院隨人出告天  
莫與幸姬爭寵愛一生憎爾夜忘眠

三月雨雹大作效杜體一律

時年二十萬嘉禾

百齋詩集

卷四

吳四明敬齋

約園刊本

抱膝長歌感薄遊打頭風雨益春愁黃塵遠道誰迴馬  
急水高江莫放舟成客通宵空報火野人三月卻屯牛  
青衫賤子憂無賴更爲蒼生涕一流

送葉司訓

公事閒來恰送君萬山煙樹倚斜曛離歌對酒無三疊  
殘暑先秋退一分人向別時方是客江於南去半爲雲  
隨君夢落西齋小坐裏東風長燕芹

東禪寺飲別

北上扁舟雙槳鳴東禪深處復留情千年石上看花飲

九曲廊前數竹行  
弄野雲光知宦薄  
出山泉水與僧清  
羣公袖底藏豪墨  
難作陽春第一聲

贈楊都閩

羊祜輕裘備武文  
詩鳴不數羣  
將軍楮藤字札曾雲寄  
湖海神交以姓聞  
九月霜前初下拜  
一瓶菊後謝頌芬  
水涯天角回頭處  
應指三山是使君

贈孫浦城

別時梅雨濕江波  
黃葉風前此重過  
詩力借酣彭澤酒  
政聲來聽武城歌  
鴈邊雲白南音少  
馬足塵清北意多

白齋詩集

卷四

四

明  
四明叢書  
約圖刊本

良會有期非遠隔  
溪流月色奈君何

白齋詩集卷五

明鄭 張琦君玉著

玉峯朱欽編次批點

五言古詩

次石田韻

形骸與人居恍若木石對人問我不答謂我真大醉已  
離糟粕中闕眼作假寐氣味蘇與黃百年不我會酒後  
一歌呼未覺筆墨悴鳳豈德衰乎孤鳴亦誰爲

奉答德樹用原韻

林批 字字停帖

白齋詩集

卷五

一四明叢書

約圖刊本

童子來雪中遺我高士牘悠悠牘中語新茁咀寒綠令  
人發浩興臨流取桃竹削竹勿傷手尋君曲江曲

錢廷節母輓詩卷子

君昔速觀化

廷節父  
蚤世

神依獨木主辛苦四紀餘死復成

偶伍手持白玉璫納君懷袖畢璫有貞節文上不愧秋  
日秋日復秋日射見江水深江寒蓮葉死生子多苦心

南樓玩月值雨奉和見素林公韻

南樓月正好雲勢已無月維月亦強項肯爲雲滅沒雲  
質本輕微肆每月光暉月白不可涅任雲巽妖弄君子

洞大理不辨雲是非對雲張酒膽掀髯發聲威顯晦吾  
道爾行製山中衣

少宰楊先生四喜詩分題得旱故金三字

時相啓東閣張筵盛於粲七客貫魚入四座列綦昇<sup>叶</sup>  
公苦地中山隆隆匿厓岸客如水中魚刺刺忘顧憚時  
天沛甘雨潢汙陡尺半庭花晚色靜蛙蛩走堪玩天人  
協清歡安復問雩旱

公授七客題析楮錯分布懷歸臥菲茨蜚吻詞莫措四

喜世難并一一納公戶<sup>叶</sup>始知相臣力可以禳神祚強

白齋詩集

卷五

一四明叢書  
約園刊本

歌欲張皇何由中招獲願公均此施不獨庇鄉故

浮雲猶承宇幕幕生朝陰鳴鳩叫前除天雨來自南我

公愛井里飲酒忘戒嚴<sup>叶</sup>移尊卽庭階蘭玉羅森森金

屏夜氣永玉桂秋期深走也樂公樂擊節成高吟乃知

文字味可以輕千金

喜雨前篇

正德歲壬申惟夏月五六亢陽烈雲表旱氣軋大陸稿  
壤拆龜背文亂不食墨河流緒玉漿日竭成孟覆有苗  
秀未吐如人孕在腹草木鬱不長如生強加楛茲殃敢

求敗惟咎當在牧豈予饗盤餐而畏獲公餼省躬慮未  
至因其事土木旦夕率屬拜香薰勦松幄我與土木矢  
三日望儼渥帝前爾能趨帝面爾能告至期罔徵驗當  
爲爾神辱神則唯予語奮猛幹化轂一雨連七朝漢旒  
儘四續拆者合文理竭者抱盈足秀者日就實鬱者肆  
發育蛟龍返幽宮魚鼈寧舊族雲漢霽疾威畢宿飶餘  
欲豈矜人鼻昂要惋我腸毒謂天蓋高高去予僅一膜  
孚顯理必有鬼神豈應戒汙邪聞田祈歲則當大熟

喜雨後篇

白齋詩集

卷五

三

國明鼓書

初開列本

壬申所得豐續熟望矣酉以爲官府職漸舉百廢后去  
冬孟仲月遠入是歲首百日不一霖天漠淨如帚民曰  
吾小人立計春最厚牀頭種子白撒土日已久滋潤不  
相濟秧短未入手秧強汲澗救田咨白翻剖予乃召民  
言是固天作咎非怒爾有愆誠罪予德醜昔幸感于公  
今胡效馮婦父否切我民不吾釋如橫挾之肘吾亦矜我  
民如身臥在坎南衢畚草壤北巷辟鷄狗屠夫勿市刀  
獄眾解桎杻帷房妾婢遠堂婢適童叟入山頰龍湫拜  
道塵楊柳林公見素先生眞宰心恭敬尤不苟湯餅慰飢渴

士吏偏入口昇龍入雲庭感應捷桴缶續日便得雨色  
勢亦頗驟五日又得雨飄颻滿窗牖類此四五逢人稍  
事西畝惟天尙屯膏霏霏未大授僚屬協精德誓公各  
不負終然動帝衷甚兩劇翻瓠何流無高平牛馬失來  
走縹縹馳雲師曳曳鳴電母千村樂新作百農應歌吼  
會當起倉積且毋辨笏斗隔雨聞農談疊疊及太守我  
今老且慵於子夫何有

寄封君豐編修先生

少年亦衝驚所志在萬里讀書五十車攻文多檢底吾

白齋詩集

卷五

四

四明叢書

約開刊本

爲範馳驅一禽失之屢回視家鳳凰日悅就文理須臾  
冲霄翰翩然帝榜舉口含五色書天光溢墟裏可以輟  
初志赫赫豐太史郊居復無累五丈日方起梳頭束冠  
帶照影溪上水自覺多清康相顧兒童喜

情適甚

三異

令長秉化桴幽默捷神聽遠給太丘軌妙契中牟政旱  
蝗手加額天雨洗殘膺有麥斯蘄蘄兩歧蔚相競三異  
次第見事覈盡足證漢史何聯翩大筆寫奇勝而公避  
名者謙若脫負乘自緣金玉章無乃吐光映善於感應

微皎然睹天定

寄揚名父先生 批 直抵陶謝

偶出國南門秋風動吳沼佳人隔扶桑日出方泉泉照  
見玉雪膚明德日三澡飄飄白霞裾覆以青桂葆南北  
不可忘星辰割昏曉惡人不自陋鉛華以爲巧豈不畏  
遲暮那復事妍好夜理機上絲千端素幽抱達旦始成  
章一寄萬里道

寄豐太史原學

維昔奮龍虎雲端近如昨宰物夫如何置我一天各從

白齋詩集 卷五

五四明徵書

約園刊本

此畏不振視若邈先覺雖無千里才勉試百川學九章  
非吾志歲序苦纏縟月俸猶千錢俯蓄良未惡所渴負  
米志終得湛露沃先生用志勤手帖示面目拊膺發長  
感人生非草木我有綠綺琴幽辭尙堪託一觸人不知  
塵埃手中落

題周仲鳴悼亡賦後

仲鳴失其偶三月無精光對客何草草懷毒不下堂怨  
墨久乃發一紙數十行上言合歡短下寫離別長初如  
周南鳩宛宛不可忘化爲牧犢雉朝飛在山梁金徽語

幽篔簹筍檣蘭香明星望河鼓曉色忽已蒼欲附夸父  
足魚軒渺何方徒曾仰屋歎明月生前房

分得蒲葵關題送黃子和入關

浮雲渺南飛遊子輕萬里白馬雕胡鞭朝過龍溪水紫  
荔結秋實深山走青鼠夕陽古城上照見綿葛市民俗  
多禮文兒童學齊語應接目不暇一一傳筆紙三山有  
神人浩興欲東舉忽見蒲葵關不悅臧孫氏

中秋待月不至奉次毅齋韻

石缸駕飛梯緣以上木末庶幾攬清曠濯我心中渴豈

白齋詩集 卷五

六十四明菴書

約園刊本

知素娥車雙輪中路闕惆悵返空庭幽花坐還撥家有  
斗酒無謀婦及帷闥婦云酒方熟要我澁巾葛我時意  
頗佳君懷胡獨怛大雲當中橫小雨弄微沫風堂有餘  
地文席展教闕明夜月當來爲君樽重開樽空北壁倚  
浩興無時止 不著意說自是難學

保定學石門

仲尼如日月端木有名言冕服肅王祀巍巍百代尊華  
夷誦聖法奚翅一邦敦但彼顛蒙子飲水不知源所以  
石門作經費不告繁斧樵二十旬工役頗紛紛白玉四

旁啓洞若鑿崑崙中刻疇易圖萬象亦輝焜孰云素王  
宅不是道之門卓哉諸君子倡義協輿論嘉績欣有託  
庶幾終古存

柏椿圖

新安名山水佳氣秀復蕃凝結在人物而或歟一門近  
如張公家兄弟並清溫長兄八十五仲差少五年其三  
七旬二顛髮亦已頽叶經史日耕穫禮義責子孫四賢  
秉志諧旣翕鳴篋墳有斐廷尉君孝愛日以存繪爲寄  
寓圖將持佐壺樽老柏凡三榦森聳闕輝軒一椿列其  
旁華葉何偏反椿以況其父三柏伯父尊猶謂柏椿音  
可作祝歲論致圖若妄爾意篤如厚坤大夫行事峻吾  
敢贅疣言只直說意自宛妙

畫蘭爲朝用賦

風絮何悠揚下雜塵土飛澤蘭無情思流水淡容輝此  
草久不見重我長相思各有水墨技爲汝傳芳蕤一本  
數百葉中花孕幽奇置君隔疏綺相對無一詞但知守  
貞性焉能明素懷畫蘭不畫意蘭花不如草至今蘭與  
草無人辨惡好

望雲思親卷子

浮雲興大陂悠揚復斷續遊子感時序升高振芒葦親  
舍隔秋海達人千里自我願雲有神結爲雙車輻朝發  
暮及庭交事騎黃鶴古意

次向中美韻

風雅方寂寞高眠想清韶悠悠靜傾耳希音隔穹霄有  
客寄遠詩雲章爛回昭皎皎是非閒不雜鸞與鴉正詞  
沮金石逸氣終逍遙彷彿謝康樂文字極高標天機生  
自然遊鷗駕扶搖決背隘九垓萬物思凌超光燄出箕  
斗李杜將遠邀青春軋夷等鶴立神仙曹溫溫玉色潤  
搗謙復無驕吾道日以壯應勿憂蕭條

遊長山

是日大川清之皆在

偶偕羣從遊騎馬秋山冷笑語應谷聲揚鞭亂江影入  
山尙未深而有山樓境紅子落長藤蒼苔覆晉井短棘  
刺我衣朔風吹我領飢腹覓藪根健步出松頂樵人四  
五家炊煙忽生暝問樵何處山云是丹霞嶺鼯勉越崇  
岡豁然見高景飛鳥盈胸至浮雲暗生脛遙瞻泰華蓮  
俯睇彌明鼎渺渺天台峯默默仙姝靚萬象乾坤內一

一付君等陟高原自卑可以發深省

用前韻和徐松軒詠雪之作

朔雪從西來益我郊居冷凝輝綺清夜卉木禿形影仰  
視茅土宮幻以瓊華境兒童走相報園林失坎井玉粟  
森肌膚冰鐵易衣領烏鷲磔鷓鴣石貌沒踵頂人生習  
晝夜不夜反生暝稍似蛟龍鬪鱗甲委林嶺還疑梅花  
生幕歷揚州景東方有一士短布適至脛不敢貪夫泉  
不朵覆餗鼎濯濯春柳姿淡淡秋華靚歲寒不相養意  
氣搯夷等哲人抗高節此道誰復省

白齋詩集

卷五

九四明叢書

約圖刊本

海漁

何物此老人殺竹南山青維以雙繭絲赤腳踏滄溟滄  
溟有龜魚尾甲搖煙星長竿不易觸經年失飪烹咄咄  
世間人潢汗事鱸鯖朝取或盈車暮引足充羹不得失  
顏色得之氣盈盈室以悅婦子堂上媚賓朋爲言吾利  
厚可以業平生老人在海上豈無羨魚情重理珊瑚竿  
黃金以爲繩戒嚴河伯國無使神龍驚吾今大下手鸞  
刀伐鯢鯨

答崑山朱祐甫秀才

有客來自東溷暑汗不收揮扇當我立從容言所由云  
向練水發故人寄綢繆何當一驚喜書卷失所投延客  
語終日知君始詳周易理究天則文章泝伊流樹立良  
自厚青紫不足謀崑丘玉萬片毛朱掇其尤

毛澄癸丑  
狀元朱希

周丙辰狀元  
並崑山人所餘亦匪石勉哉耐前修

惜春吟

長風從東來吹我白日暮山桃紅滿枝新葉已布濩金  
雞始嗥晨忽見東生兔雖有萬牛力焉能返天步春華  
不待人造物豈相妬

白齋詩集

卷五

十四明叢書

約園刊本

傷親二十首

遠雲秋苦

長天澹無色浮雲走西南雲是吾親魂秋風冷玄駝萬  
里去無力如待人負擔冉冉滅行迹淒淒悲寡男願天  
不生雲黃檗化爲甘

虛寢夜長

涼風起中堂蹶我肉骨親蛛絲度空幕月光照流塵雞  
亦不肯鳴天亦不肯晨悠悠漆園夢千載蟪蛄春安得  
東窗日重照白頭人

煙海音稀

見說蓬萊山煙海八萬里欲渡不可梁無邊亦無底黃  
鶴去不歸誰爲寄尺紙潮水煙中生倏忽到席几問潮  
何處來潮亦何言語言有盡情無窮

柘園日薄

澤澤桑柘枝春葉細如簇朝暉耀清熙糧鋤動蠶箔忽  
覺天風寒吹我日色薄繭登蠶亦死飛蛾散幽魄淚眼  
遠無光牆頭憂繼白

雪鳥抱影

白齋詩集

卷五

十一四明叢書  
約園別本

慈烏失其母嗶嗶無好音落日雪片急低飛下丘岑隨  
身幸有影與雲兩沈沈天無十日雪烏有百年心明朝  
雪自晞烏啼只荒林

晚鷓叫化

杜鵑豈無聲白日豈不夜黃昏問杜鵑愁人獨驚怕花  
深月色苦彷彿春魂話一聲卽有淚淚是湘水化湘水  
無窮流鵑啼幾時罷

月杵孤聞

金風旣戒秋城空月出早砧杵西江鳴寒聲發孤小賤

子不願聽誰肯爲輟搗萬戶一片月何以分惡好仰盼  
石楠樹中夜落飛鳥

蘭舟遠憶

驅車地有迹放船水無蹤江潭闊於海下有雙蛟龍迢  
迢隔畫槩冉冉開芙蓉水遠人亦遠何處攬清容追隨  
惟有夢驚散匡廬鐘

兩蕉泣夜

夜風不落雨盡入芭蕉去蕉無卻雨葉雨點不到地一  
更瀟瀟來二更急如澗半夜無全蕉蕉破雨亦細明發

白齋詩集

卷五

十一四明叢書  
約園刊本

看西池是蕉泣雨淚

墓木愁春

哲人日已遠誰謂天有德隴樹日已長誰謂春無力春  
能發樹枝樹復怨春色暖風不作花零雨下清滴啾啾  
樹閉鳥喚我拜寒食

悲風有懷

萬物思直遂而豈能自由木以靜爲性飄風太相仇病  
葉不自持况有撼撞憂葉落不止柯風來無止休千載  
皋魚恨吾恨亦千秋

負米無日

由也昔未貴日負五升米爲親煮飢粥親悅由起舞親  
死南遊荆廩粟多如土開襟視肩瘃皮色嫩如乳更使  
米上肩日光向西吐

形容到此

三牲闕感

批 如何不怨

糗糒纔餬口云胡道三牲五日不一肉鷄釜無腥烹所  
期在未晚親豈解長生親死兒有肉啜嚼如鼯鼯孝哉  
穎大夫猶泣生前羹

九我諸恩

白齋詩集

卷五

十三

四明叢書

約園刊本

起讀古人詩九恩實痼我空桑亦有自青鬢亦有羸安  
見罔極親棄之若投果親如火上灰我卽灰中火死灰  
火不滅耿耿中夜坐

晨雞夜鐙

晨雞號如故夜鐙豈無光天地一昏曉悲歡異人腸往  
時雞與鐙聞見在高堂今日鐙與雞颯如丘壘旁俛仰  
百年內誰能無感傷

春雨秋露

天亦何言哉氣至卽感人孝子淚不了逢時落津津春

兩秋復露在地卽在身履之入虜理恍惕生至仁人非  
犬與豕胡念不在親

天壤嗇愛

吾親如壯夫八十健食欲前途至耄期都來只廿稔道  
化斬餘日迫奪何太甚一日落眼光千秋作長寢古稱  
天地仁此意竟難譜

猿鶴相悲

林批 語到此

蕙帳吹晚風愁鬪死秋竹猿鶴如有懷嗷嗷鳴山曲我  
聞猿鶴啼猿鶴應我哭風起月色暗江流影如墨虛堂  
誰與言中夜起燒燭

白齋詩集

卷五

十四明叢書

約園刊本

袍綬淚斑

我有六尺軀麻裳太垂委狼藉不自檢盈身涕而已涕  
是漆樹滋沾衣不可去濃作杜鵑血淡如梨花雨江水  
可浣衣淚斑只如此

藥牆心在

我謂父母德齊天小山斗所以藥牆閒耿耿見白首昔  
賢希聖心亦向藥牆有思親與希聖畢竟誰薄厚欲以  
道向人可心不可口

輓蔣一之父母

玄雲升遐團弱水西流急嗟彼委珮人徂魂望何及孝  
子曰下堂躑躅中庭立短賦荆國招長聲魯郊泣柅梧  
高百尋葉落滿墟邑于焉雜我思散亂不可拾

大川一子一女皆歿于痘予有感作詩哀之

阿郎年纔五已覺驚座賓阿女且三暮洒然出風塵兄  
妹參差長玉光映青春大川好兒女稱歎協比鄰上天  
胡疚汝今年歲在辰時維三月初兄痘生滿身九夜立  
媪姆鐙火治昏晨鼻口竟絕息湯藥不及爲妹亦患生

白齋詩集

卷五

五十四明徵書

約測刊本

痘吟聲苦呻呻雖知亦弗起言語不失眞一日三命史  
十夕九禱神但使金可贖費錢不計緡吾視大川面色  
黑如槁人大川云其母辛苦欲裂腹有力不救死一去  
如風輪兩孥竟何辜斷送不浹旬喪輿導旗鼓羹飯羅  
兼珍家人陌上泣桃李皆含顰黃山一尺土掩此雙白  
珉漸與骨肉遠轉與松柏親黃昏月色黑野火青燐燐  
時作新鬼啼應爲舊鬼嘖幽明不隔遠魂夢來須頻願  
伊化爲羽乘風入秋旻願伊化爲樹逢春葉蓁蓁願伊  
化爲石萬古滄江濱人死靈不死重結來生因吾女年

稍長去年死東鄞涕淚拭未已爲君重沾巾

月夕送別

秣陵一分手驚見眼逾碧君鬚淡如前我髮縞異昔山  
雞啄秋黍留君請新益落日張燭光中秋隱月夕雲天  
亦情思需飲頗符易何物柳邊聽嘶促京華客

遊華林寺

出郭復出郭鐘聲逐幽尋二三袈裟子取泉爲我斟時  
覺酒興薄問僧覓清琴太古向山水娛賞樂不淫登高  
思居危俯下戒墜深安知倚雲客寄之飛鳥音人生繫  
青俎足跡終歛歛堂吏持簿書朱墨紛相侵冷滑志白  
石輝耀輕黃金邂逅東南美對君發長吟

王卿一葦卷

王卿真商隱一葦行江湖葦葉不觸物木舟相與徂夕  
泊桓伊清朝遊羲仲隅揚州十萬貫會稽一錢無人各  
有其志厚載不足趣索癩短越將特畜改陶朱葦中容  
萬卷可以開羣愚

水磨吟

有物善藏用急旋過飛翼竊天以爲機假水以爲力磨

舜不傭工晝夜五十石寒聲風梢梢晚意雪習習出納  
互盈虛動靜明太極西村負戴至東市相絡繹一石覓  
一錢小家僅衣食不租王公田不貴富人宅傲利無大  
虧天弗惡其賊茲可業子孫爲藝賤亦得

白齋詩集

卷五

七

四明叢書

約園刊本

白齋詩集卷五

白齋詩集卷六

明鄭 張琦君玉著

玉峯朱欽編次批點

七言古詩

廣平太守蝗出境瑞蓮生卷子

諸侯爲政無大難禦災致祥纔兩端廣平太守有神力  
手迴化機如轉盤先是耕夫遶田泣飛蝗下田無子粒  
太守威德如馳霆一蟲不得留疆邑先是汙沼草無芽  
沼中渴裂啼蝦蟆太守恩澤如雨至一蓮再出雙頭花  
蝗飛出境民有飯瑞蓮開花水欲爛江北于今千百州  
安得無蝗有蓮看

山人鼓琴圖歌 批 不任意說去自妙

山中日月不論數野客何曾識去住君持琴來知爲誰  
我亦無意來此處一彈一奏巧相同君則爲徵我爲宮  
風泉松葉發天聽十指不動智技空乃知萬事難自足  
師襄伯牙皆漠漠回首溪堂夕鬻高問童煮鶴曾未熟

湖河偉績爲李鄴憲賦

平生儒術蚤致身老氣清才無比倫萬事當前寂不動

經略沈沈如有神古來河患歲莫禦怒浪奔流震天地  
一魔指使曾幾時次第平成有餘智荆襄賊徒肆猖獗  
舞兵潢池耀旻旻一時酋長自尊大鏹平順天皆稱王  
大江廣漢十萬戶男不成耕婦怨苦君侯致命罔自惜  
出入單危犯蛇虎逆氣從來不久盛馘首紛紛繫長組  
怒髮將軍未足多書生白面今如何天顏有喜不西顧  
江漢從今無亂波赫赫功名共終始白日應照金甌裏  
仲山方叔何人哉自古英雄多若是

海鷹歌

林批 杜後身

白齋詩集

卷六 四明藏書

約園刊本

海風西來天作蒼胡鷹爪吻如劒鋸長飛萬里不見雪  
回依草木觀四方妖狐黠兔頗無數或時人立直當路  
鷹也側目若有思世人那得知其故鷹乎鷹乎飢乃爾  
水衡珍禽飽欲死衛公使鶴鶴不行方信鷹揚當上卿

壽郭典簿父分題得魚山

魚山之色亦太古盡日晴天飛霧雨只疑方丈臨前楹  
無乃終南屏深戶正月四日春一分魚山花開眞爲君  
餘慶能無念爾祖再拜東風酌白雲

賦張氏庸軒

暗鳴一聲生風雨令人便說奇男子彎弓抵劍輕燕吳  
天下盡稱烈丈夫五穀在田布在軸日用宜民卻屨足  
蟻蛛一類僅如稊倒困傾篋趨相驚一朝蟻蛛碎在地  
還向穀帛求生計庸軒中人坐自思太保從來賤珍異

誤馬曲

林批

似杜

批

古意調復高

郎騎白馬若練帶青絨作韁玉爲轡別時馬前細屬目  
郎心或改馬色在太行山頭煙霧深馬色亦似遊人心  
終日出門望白馬浮雲細草何陰陰占雞卜響皆不定  
鬼神那識楊花性思君白髮千丈生蘭花無香藕花病  
人生不如燕子飛朝銜青蟲傍暈歸儂家花落葉滿樹  
郎騎白馬西家去

小仙歌

余昔尋仙走幾州腳根踏地無時休終然決志涉洪流  
坐騎白鯉導青鯀鐵冠真人愛天遊我往不見令人愁  
從此回來三十秋華輪破折重爲修偶然身爲鍾山留  
山前下拜神仙儔秋水射人豁雙眸襟中作氣無王侯  
自云少小學休浮老大不爲干祿憂平生志意何所投  
縹緗素練相疊稠興來時促斑管抽豪墨落處如潑油

出神入神捷解牛有意無意非人謀天子愛才下招求  
前年召見奎章樓玄鶴高飛不受鞫于馬來歸擇林丘  
常時餐飯不滿甌燒葵剝筍爲時羞山茶五斛親自收  
一春戒飲停觥籌今人與之託交游毋乃鵬鷄相旋周  
人呼小仙更點頭何必學漢武皇帝白首相期在十洲

林良戲墨圖

林君寫意不寫形筆鋒賦物真天成水墨一斗沛生氣  
乾坤萬類皆含情水則有聲石有影百禽爭鳴日不靜  
短脛長吭辨族殊高飛下逐雌雄並水無射弓山無崩  
弱能自立強不驕爾我相忘齒角利觸之不怒皆囂囂  
我願區中開廣域晝行夜宿無戕毒千門萬戶置此幅  
廣大

送翁長官分韻得樹字

鼻鳴江寒方念羣江頭艇子不肯住眾客淒淒動愁色  
雲邊直指象州路願君爲我立斯須高歌一曲白日暮  
海邦居人曾未知東風已動桄榔樹

朴隱贈魏先生

白玉岡前五如堵朴隱居士玉爲戶六丁五鬼無所用

混沌天教屏椎斧只今時人好工奇垂哉十指無停施  
此中消息居士知抱朴恆求古人師

黃昏步溪上見煙月可愛 批

溪上四篇  
都唐人口語

明月在天煙在溪煙中看月無光輝沙禽熟眠潮未響  
野火歷亂船初歸天邊楊柳誰家樹煙月相含不知數  
此時幽景記不真莫是江南夢歸路

次夜再步溪上

夕禽啾啾棲未定前溪吐月如金鏡我來手攬芙蓉枝  
獨立溪頭待清映荷花香前鷓鴣飛秋風不送行人歸

白齋詩集 卷六

五四男 卷六

一 紉圖刊本

行人見月腸已斷應是閨人淚如霰

次夜又步溪上連賦二首

日色落市天乍昏人家燈滿溪上門海客載魚入市競  
縣胥騎馬歸村喧乃知名利熱於火紛紛晝夜稀眠坐  
芙蓉滿江月滿地鳧鴨沙頭足清睡

月色不減昨夜好秋齋家家夜飯早蔓菁芋子白酒香  
土門竹舍黃花老農談悠悠靜可聽皆說官家今太平  
斗斛上倉不過槩差船點馬無兼丁翁哺弱孫婦抱子  
依依相對桑麻裏我願明月長此光不照離愁照歡喜

山中歌

林批 面前語人道不得

深山古苔滿地碧淺山流泉走白石深山不接淺山雲  
今人還尋古人迹漆園先生竹皮冠芙蓉衣薄秋風寒  
秋風寒欲歸家去昏鴉棲滿溪頭樹

桐原曲贈何廷儀

先生少時桐亦小先生六十桐已老幾見春風垂午花  
幾見斜月掛秋曉先生小坐誰得知有琴無弦聊對之  
湘南美人期不至青鸞拍拍煙中去

畫山水歌

白齋詩集

六四明續書  
約圖刊本

輕煙散朝靄野日明川谷淑氣動禽魚和風生草木長  
巷深門繫白駒幽花細柳鳴鸛鶴主人春眠起常晏日  
上半天炊未熟白石堰赤沙湖蘋葉晴光映綠蕪朱橈  
畫槩向何處極浦相望天一隅江湖廊廟隔手外分明  
出處殊其塗憶昔當時輞川子高情日在山水裏孟城  
鹿柴處處佳此幅丹青無乃是如何富貴累夙心畢竟  
芳名誤終始雲山蒼蒼水潺潺風景依然眼目閒雲山  
何曾變今古古今人自負雲山

隱然識歎

風雪圖歌

晚家西山傍天姥十月作雪天惡苦陡新翦茹成小屋  
只開東窗關北戶樹梢撲地落凍螭啾啾瓦雀吟朝飢  
禽慮此時若不利山客高齋今獨宜五斗秫米作酒醲  
阿婦來言勿沽店鮮魚出冰黃玉光松火入突碧煙燄  
我笑老迂袁太尉何必僵臥雪中如小夫又笑子猷好  
生事夜半擊舟槳寂寞依風蒲不如坐對家人面酒酣  
耳熱高歌一曲還敲壺

贈黃赴兄弟

君家舊業鄞江墅百金買屋京華住開門日月當頭來

白齋詩集

卷六

七四明叢書

約園刊本

樓上雲霞手堪絮往來時有金魚客擁篲東風掃芳陌  
須臾客去花陰轉花前起讀田真傳

愛椿慕萱題金監生卷子

種樹種椿花種萱日碑世業來何蕃風翦無仁疾雙美  
萱花栽落遺孤根椿根秀發老逾好兒子承歡日皞皞  
百觴方欲取東溟夢中無奈生萱草

醉中觀夏德樹草書

先生揮毫墨未飽門外青山落日小主人畫燭幾許高

還向西池學飛鳥

飛鳥字勢也

錦雞圖

錦雞之文綉以縟有客曾籠出西蜀南方驟得見此鳥  
白鵠玄鷲總凡俗自我不見三十年聲音顏色何茫然  
何人寫生入精妙卻比見時尤足憐宗將軍孫老廷尉  
家藏此幅四百歲手掘竹谿開小堂錦雞格格夸毛距  
梅花深雪寒亦得何必玉樓策翡翠

題靜修送行圖

昔君道價歷南服萬卷山中更深讀文才鬱勃久莫禦  
射策君門如中鵠英雄三百同時升禦花瓊林醉鳴玉

白齋詩集

卷六

八四明叢書

約圖刊本

兩京山河對峙雄天府金城互南北至尊尤念根本地  
邦政煩君釐眾目黃金臺前恩澤多雨勢東來如立竹  
百花能紅柳能綠和氣交歡春意足船頭相銜船尾屬  
戴君圖書五百軸王事有程不可稽迅速蒲帆赴鍾麓  
鳳翥龍飛縹渺閒長安宮殿空中矗咫尺天威顏不違  
舉首何曾忘京國

浴鳧軒爲封君林太守歌

小江曲湖莊門幽白石硯藤來不休有鳧翩然倦雲遊  
下與魚鼈爭春流先生野情適相求鳧亦不去同沈浮

汝羽青青吾白頭人閱日月如馳驅萬錢爲買木蘭舟  
千丈深淵下直鉤海翁前身曾狎鷗與物並育吾誰仇  
天隨鬪鴨尙機謀還讓先生居上遊

郭節婦

古人見善必疾書畏恐遺落無收拾況今守令司民風  
重此一事更汲汲豐蔀幽茅有隱賢青天白日何由及  
且如林氏女郭家婦天性貞節世希有初笄入門美少  
年桃葉桃花纒十九姮娥在天當獨居倏忽神明奪其  
偶時尙女腹無遺娠如梅未實杏未仁一心槁寒百不

白齋詩集

卷六

九十四明談書

一約園刊本

動形骸已作全亡人與姑依依日相慰無女無男從寡  
身嫁時釵頭發玉采今日筍底樓浮塵苦茶甘齋不自  
覺視槩如飴亦可嚙行年三十六春秋更老百齡終婦  
郭世閒不有大羊羣今日安知虎豹尊生性直絕見得  
明夫家尊重父家輕寧父終歲不一往往見伯叔心爲  
怵節婦無言如寡情井水何曾答風聲叔氏見素先生當朝  
老中丞忠貞道氣九垓橫有姪女質酷相能爲姪談事  
天爲清賈充馮道易改面嗟爾男子之爲生

石崖讀書臺歌爲林侍御

堂堂九牧開慶源子孫不億來何繁侯王易姓蒼狗變  
襲業焉如九牧門左手授書右付史父祖師承不下祀  
道德文章世謂難日用飲食吾常耳內臺總憲虎鳳身  
策功貴竹真元臣祿入而家量餘衍爲書買山糜百緡  
築臺藏書不臧璧已老屬之天麒麟麒麟天生代希見  
上臺讀書了千卷下臺飽腹氣食牛甲科破竹連雲漢  
帝鑒青春肅霜格遂從中朝借鐵面東風一日思筌蹄  
先公與寡今何如獻忠日長暫乞暇日夜兼程趨故廬  
削華屏美古道朴人自指點稱瓊琚恐明天子呼促迫

白齋詩集

卷六

十四明藏書

約園刊本

時刻登臺偷讀書

風木慈烏圖

昔年堂前樹好時清陰爲蓋臨軒池深根不撼地維定  
夜夜慈烏來哺兒颺風一夕捲土至吹得堂前樹憔悴  
樹葉落地烏以飛烏雛啞啞啼不去雛欲爲烏報舍食  
長天茫茫海雲黑安得扶桑千丈枝風吹不動烏寧翼

南旺閘歌

平明拽舟至南旺閘夫關水不肯放云道今日鮮船來  
內監封皮誰敢撞上水積高丈五強下水枯渴如流漿

千艘櫛比不能上舵公誓息河流傍吁嗟河流注東極  
奔馳晝夜無休息乃爲鮮船所妨阻去不能去來不得  
官有軍輸私有商九州百貨來河湟鮮船滋味纔細物  
卻將聲勢扼喉吭我眠篷底拊膺歎欲言不言畏居訕  
舵公前來向予說公然開上何須憚予對舵公只搖首  
燒雞酌山東酒他年若得持檄下諸州闢夫放船不  
待吾開口

楊母七十壽日

斃管聲中日長久朱碧華筵映雲母女中仙人少艾顏

申齋詩集卷六

十一四明樓

約園刊本

珠纈雙垂麗星斗堂下兒孫三五行舞衣爭試風前香  
奉花進舜作酩酊東川南岳何森張鄰家豈無白髮媪  
衣食懷憂顏色槁舉首私瞻阿母宮咫尺塵埃隔瑤島  
榴花行戲贈飲中諸君子

先生病骨畏初暑半披白袍坐碧宇眼底榴花如有期  
飽著風情傍微雨便呼山童醜玉壺有花不可人相辜  
我醉旣醒還復醉明日榴花知在無花神聞語紅巾感  
自恨浮花寄塵俗亦有紛紛憐汝人我入青山看脩竹

清軒之鎮

凡物不雜爲至清古有孤竹留其名此道寂寞數千歲  
高山仰止猶如生有美君子好師古眾中獨見離塵土  
楊柳輕風過碧池梧桐皓月生虛戶此時拂石坐得意  
依稀若與神明遇清虛廣寒真在茲天上人間一般味  
金紫貂蟬世有之皎然一節凌凡妾向公欲問何爲爾  
不是梅花誰得知

碧窗春曉圖

春雷昨夜驚海雨龍孫疾作過於母須臾吐出瀟湘波  
寂寞春陰挂窗戶主人枕書貪晏眠青綾被上生楚煙

白齋詩集

卷六

十二四明叢書

約園刊本

起來櫛髮記殘夢翠華帝子雲鬢偏雲鬢偏望何及九  
疑路滑蒼梧濕碧雞頻啼雨又來呼道帝子行不得珮  
音南歸漸不聞江流碧色如羅裙悠悠多少夢中話分  
明只在春窗下

送吳侍御清戎浙江

乳燕初玄槐葉青天佳氣生都城時維端陽節物驚  
雞魚數豆非大烹鐵章御史將遠行過我斯須敘平生  
十觴不醉遠再傾更僕執燭臨前楹官居曾無檀板聲  
長歌已覺通神明古稱君子無所爭藏鉤射覆如用兵

庭烏翻枝時一鳴  
薔薇無風自落英  
今夜蘇章聊復清  
詰朝繡斧東南征  
百年幽隱指掌清  
兵民兩得歸生成  
六橋孤山餘野鶯  
似爲使君相迓迎  
坡老當年醉縱橫  
風流豈得專時名  
他日相思今已繁  
起把長箋付墨卿

捕虎詞

太守不曾張聲威  
百道捕虎必得之  
小政雖不當大事  
猶喜捲束四五皮  
甌瓠白晝虎噬人  
縣官安食如不知

桃郎歌

郡衙之北桃十株  
桃花殷紅桃實苦  
衰年口腹重甘味

白齋詩集

卷六

十三

四  
新刊本

日夜欲除若茨楚  
仲秋八月木葉飛  
入林親自行斤斧  
味不資人木之菑  
苦桃受罰何言哉  
直榦剛條四五挺  
教僕毋薪聽翁裁  
長過眉者取其二  
大小如同兄與弟  
大郎差肥力五石  
小郎瘦健尤儂利  
削枿存皮青玉明  
潤以丹漆增光燁  
皓鐵裹頭剛毅發  
戮地解作金石聲  
自古桃蒨先路行  
不祥風消神鬼驚  
翁今齒年當六十  
衰病幾乎不自植  
遭逢二郎喜奈何  
劉公驟得關張力  
持顛扶危不伐功  
出死入生無德色  
恨我四方今無志  
爾負爾才居我側  
郎乎郎乎猶勝叢  
生衙北時苦桃幾

眼能相識

淮關行

北出淮關多雨霧濁流廣野不可住風鑽破板索舟瑕  
烏啄枯蘆窺水蛙雲沙茫茫日易暮絳蠟華鐙在何處  
黃昏溫被雨暫止半夜再作喧兩耳已蜀漏天置我牀  
杜陵破屋無過此舵公疾起寡良算久晴無備只長歎  
兩番織章粗掩濕五鼓譙樓寒達旦雨細作雪如煙塵  
對面相語不見人十錢一束換青薪市酒亦覺生精神  
陰晴變化不可必人生遭遇爲勢一事當風雨且努力  
豈得前途無白日

白齋詩集

卷六

十四四明叢書

約園刊本

壽溪歌

建溪南流數百道駿奔晝夜無停抱絕江擘山求會歸  
流入莆中皆秀好木蘭澈冽涵江清豈不鍾靈亦呈寶  
於中有漢稱壽溪洋洋乎□□莫知狀元徐公水鑿密  
坐據此處誰爭坻左安釣石右作井讀書述經爲世師  
過此以往五百歲壽溪長流在天地挺生賢孫老司馬  
纘貴非重重繼志告暇來修五畝宮刊木薶草營西東  
小完苟美意自足我恨不及清樽同爲官未除金闈籍

百年終是騎馬客  
趨裝埽舍明日行  
煙驚溪邊草口白

白齋詩集

卷六

五

四明叢書  
約圖刊本

白齋詩集卷六

白齋詩集卷七

明鄭 張琦君玉著

玉峯朱嶽編次批點

五言排律

送西峯屠先生再起赴闕

北極傳神器飛龍擲化樞開天今象魏續祖舊寰區睿  
想貞元會深惟治理圖老臣居隱約特旨正宣呼敢作  
曹參喜難爲宋父拘屏營拜綸綽出萊蕪莫遂臣  
園賁猶蒙造化扶卽看行駿發安得立脚躡霖雨期何

白齋詩集

卷七

一四明叢書

約園刊本

切鹽梅味乃需七年茲復往六月暑方徂鄴杜雲霄近  
滄州壤地迂琴書屬騏驥荷柳借魚鳧匣吼豐城劍朝  
還合浦珠謝公前保傳溫國舊規模日角明丹腑天頭  
顧縞鬚宛然懷去寶不墜握時瑜山甫傳心久元崇應  
變殊聲威消伏慝鼓舞動玄杼萬里方高鶻千林敢媚  
狐銜錯真委重絺繡要張鋪巨室先梁柱餘材尙構櫨  
勳華延密勿皋禹拜都兪赫赫瞻清軌明明仰大謨秉  
忠還夙夜視事或朝晡廊廟推瑚璉兒童識相儒謂才  
宜此爾惟道本潛乎人望譁當愜公功寂若無猶嫌歌

頽短相勸到唐虞

徐梅翁輓詩

三復公遺事臨風發永嗟山川來秀氣儒術坐名家角  
藝虛三矢嚙書到五車立身剛有濟議論大非誇住聖  
承條約諸生列冠豔百杯陶氏酒一部孔公蛙池夢時  
回草川遊或傍花流年頭未雪好句手拈霞雲月關心  
事湖山共歲華黃金輕泛梗紅杏散靈砂宰物乎何吝  
公生也有涯探書授騏驥謝客罷茶瓜蓬海神相接梅  
峯路轉賒貽謀高馥桂贈典重恩麻天道迎方定禎祥

白齋詩集

卷七

一四湖廣書

約圖刊本

應未差回看槐影裏濃碧上烏紗

春江爲許世芳賦

見說春江上春江萬里天南裏連氣色東海助雲煙高  
燕晴飛健閒鳧暖睡便水明花似面人醉馬如船章曲  
應開曼秦姬或在筵風萍流點點鼉鼓伐淵淵蔓草新  
成帶羅衣不受綿天妃臨寶鏡沙獺事魚筌隔激通吳  
苑沿瀾問錦川岸山迎白日泥圯過黃犍彤管收詩句  
蒼奴釀社錢四郊無敵壘八座有高賢曠達晞先輩芳  
遊及少年時從耕叟語亦向酒家眠楚相悲徒爾江淹

賦謾傳吾今長折柳爲子贈吟鞭

白齋詩集

卷七

三  
二  
一  
四  
明  
藏  
書  
約  
圖  
刊  
本

白齋詩集卷七

白齋詩集卷八

明鄭 張琦君玉著

玉峯朱欵編次批點

七言排律

送費學士柄文南畿還朝

九重命下玉堂前，獨舸遙馳奉至虔。  
素有腹經藏聖術，此來心事付神天。  
西風玄棘闥三匝，夜燭硃書讀萬篇。  
至寶采收論定價，陳言刊落見新鐫。  
山谿自此多生色，麟鳳何人不覩賢。  
月值清秋臨白道，士騎肥馬競紅纒。

白齋詩集 卷八

一四明叢書  
約園刊本

世無韓子真欺爾，今有歐陽始信然。  
吾輩門牆欣再拜，己未先生桃李憶三年。  
撫謙直下如平地，仕學增深敵

浩川。絲節綠幢勞遠騎，琳宮紺宇寄疏筵。  
送別雜花當

菊後能全盛帽，比龍山亦半偏酒。頰漸酡青嶂，日人譁

只隔紫巖泉。公塗雲物塵襟淡，雲海鷄雛曉夢懸。極浦

細波愁送客，金饒畫鼓望登仙。路從楊柳迂程出，詩到

芙蓉好句傳。列坐儒紳虛上席，百川山水問清緣。玉珂

乍響趨朝陌，華炬選飄入院煙。欲覽靈光無計得，合依

南斗眺星躔。

聽馬還朝送賀侍御

峩峩宮殿拱康成耳目還將寄俊英晴旭在天明簡閱  
好風先路望澄清人從列宿光中下馬入三山衡外鳴  
霜氣擣秋消狡慝雷威奮地發葭萌是非稱物開公道  
品式成書作世衡萬里巖廊懷赤日數莖穗畝問蒼生  
單軀跋涉神應相兩手經綸日自營顛仆徐看登寢席  
跳梁定欲斬洪兵吟哦迭對諸峯主指顧潛扶百郡城  
馬子謾誇時政說趙君已得獻清名時芳荏苒催行色  
山意徘徊愴別情赴國青驄何奮迅經年華節轉分明

由齋詩集

卷六

一四明家書  
約園九本

碧雲流水旌高志紅日長安邇去程拱極星聯遵舊趾  
入天雲珮戛新聲臣瞻主聖言條達帝曰卿來喜動豫  
馳道柏槐通密勿晴空鐘鼓考昇平雲龍正赴千年會  
鷺鷥交謹此日盟聞道沙隄增幾許爲公儲築後來行

送夏德樹

怪物休教駭寧馨文章是緯道爲經江湖老大初相接  
名譽當年已足聽登對三千纜一道乞歸十五有餘齡  
手栽梧梓和人長筆灑芭蕉帶字青壯志不甘隨草木  
鋼刀自許伐鯢鯨卽將長揖辭鄉里便有微言拂帝廷

桑土思深雲渺渺浮萍身遠水冥冥已知握粟難呼鶴  
何謂卑官亦應星牆屋未修還地主札書先遣報山靈  
行囊曉束眞懸磬歸思春來似建瓴短髮豈無新社友  
長髮猶是老園丁潮喧斷岸船爲馬路逼諸天石作屏  
乍到或須驚海蜃閒來正好種豨苓逢人重許搜吟債  
講道從今罷說鈴世有何人觀進退天從之子假骸形  
身親鳳德非終隱不信丹山有帶翎

白齋詩集卷九

見素先生所示諸篇續錄

勸駕述懷次東所韻錄求正

霜前黃葉漫秋山，瘦竹疏花共晚閒。  
老去筋骸翻自念，日來雲水信相關。  
經心楊柳三眠外，作意棋枰一著閒。  
好是內庖羞獨割，凍梨慙改故時顏。

青雨漁蓑社會前，蒼苔濁酒話村筵。  
湖田十口差年計，不放雲閒出洞天。

歸鴻月冷影初盡，老馬秋高意尙懸。  
未解新聲吟轉石，

白齋詩集

卷九

四明叢書  
荆園刊本

久投閒骨鑄江川

斷蕪荒棘半枯骸，物化相仍此禍階。  
獨手玄機諸老在，自安閒分入無懷。

江澈風恬頗不驚，野舟眠月度天明。  
洞桃流出幾花片，別有漁郎問舊程。

敝幃書卷一生中，水晶茶評在折衷。  
柘葉巢鳩眠自穩，冷看健翮戰天風。

適承高作詞古而意深，平生低首數大家不及。

也閉門坐覆海內，固有士哉。昨姚先生二忠祠。

記近名善文者亦不及四明有人拙作淺語可  
笑然引玉意誠多耳

得漢城紀事

天然樓堞護雲低萬壁丹青眼近迷兩漢英雄傷舊事  
二巴晴雨問前溪入關有約今誰定與仲徒多鳥自啼  
辟穀病餘曾浸夢裏屍顏老託征西

是夕夢先考妣來視

生前夢裏憶趨陪墮葉玄城事轉哀疏草長風吹北去  
鄉心流水順東回馬鳴小队移行帳花落平溪遶舊臺

白齋詩集

卷九

一

四男讀書

約圖刊本

萬里雙魂重靈氣馮訶端爲老兒來

王河屢捷尙遲收得漢深孤兩月留地盡關山曾夢到  
野清營壘有神遊風塵九死丹心在鐙火三更老淚流  
拜祝師成遺舊睡不煩巴雨恨鳴鳩

盛山紀事

胸臆霜青白鴈羣小堂對柏日西曠繁星江接巴文水  
溪壘山開盛字雲井切三潮兵幸洗岡當一火玉爲焚  
具知野骨封侯券靜夜冤聲觸處聞

通川感事

老銷髀肉愧征鞍目對人心日轉難盡索丁奇翻戊校  
幾烹丙穴伯辛盤馬鳴路黑邊塵滿巷哭堂深短燭寒  
惆悵亂階誰手事范陽無地葬衣冠

詠梅用放翁韻

老逋妙句黃昏月今古膾炙稱奇絕此香此境植族無  
不然梨李亦顏色木中之金果真性造化貞剛收正脈  
仄厓立壁著根難顛倒槎枒添老格清鯁果隨俗頽惰  
強把幽葩雪中破萬卉剝落空江鄉恰有一春在吾坐  
履迹冷透尋詩來市聲寒悄留花過擁褐自嗅還自看

白齋詩集

卷九

二

四明叢書

約園刊本

饑口隄防分雀餓

獨中數作似笑旅情物態亦見大都焉適和作

四三讀愈好奇才奇才

喜雨和篇

前篇

赫曦弄驕蹇厄會當百六焰灼金爲流通川走平陸瓦  
盆老農家甃斷突無墨大田秀且好真宰恣翻覆宿道  
未輸官新租可揭腹贏餘畢昏蒙百窘天桎梏豈惟麻苳  
虞草亦不得牧在過恐橈棟在鼎疑覆餗齋閣一鏡前

展轉成集木人禱身代犧野暴飢蒸幄翕張計周防福  
澤久未渥渾家飢公糜糠甍慘誰告狼暑結人旱無乃  
司命辱積誠徹玄靈豐隆輾怒轂先驅役行雲羣潛起  
江瀆蒼蒼續夜長高隴晨沾足一滴當一珠人功助神  
育滌滌山爲還餘潤被水族坦臥百憂寬公私飽歲欲  
涼生氣候平旱解不爲毒民痾納公懷戚喜透骨髓畢  
竟手親營焚巫枉世惑應天不以文雲漢思亦熟

後篇

去秋杪作旱連綴申及酉豈惟雨水來已復立夏後種

百齋詩集

卷九

四十四明徵齋

約圖刊本

作頗愆期雲霓重搔首烈風無時休赤地淨於帚卽斬  
爲雨私可合驕陽厚礪田白未翻穉秧暘良久井泉縮  
且盡澆汲不住手蒼短麥一捻夏輸待分割故俗近衰  
下身招竟笑咎月旦彌失眞顛倒認好醜吹毛恣譏評  
饒舌儼怪婦陰持足蟬蠹梳爬掣其肘簸弄元氣削豎  
兒作新疚市俠漫樗蒲相先事屠狗旱魃此魃巨公取  
置械杻獨迎太丘翁載致彥方叟經紀宣大猷一眞還  
五柳野談過憤切慎聽公莫苟憶自領郡竒六事曾離  
口包瓜獨含章實有爭盈缶淮南屬臥治清靜作民牖

浮麗氣消融耕鋤安隴畝海鄉鄒魯區文伯故精授旱  
假不在民守也夫何負青煙冷萬竈儲粟盡甌瓠望哺  
口嗷嗷不北南以走我公抱焦煎老淚落慈母懇祈瘞  
未應亟欲爲民吼迅雷驅冥雲雨腳大如斗歡聲續歌  
頌造物歸之守幹將神化關一塞通萬有

山寺漫語二首

寺隱路常棘心多足轉麻仙方神煮石禪飯老蒸沙桂  
月得秋好魚風壓樹斜短舟吾不薄遇處卽爲家

身輕辭世責酒隱話年勞獨壑市聲悄逼秋金氣高支

白齋詩集

卷九

五四明齋書

約園刊本

藤訪蘭若捧腹臥林皋落鴈無邊信黃花擘蟹螯

入秋偶成四首

增

疏樹留殘暑平蕪帶夕曛簷聲初下葉峯影暮歸雲野  
笛隨漁唱遊颺雜鴈羣草壯時看雨相憶紫芝薰

毒暑流殘焰微涼生晚晴日移南至影鴈度北來聲草  
露行秋澹山風作夜清疏稠自時事湘簟欲忘情

流火行金氣吾廬亦水鄉夜便一覺睡熱頗不如涼月  
院碧梧冷仙風紫桂香茶瓜酬老分聞笛據胡牀

露下夜如洗神清夢作疑炎歊微失勢雲水亦逢時月

起沙鷗亂天空海鶴遲小山遙注戀叢桂舊襟期

白齋批 林公所示諸篇皆高古非點綴可盡莊誦

默味自見

白齋詩集

卷九

六

四明校書

約園刊本

白齋詩集卷九

白跋

明州自唐賀祕書以詩人風流聞開寶之閒年未老乞身明皇御筆賜詩惜賢達之去其詩行于世不多特其人品足高如白雲青鳳不可得而結攬固已重諸當時矣予生爲祕書鄉里后祕書八百年自幼好有唐諸公詩而企仰祕書獨若加一倍豈昵諸鄉里之私其志頗肖類是故彼嚮哉昔先君贈評事晚庵先生速予舉子術不令一目詩懼心詩往也嘗几上竊取唐人詩讀之公見怒投之淖雪中過則徐取以乾之是以於詩無專

白齋詩集

自跋

一四明叢書

約園刊本

力而心則往往潛遊乎其中先君不能禦也先君老且化幸慰其靈成進士始吾肆而莫子格矣夫是以得徧讀唐諸家之作近體實宗之夫祕書風品或非勉而逮若其詩篇之存今者則願從鄉里後也古詩自蘇李以來亦極致志更假數年精力到得何如耳好事者時請檢傳寫夫楮毫之材莫可與廣也命工升之梓正德癸酉八月中秋日白齋張琦識

四庫全書存目

白齋竹里集七卷

浙江汪汝璉家藏本

明張琦撰琦字君玉鄞縣人宏治己未進士官至興化府知府加布政使參政致仕是集前有嘉靖癸未自序稱守莆陽日旣梓平生所作積數年又得若干首有相知君子贊予續梓之文橐力絛不能盡刻姑芟撫數十篇附詩之後是琦尙有前集行世此則歸田後所刻續集也琦當何李盛時別以獨造爲宗自開蹊逕王世貞藝苑卮言謂其如夜蛙鳴露自極聲致然不脫於泥中蓋其用思雖苦鍊骨未輕有意生新未免圭角太露散體則縱筆所如如遺稽行實一篇至以案牘語入文尤非體裁也

白齋竹里集

提要

四明叢書  
約園刊本

自序

竹里集者白齋詩續編也曷謂竹里予居種竹故以竹里名集也詩又有續編無乃勤且繁哉昔杜工部少陵自謂語不驚人死不休陸務觀作詩日有課程年八十猶苦吟不輟古人與此一事相爲命同死生非性癖則近駭者邪予適有是病出處衰壯皆於詩刻意之年老更攻不懈憶見素林先生嘗云夢魂相接多在雪蒼雨碧之下亦得予情真矣嚮守莆陽日旣梓平生所作者行於時積數年又得若干百首役神搜眇至於智所不

白齋詩集

自序

四明叢書

約園刊本

能及迺已其或毫而拙且退亦豈予敢自保哉特懼它日散落無收拾若可惜也有相知君子贊予續梓之因勉以就焉文彙底亦頗多力綿不能盡刻姑芟摭數十篇名文略附詩之後嘉靖癸未冬十一月長至日白齋張琦書於君子亭

白齋竹里詩集目錄

卷一 五言絕句

拱北軒

出城

雞鳴峯

西軒

言志

畫景

包氏東園

白齋竹里詩集目錄

雪圖

雙井釣臺

淵明小像

吳中

太白山

春風

濂溪書院

怨雨

水邊叟

約園刊本

林下

胡馬

雨中

書永思卷

登風雲樓

醉俠

農夫

橫石橋

偶書

白雲行畢錄

自錄

二二四

約園刊本

周方伯書屋

鑑思爲吳宗器

偶題

聽止窩

三屏樓

畫景

旌陽山

山人觀書

東樓

東軒

豐氏碑

曉起雨晴

竹亭

石假山

秋日雨中

牧翁

野有虎

飲酒

自題林屋詩集目錄

國帶隄

闌干

晚興

石壁潭

壬午端陽日三首

抱甕園

巨川

輓李時行祖

回祥爲定海李揮使

稜山擁翠

綠水平橋

西崗樵唱

東壠農耕

白豐牧笛

石浦漁歌

小圃凝香

柳塘風靜

籬落橫梅

申齋竹墨譜

四

約刊本

春早

見負薪者

別卞大川舟中

書新之夢泉卷

金廷輝先生輓詩

古意和史雪窩

虛白亭

對長春花

鼓琴圖

予得趙松雪墨竹世短其仕元一事與竹操相左  
不甚惜予固知其微意所存也故詩著之

烹茶

畫景二首

讀金滕二首

野翁

偶書

漁父

野雲

自齋竹墨畫  
目錄

五

約園刊本

卷二 六言絕句

不寐三首

答俊上人惠竹二首

別真一上人

四時雜詠四首

四時詩四首

卷三 七言絕句

雨中出郊

沙村卽事

四月苦旱不寐

唐子畏山水畫

梅花扇奉寄大閩老蔣先生

悅茶

迎神遇雨

夏卿畫竹

輓江先生

小仙曉色畫

大雪

白香符墨畫

題王從善南遊卷

虞節婦

梅雨感懷

偶成

月鷺圖爲陳萬南

山堂

靜聽秋聲卷

搗衣婦

與陳萬南飲史端仁宅

秋光

閒居十二首

高橋

秋日墓下懷恭人六首

具慶圖

盛水採菱舟

杏雪二首

梨園教曲畫

送蔣生歸丹陽

正齋竹里譜目錄

七

四明叢書

約園刊本

二月舟中見梅因折枝

竹枝詞三首

夜夢會夏德樹同作

苦旱

靜齋

掃地

風雨歸村

輞川圖

空舟

寄林汝桓

草堂

雪舟湖夜

詠猿

月林

曉起

寒月大海

春詞十三首

湛一卷爲朱愈憲

白齋倚墨齋

目録

八

四期叢書  
約圖刊本

秋成

觀刈稼

滕王閣

文徵明山水畫

二子觀圖

美人侍硯

沈邳州紅白二色畫菊

杏花巢鵲

扇景

明州歌五首

棟塘詩

藥莊

敲枕面山小圖

畫馬

一默爲林本聰

贈柳卿仁甫席上

舟中題畫梅扇贈安卿

自述

白齋竹里詩集目錄

九

約園刊本

南莊偶成與嘉遇

書竹泉卷

題畫有感

朱端山水長圖有感

七峯圖

山人觀畫圖

沈周雪山騎驢圖

吳偉畫圖

苦寒曝日小山偶興

鄰春

鵬瀾爲陳柬之

種竹

自吳回鑑述

睡鶴

夢中次唐人題張主人壁韻

書月潛上人卷

莆中一本爲方約之

幼孫方晴旣亡庭中榭一華隨以落瘞於根之旁

百齋竹屋詩集

目錄

十一

約園刊本

輒開一華就實可愛天意似有存也喜而賦之

呂仙幻意圖

不寐

飲舟中書陳新之扇

寄語盜酒客

送陳柬之之廣右

卓文君

龍宅爲陳清之

夢泉爲陳新之

遊惠山二首

贈李川父

海棠

送包子木會試

鵝鴿圖

風雨泊黃岡涇

送朱太守朝章

過崇德

白貓

自殘竹星

十一  
約開刊本

聽松

哀冒少參鳴和

雨中

枕上作

半山

題畫屏二首

畫梅二首

畫竹

晚秋鴈鶩圖

讀杜詩

賀定海幕趙君壽六十

答任躍之

白齋竹里詩集目錄

十三

四明叢書  
約園刊本

白齋竹里詩集目錄

白齋竹里詩集卷一

明鄭張 琦君玉撰

五言絕句

拱北軒

北極當頭在江湖萬里情長防春睡熟朝服坐雞鳴

出城

東郊漸微綠驅馬忻獨往梅繁野渡晴水落春山響

鷄鳴峯寺

寺在青霄上空中人不登天雞呼出定疑有漢時僧

白齋竹里詩集

四明鼓書  
約圖刊本

西軒

雷聽西江近簾觀太華低斜陽恰春意來照種花泥

言志

得句霜鍾後怡神雪益前莫將容易看直入上乘禪

畫景

先生消息大爲公洗溪石吾家白木屐忘卻平章宅

包氏東園

理蔓牽新綠疏泉放落紅敲門春午寂有客夏黃公

雪圖

人迹渾無徑山雲半入湖蜀姬天下少童子亦當爐  
雙井釣臺 山谷所居有此

雙井堪垂釣桐江絲其長巍巍黃太史不肯讓嚴光  
淵明小像

王馬俱何在孤雲得所哉山光悅面頰豐勝未歸來  
吳中

舊國遺千橘新湖沒四涯深秋成獨往瘦馬本無期  
太白山

太白三千丈廬峯上與爭道人閒管事終日作山評

春風

冰雪仇萬物春風徐解之錦綉渾未覺布被最先知

濂溪書院

泛泛歸乘化圓圖五百年何當參院下風月趁漁船

怨雨

溼熱秋多雨幽蟲不肯吟幾時晴出院涼入髮根深

水邊叟

水居不業漁秋深賣柚橋睡美不知晚船頭海月出

林下

皆谷千年樹深山五寸苔休官非絕響今見一人來

胡馬

足慄何盤辟胡郊草木疏傳聞班定遠萬里取康居

雨中

綠蘚寒逾碧山雞溼不文江檣三十丈穿上屋頭雲

書永思卷

可使滅踵頂人閒日月長起寫終天事北風吹燭光

登風雲樓

盛際眞非偶風雲共一時盡知天有路誰肯上樓遲

百齋竹巖詩集卷一

三四明藏書

約園刊本

醉俠

賒酒不論價強中奪馬騎千鍾酬死士五斗醉胡姬

農夫

種苗分經緯差差入望深由來莘野手不比寄奴心

橫石橋

地覺秋來瘦舟宜雨外晴野橋將浦樹扶得夕陽橫

偶書

翠管如吾影百年長繞生北鄰纏十萬夜夜賽錢神

周方伯書屋

古籍當犀玉幽花奪水沈閒來添著作玄晏百年心  
鑑思爲吳宗器

不是空桑出仍非睨水生百年天地客鏡裏託深情  
偶題

藏弓安宿鳥移燭遠潛魚滿案閒居賦都無封禪書  
聽止窩

彙征生不競良止夢猶安黃屋深天寵青雲儘蓋棺  
三屏樓

龍背當中起雲華結兩隈長思鍊仙骨披月夜飛來

白齋行集詩卷一

約園刊本

畫景

估舶天邊下漁船夜未歸回頭問海月何者是忘機

旌陽山

晚翠橫過水晴雲倒落窗得渠明分野爲我截秋江

山人觀書

溪深知地厚髮白見松青雲坐寒生骨風吹山海經

東樓

山勢彰坤厚天光薄太清臣家書萬卷換得此樓成

東軒

青綾擁鼻臥已高三丈日開軒臨東榻取海濡紙筆

豐氏碑

閻老西涯筆文章漢氏前青山標片石黃絹說千年

曉起雨晴

涼風入庭樹曉月飛霜鳶墮髮如白雪強欲隨青煙

竹亭

數竹寒遶綠於中亦可亭憑欄得句處細雨立蜻蜓

石假山

銜石嘲精衛開山笑六丁爲高無捷術大略就三陵

自齋竹屋詩集

卷一

五

五洲園刊本

秋日雨中

貧舍珠如穀荒村雨似塵日來官府峭莫怪索租人

牧翁

海日昇春樹前村露已晞公非隴頭骨收淚謝牛衣

野有虎

猛虎山中宅威靈百獸尊入村人不識童豎夜開門

飲酒

戒飲長防病停杯愁不禁計量輕與重愁比病還深

圍帶隄

芳草春隄曲行人或弛肩閒疑羊叔子綉帶落湖邊

闌干

北簷饒顏色彷彿瓊華觀畏盛作闌干約取春一半

晚興

風逐金行至白榆飛數錢月明三萬里人在玉峯前

石壁潭

石容壯土色潭影秋禪定燈火讀奇書夜有魚龍聽

壬午端陽日三首

蒼荀鬢邊白榴花眼底紅物情非世態顛倒愛衰翁

印齊集詩錄

六十四册叢書

約園刊本

魚臭千家市蒲香五月天細分閒鼻息偃蹇臥屏前

黃流開舊甕綠黍過鄰牆時物相招引山藤扶下牀

抱甕園

至逸甕中事魏哉老圃功世人迷不信去問東園公

巨川

聖作剡木利浮江絕大河春來風色好直打傳巖過

輓李時行祖

江雲關竹門杏酒罷沽村正熟黃梁夢龍駒報有孫

同祥爲定海李揮使

庭下有菱草天邊無白雲堂堂一輪日照見孝將軍  
稷山擁翠

山有太古色人無金石年醉眠山翠裏猶自說神仙  
綠水平橋

泥橋亞春水上有攜鶴路回首孟津河高濤不可渡  
西崗樵唱

采薪歸長晚月出以爲期歌聲隔西嶺互答飯牛詩  
東壠農耕

牛脊春陰惡溪風布襜單南人解占候還有種田寒

自齋集

卷一

七

四明叢書  
約園刊本

白豐牧笛

野朴少高調東風吹近林長安絲共竹惱殺是多音

石浦漁歌

空洲竹煙暝釣伴未全歸野唱藏機事鷓鴣挾水飛

小圃凝香

小圃容春窄索之剛十圍好香畱不住蜂蝶暮將歸

柳塘風靜

迴合春塘水無風一鏡平垂楊自天境多箇是蟬聲

籬落橫梅

昨遊城西湖風梅滿船面花神無定居籬落還相見

### 春早

牛膝寒嶽嶽野日收蠻霧鶉鳩溪南來催人脫布襪

### 見負薪者

舉世皆新事逢人非舊顏析薪趨夜火隨鹿下秋山

### 別下大川舟中

農歌攙鼓起雲影其船行斗酒易成醉長江不盡情

### 書新之夢泉卷

泉水無窮盡人非金石年一生魂夢裏終夜落涓涓

白齋詩集

八四册藏書

約園刊本

### 金廷輝先生輓詩

觀瀾夫子道嗟蔗伏生書萬室青山下春風鐙火餘

### 古意和史雪窩

夜靜孤竹西月出人有影五陵蕩子心無波不如井

### 虛白亭

梧葉照初月時無言語聲再拜周茂叔纔到此閒行

### 對長春花

明是長春好稜嶮欲自誇臨池見枯影纔道不如花

### 鼓琴圖

文明纔影迹寂滅是聲音洗耳來尋汝青山薜荔深  
子得趙松雪墨竹世短其仕元一事與竹操相左  
不甚惜子固知其微意所存也故詩著之

朱胄揮元筆貞人無貶詞北窗饒雨露只愛寫南枝

烹茶

雨葉燒帶溼茶煙直上騰與誰論此意目斷徑山僧

畫景二首

一棹便爲家清江又白沙魚筐寒不重大半是蘆花  
梅天不可測風雨曉來多滿耳沙邊鳥聲聲無渡河

百齋符墨詩集卷一

九四明叢書

約園刊本

讀金滕二首

幼君常子性叔相聖人心雷電不分曉幾乎疑到今  
三叔流言日居東忽二年帝旁虛呂召不作辨忠篇

野翁

今歲有餘粒相期祭獵嬉夕陽古城上右手挾山雌

偶書

岸齧覺興嬾齒搖宜敲柔尙餘秋水眼橫射讀書樓

漁父

何處是吾家秋蘆飛白花一雙許子履踏破下江沙

野雲

久沒從龍志閒將鶴背乘  
昨來飛渡水參見少林僧

白齋竹里詩集卷二

明鄭張 琦君玉撰

六言絕句

不寐三首

幽鼠響穿覆瓦白月寒帶初霜詩成玉枕人瘦海入銅  
壺夜長

矮牆微照螢火玄狷入偷柿霜剗印去腰已久老懷挂  
世空長

殘燭三更黑蕊白齋四壁玄霜口論庾廩虛實腳揣衿

白齋竹里詩集 卷二

一四 朔叢書  
約園刊本

禡短長

答俊上人惠竹二首

靈根過江三里淺碧遮山一重風靜幽藏孔翠雨來寒  
翳僧鍾

山客爲人性別風篁與俗孤睽二君相逢世上千載同  
歸水湄

別真一上人

淄塵路上不遇猿鳥羣中偶逢白首搔時斜日青山別  
後微鍾

四時雜詠四首

蝶入梨花無色鶯過青山較黃老眼不宜繁富新詩彫  
落齊梁

林邊偶饁田父池上閒呼鷺雛十日閉門坐爾荷錢大  
似盤盂

黃梁作飯秋熟綠橘搓香野歸對月穎頭神健下天鵲  
頂毛稀

夢魂杜陵詩史歲月黃公酒壚舊曆纔看大雪高挑又  
換新符

東齋竹里集

卷一

二四明  
約園刊本

四時詩四首

煙橫柳眉玄思津動鶯喉好音半晴半雨路遠三月三  
日春深

催詩最惱山雨畏暑偏依澗花畱客樽開今夜問天涼  
在誰家

秋來倒覺多趣社散童孫醉扶籬下不栽杞菊門前只  
好粉榆

天底平野年暮巷入梅花路橫白髮辭人太驟青山對  
我多情

白齋竹里詩集卷二

白齋竹里詩集卷二

三四册  
約園刊本

白齋竹里詩集卷三

明鄭張 琦君玉撰

七言絕句

雨中出郊

魚龍江上正飛騰，竹里歸來笑不能。  
別有好緣生眼底，水明雲白一船僧。

沙村卽事

夕陽微月映新秋，曲浦斜江竹外流。  
絕似曾遊夢中路，沃洲西去倚扁舟。

白齋竹里詩集 卷三

一四明叢書  
約園刊本

四月苦旱不寐

夜電引雷雲壓城，燈花不合太分明。  
日來老耳愁成聵，誤聽鬻聲是雨聲。

唐子畏山水畫

蠻天梅雨雜江湖，五月青林未可樵。  
泥白草深歸舊隱，一支山路入中條。

梅花扇奉寄大閣老蔣先生

己未塵主

梅花滿地讓高風，天上人閒又不同。  
澗底束薪人未寐，聽香三繞鶴籠東。

悅茶

壺汁雪中無此美悅茶孤夢繞鎗飛直尋陽羨山頭路  
春月生時負擔歸

迎神遇雨

斜陽柿葉雨沈沈  
旱蓋黃幡不稱心  
十二街頭簫鼓溼  
海神歸廟瀆江深

夏卿畫竹

尋僧江上入秋雲  
不意雲中遇此君  
畱得百年詩骨在  
十分我瘦竹三分

東齋竹里詩集 卷三

二 四明樓詩  
約園刊本

輓江先生

詩曲江山空復情  
孤城曉鼓送殘生  
玉孫面目如前否  
淚打春樓夢不成

小仙曉色畫

曉色初分畫者稀  
吳生醉墨入玄微  
千村萬落月猶在  
習習雙鳩出樹飛

大雪

千峯雪片大如盂  
爛煮羊肪滿地鑪  
誰肯朱門開一板  
野橋西望有僵夫

題王從善南遊卷

德公鄉里亦升堂鼓篋雲山問道忙  
浦附梅風南國路萬龍聲裏到襄陽

虞節婦

眼裏衰姑腹裏娘百年聊寄夢中身  
莫將欠死勞饒舌萬古程嬰有幾人

梅雨感懷

千家礎溼雨如絲茉莉薔薇正及時  
七十二年張大士斜陽白髮對荒池

偶成

半醒半醉倚繩牀枕石江樓水氣涼  
荳莢筋長瓜杵大滿天秋興到南莊

月鷲圖爲陳萬南

欲上青天夢不稀雲川葦澤未忘機  
隔江夜冷沙鍾早起逐秋光月裏飛

山堂

馬前一鶴伴予還萬卷圖經又未閒  
獨喜年來堪自大曲肱無禮對秋山

靜聽秋聲卷

秋聲先到翠山堂六尺孤幃未受涼我愛靜時天不靜  
半天急雨抗斜陽

搗衣婦

冰霜入澁不柔勻萬杵邊頭聞不聞二十年來辛苦手  
定無春筍付還君

與陳萬南飲史端仁宅

三春別路梨花雨五月歸來稻穗風二十年前郊與島  
一時歌笑落杯中

秋光

數行白鷺雪爲衣雲葉蘆花作陣飛添箇秋光迷物色  
夕陽無處喚鷺歸

閒居十二首

酒費猶將鶴料分竹房幽靜窄如裙高秋老興無昏晚  
暝撥江船夏寺雲

一縷晨香入眼青猛然撥筆注茶經兒童階下管閒事  
來報鄰翁醉已醒

不爭某道懶彈琴臨帖觀書偶用心新水鷺黃三百箇

門東流過似山陰

高簷昨夜雨如江日出池晴竹一窗金鯽與人相狎慣  
亂遊波面復成雙

眼看舊史爭閒氣身約幽人負好期寂處有喧渾不覺  
竹邊午馬齧枯萁

門前小雨罨輕埃江上晴山帶薄雷我鶴比凡高一格  
茶煙生處卻飛來

歸來一片靜中緣木石同堂或坐眠點檢世閒誰得及  
只多麝鬢不如禪

白齋術里詩集

卷三

五

約園刊本

山乘木屐水乘舫綠柳門前略似陶客亦可來無大嚼  
黃雞秋壯一拳高

面江臨渚畫開門此是東城第一村社醉歸來雙袖墮  
櫻桃滿地引兒孫

一飲還堪盡一升酒邊萬事不相能春來但覺詩神減  
夜半烹雞祭少陵

買鳥曾祭詩神

好酒三杯粥一盂數莖頭髮下千梳明燈矮屋松油氣  
看到人閒或見書

山客敲門不肯應青藤倚壁坐橫肱秋懷萬里誰知我

天目孤雲鴈宕僧

高橋

甌越曾行水日東赤欄橋道過丹楓三年一別纔回首  
往事悠悠入畫中

秋日墓下懷恭人六首

夫人地下嬾開口蟋蟀草根饒舌鳴落日秋風雙袖溼  
斷腸禁不到清明

猶憶烘鑪酒半盃夜窗讀苦慰寒儒此心私語無人問  
月出墳頭叫白狐

田澤竹里詩集

卷三

六

四明叢書  
約園刊本

舊事新愁過十分殘生兩腳寄秋雲回頭猶愛芙蓉好  
一朵秋光薦小君

秋草茫茫入化城上天無路乞生靈張鷟又欲尋消耗  
不道人閒葬女星

君逐飛花泣斷魂我如病竹倚僧門五年一別路猶在  
不肯歸來看子孫

辛苦蘋蘩四十年疏裙大練入秋煙平生話語還堪記  
野草西風問木綿

具慶圖

親老光陰比尺璧子如持璧以臨淵君歸合禮東華拜  
更乞高堂數十年

盛水採菱舟

閩閩門前水半城採菱船去月如鏡禾漂黍爛無消息  
明歲農夫學種菱

杏雪二首 二月二十日盛雪家有杏花落滿地

昨日雷聲今日雪紛紛滿地可憐花行人滅頂寒如雀  
十里前村無酒家

經被春寒曉下牀半天微月雪爭光杏花無賴猶尋主

百齋竹書詩集卷三

七 四明叢書

約園刊本

燕背殘紅入院牆

梨園教曲畫

梨花千樹雨初收大內春風不盡頭新製樂童音調溢  
教他依舊唱伊州

送蔣生歸丹陽

昔年文彩欲茫茫瓜果相逢野殿香茉莉正開薔蔔謝  
百花共我送君忙

二月舟中見梅因折枝

東風鬪客卻相遺蜨子扁舟載汝歸尤物必爭藏不得

野鶯江燕逐人飛

竹枝詞三首

桃花零落柳花飛從此烏雲入鬢稀  
舟楫無情天澹薄載君歸去未曾歸

妾家住近蜀江頭苦竹平蕪人易愁  
燕子今朝飛社雨郎船何日到開州

自古人心起浪波知君別後意如何  
妾腸只有相思曲還比巴江曲更多

夜夢會夏德樹同作

百齋詩集卷三

入園刊本

二月新林花滿枝攀山蹋閣遠相隨  
老來氣候尋常準海上潮生正有詩

苦旱

白日青天眼角枯雷門不響鼓無枹  
官司誰抱肌膚切漫爾虛文出祭雩

靜齋

圓圈動靜互爲根須向乾高識厚坤  
茶竈不煙春火伏鳥鳴竹響正開門

掃地

有疑未盡看書功，敝帚翩翩落葉中。直要空來求一睡，殘書擲地帚牆東。

風雨歸村

昨日微晴入出村，今朝花柳欲銷魂。雨喧笠子歸猶晚，可待春潮夜打門。

輞川圖

輞川莊下多漁屋，船外雲光柳外沙。可是胡雛有羅網，編魚味美不還家。

空舟

白雲墨葉

九四冊叢書

約園刊本

破楚攻吳事了，還便將舟楫做空閒。有時問渡風波急，船在浮萍若箇灣。

寄林汝桓

夢裏依稀是昔年，覺來人在五雲邊。問予老格今何似，春月秋藤一病仙。

草堂

寥落川流舊草堂，開門正對杜陵莊。江村早晚無占候，只試風簾影短長。

雪舟湖夜

官妓紅妝擁下船風流猶記十年前老來骨硬無人愛  
一簑孤篷看雪眠

詠猿

從來遷客怕猿愁落月空江榕樹秋何處聽之最垂淚  
夢回篷底過巴州

月林

石林風葉不黏泥片月長光下白霓夜半衣裳綿葛換  
新寒初動鶻巢西

曉起

自蘇竹里詩集卷三

十四明發書  
約園刊本

獨立山前半似僧數莖詩骨峭如冰忽看乳燕初飛出  
觸落薔薇露一升

寒月大海

寒月白似白玻璃秋毫滄海照無遺此時好結神仙伴  
去借東方赤鯉騎

春詞十二首

酒堪剛制不禁詩燕惑鶯狂未靜時老筆年來愛莊整  
茶蘼影裏畫烏絲

幽人獨坐烏雙呼物我觀來不大殊行蟻上花多意氣

伍中誰是執金吾

愁結強胡酒用兵相持三月未能平不如兩物都忘卻  
散漫春窗鳥一聲

獨語流鶯奏樂章梨花葉底酒沈沈百年已割半生去

一歲無如二月長

春懷欲起聘東風破病還須醉有功舊日酒鍾今在否  
作書爲我問黃公

野芳能作自然香遊絮高飛春日長聞說東鄰纏十萬  
揚州千里乞花王

東坡詩集卷三

十一

四明叢書  
約園刊本

城上春雲壓遠沙君騎白馬向誰家疏星短燭無人語  
應有空階暗落花

風窗讀書花片紅拂去還來亦惱公老眼何曾牽句讀  
數行直下曲肱中

桃花面頰上紅潮巧笑何人問寂寥安得祓愁千丈帚  
日纔窗外種春茗

曉月流光過海棠池邊初日已蒼蒼遠書正好逢春寄  
水面遊魚尺五長

美目清江春出行白雲承襪曉盈盈閉門要學木居士

黃鳥相呼坐不成

乳鶯啼過柳枝低江雨晴來草葉齊九十日中無好醉

落花如夢到棠梨

得氣春蟲篆壁遊感時黃鳥說新愁我將定性書當枕

飛過楊花不下樓

湛一卷爲朱僉憲

一疵不著臨秋水風掃煙雲別是天指點此時真氣象

直須三月不違前

秋成

白雲竹里錄卷三

十二國朝叢書

約園刊本

五月今年不糶新土場秋穀大如塵夕陽伴月藤蘿外  
歸路村村有醉人

觀刈稼

細雨晴來不溼衣雲黃水白正斜暉豐年猶恐多狼籍

坐看見孫拾穗歸

滕王閣

都督張筵試綺毫東風帆似挾鴻毛滕王高閣秋雲上

童子來添一半高

文徵明山水畫

天外羣峯入紫清中間有路少人行江深草閣潮如客  
早晚相過不世情

二子觀圖

十日江頭酒債除惱人筆硯又圖書百年盡爲形骸累  
未信人閒有隱居

美人侍硯

一寸春光一寸金幽詞長句墨花深蛾眉未必同生死  
相對新蕉不放心

沈邳州紅白二色畫菊

自齊行異譜卷三

十三四明叢書  
約園刊本

西施粉白太眞紅秋色爭春亦自工博浪沙頭風凜凜  
甯侯面與婦人同

杏花巢鵲

三日營巢聚疾藜烏鳶便欲奪高樓東風早晚來相管  
吹上飛花補爛泥

扇景

勝事自知長獨往白雲無憶偶同游山中花落尋常物  
萬里乾坤挂杖頭

明州歌五首

山入關門海入州海中白蜃吐高樓公家政簡民安作  
細雨斜陽歸飯牛

扁舟白髮菱荷香人指前頭賀監鄉西去洞天還有路  
人家兩岸種昌陽

斥鹵青陽滄海濱扶桑隔水是文身孤城野市無風雪  
畫鼓朱幡迎早春

日來海上靜無波越舫閩檣陣陣過八月江頭看水戲  
紅簾垂地倚青娥

鴨欄初曙小晴天出海春雲半是煙桃花渡頭人未動

百齋集詩卷三

十四四明叢書

約園刊本

野鷺飛上賣魚船

棟塘詩

棟塘仙土在凡閒野氣春陰水一灣小艇不量輕與重  
晚來撐出載青山

藥莊

醫仙種藥如栽玉疏水分畦日日來更欲門頭開一路  
小篋南去採天台

敲枕面山小圖

樹臥溪流人偃石野虛涼雨入脾清手橫一部南華子

山轉斜陽字字明

畫馬

千騎萬乘出祁連百戰何曾滅右賢今日歸來皮肉長  
桃花細草苑牆邊

一默爲林本聽

鶯啼座右燕窗東居士無言木石同最有哦詩禁不住  
遠攜聲響到山中

贈柳卿仁甫席上

柳卿歌處作朝陰畫棟無塵地有金太史樽中多別意

自漢竹里詩集 卷三

生四明叢書

約園刊本

黃鸝飛過綠江深

舟中題畫梅扇贈安卿

雪月光中覓未真玄雲影外獨精神紙閒一管凌寒筆  
不與雷同畫好春

自述

白齋老子解蒲符竹里歸來別號呼辛苦一生詩句在  
眾中誰合做於菟

南莊偶成與嘉遇

夜撥魚罾朝出耕漁農兩路是平生阿翁樓上休呼醒

方與白雲眠有情

書竹泉卷

有雲長覆泉頭竹無日不流竹下泉巢父歸天一千載  
今人又到此溪邊

題畫有感

千秋觀下水入田木落秋晴山近天賀監宅前鷓鴣路  
酒缸歸去夕陽邊

朱端山水長圖有感

已把東山作急圖水飛雲動與神俱千峯萬壑啼黃鳥

白齋竹里詩集卷三

六

四明叢書  
約園刊本

待我歸來借一隅

七峯圖

七峯尖峭似陳兵江外諸山合與爭天地年來愛藏用  
淡雲微雨不分明

山人觀畫圖

野竹新泉入肺清圖經到眼正分明山中雲氣無長好  
前手陰來後手晴

沈周雪山騎驢圖

詩家天地不知寒十月騎驢度七盤深雪微鍾山欲午

千峯猶未見長干

吳偉畫圖

秋水長天一色如小仙分割借吾廬斜陽紅葉閒畱坐  
推過儒書讀道書

苦寒曝日小山偶興

羣峯透雪似攢笈桃杏衝寒欲破膚草坐莫教人喚起  
半牆初日照東隅

鄰春

萬杵鄰春月未低夢回聽處雜霜雞人生衣食相驅使

白齋符里讀

卷三

十七

西明叢書

約園刊本

不信牀頭有茯苓

鵬瀾爲陳柬之

曾聞九萬說南圖茲事從前信有無我欲勸君尋道體  
碧瀾深處下工夫

種竹

何可此君一日無對君忘爾又忘吾只今意味誰知得  
落日微風舞醉鬚

自吳回麤述

心到苦時形便瘦腳從迷處路方真白頭海內收遺藁

也有三分嫵媚人

睡鶴

春夢無端遠八溟白雲鋪地草青青醒來自計無多刻  
未了黃庭一卷經

夢中次唐人題張主人壁韻

腹有瞿塘地有金相逢對面藏高深張氏主人我同姓  
七百年來無此心

書月潛上人卷

高邀惠遠伴枯禪一性空來似鏡圓三十年過清淨眼

東溪竹里詩集卷三

十六

四明叢書  
約園刊本

何曾水底避嬋娟

蒲中一本爲方約之

江沱有水岷峨出中古分流作兩川正喜同堂盡春醉  
刺同花發又開船

幼孫方晴旣亡庭中榘一華隨以落瘞於根之旁

輒開一華就實可愛天意似有存也喜而賦之

孤榘非是木之災冉冉紅肥入眼來應喜晴孫魂不斷  
遠從合浦販珠回

呂仙幻意圖

神仙欲語誰堪語城郭曾來今再來東老銷沈無碧眼  
兩環空挂夕陽回

不寐

襄衲孤眠何處村夜深飢犬吠遊魂冷懷欲出尋僧去  
寒月斜光未過門

飲舟中書陳新之扇

虎丘山煙晚作紫虎丘山花嬌起舞措笙落簫都不鳴  
坐上微聞白雲語

寄語盜酒客

癸未四月一日夜人入盜酒

自蘇符里詩集

卷三

十九

四明叢書

一約園刊本

綠醕春香賽碧波忽煩吏部夜相遇臥教守者毋驚逐  
我盜乾坤酒已多

送陳柬之之廣右

高鐙夜雨正堪開白髮青山又送君嶺樹不能遮望眼  
直隨飛鴈入南雲

卓文君

畫屏深處夜黃昏孤鳳鐙前欲斷魂琴語求凰誰解得  
獨分明是卓王孫

龍宅爲陳清之

潛雖伏矣不終藏抱子眠龍夜夜光海若最知消息事  
問渠頭角幾何長

夢泉爲陳新之

天無煥寒無雨霽竹裏流泉四時至夢操几杖往從之  
月落鷺隨孝鳥去

遊惠山二首

龍口飛泉出洞靈薔薇花白野鳧青道人亦有登臨興  
歸買春山放草亭

惠山泉水壓吳天煙月空過四十年今日與泉如有約

白齋竹里詩集 卷三

二十四朝叢書

約園刊本

又添幾道寫新篇

贈李川父

十萬胸中小范兵西來筆陣海爲清烟強亦有髓髀子  
未肯公然棄一城

海棠

東牆西院正春寒露下新華溼未乾絕似太真眠不足  
枕痕畱與上皇看

送包子木會試

曉鼓嚴霜人欲行龍飛白馬出孤城縱橫春墨三千字

明辟當天待長卿

鵲鴿圖

卷焦荷葉半含青一段淒涼付鵲鴿蓮子雖多本同蒂  
殷勤叫與魏文聽

風雨泊黃岡涇

船隨歸燕入黃昏楊柳江南到一村行傍人家求夜火  
東風亂雨不開門

送朱太守朝章

門外槐根五馬催青山舊宅似行臺身名未了乾坤債

白齋荷里詩集 卷三

三十四明藏書

約園刊本

魚鳥紛紛入夢來

過崇德

舴艋西行入市中三杯魯酒不禁風野橋佳李逢人買  
兩手斜陽半面紅

白貓

白貓不啻白如綿春日初高雪一拳更欲冷開清淨眼  
石楠花外伴僧眠

聽松

丁固天邊只夢逢耳端今日是真松鶴鳴琴弄都不響

人在徂徠第一重

哀盲少參鳴和

舊紙長篇迹已空白榆青草路無窮行人怕打墳頭過  
落日新碑大夢中

雨中

時事感人渾欲迷萬家風雨滿城泥春深百舌無消息  
鄰豎門東索飯啼

枕上作

山中飽飯廢三餘老眼無光懶看書夜半不眠非有約

白雲竹里詩集

卷三

三三四明藏書

約園刊本

滿天風雨響櫻欄

半山

悟得功名是攬金回頭便減出時心黃狼引路無多遠  
已教人閒沒處尋

題畫屏二首

人間舟楫舳銜鱸畫販魚鹽夜採珠只有小家生意少

載船秋色過南湖

烏石橋邊白蕙香翠屏風下半年涼敢將打睡消磨過  
眼底書籤又夕陽

畫梅二首

見梅陡覺詩神健，別號當呼去病花。  
魂夢直隨三萬里，一枝瘦影過流沙。

梅不在地開在天，月光消滅半空煙。  
夜深要作遊仙夢，添箇詩人一處眠。

畫竹

與竹相交夢亦親，每乘殘醉到西鄰。  
今誰送得瀟湘雨，終日秋堂卻惱人。

晚秋鴈鷺圖

白雲符墨詩集卷三

三五四男讀書

一約圖刊本

鴻鴈嗷嗷集晚川，半如楚渚半吳田。  
夕陽滿眼無人見，稍似南歸得意天。

讀杜詩

少陵千載是吾師，稷契心懷汗漫辭。  
高燭畫簷親把卷，兩行清淚北征詩。

賀定海幕趙君壽六十

人看寡過正，遽年宦思雲情各。渺然黃鶴畫啼春，有力  
海桃開到石屏前。

答任躍之

白髮如今白更多山中遺我白雲歌  
老來音響難爲繼  
兩點秋池入破荷

白齋竹里詩集

卷三

三

國朝叢書

約園刊本

白齋竹里詩集卷三

白齋竹里文略目錄

雜著

重修太守岳公祠堂記

五柳圖說

見素林先生文集序

南莊小隱序

送黃元續之京序

存耕堂記

儒林贈言序

白齋竹里文略目錄

賀少司空李公六十壽序

重刻涵江書院碑陰記

義田說

毛文璧壽七十序

送潘伯涵赴麻哈州序

新修張氏譜序

送周時謙之任慈利尹序

贈李本元官醫學正科序

贈太守毛公七十壽序

春草懷慈卷序

重修徵君董孝子行祠碑

封恭人余氏行狀

先菊庵記

孫希尹字說

陳生柱字子立說

陳氏八子字說

賀何士貞新居序

送門人陳東之歸江陰序

自齋集卷目錄

東園序

慶包母七十壽序

送周仲鳴之任雲南序

贈李濟之僉憲廣西序

故進士歐陽汝璧輓詩序

送宗朝用之任山西序

新修定海縣志序

椿桂圖贈史公壽六十序

許謹之序

朱正之壽六十詩序

四檜堂記

送黃元續詩後跋

跋黃君所藏遠祖告身後

白齋詩集後跋

故小仙吳先生墓志銘

送屠君漸卿赴五井鹽運提舉敘言

馮宜人輓詩序

遺稿行實

自齋行實錄

目錄

封君張翁壽圖序

贈袁子繹序

代作三原太宰王公祭文

重立涵江書院碑祭文

謝兩祭龍文

祭岳公文

祭陳參政待徵文

來軒周先生畫像贊

自贊

恭人贊

見素林先生像贊

張先生像贊

瑞茄贊

回祥題辭

論詩

楓林家訓序

巖山一寄序

贈劉太孺人壽序

自齊里文略

目錄

書南濠文後

送孫編修詩跋

淚錦詩序

四

四明叢書  
約鳳刊本

白齋竹里文略

明鄭張 琦君玉撰

重修太守岳公祠堂記

蒙泉岳先生歷官館閣權倖落職成化初起守興化至郡不釐百度民卽康功凡所發慮多宏闊恆遠去纖而圖大今其蹟實咸可考見嗣吏茲土者囚之則彼革用弗順先生致政反於鄉郡之人思之如鄭之人之思子產立祠涵江渾塑厥象高頰而長鬚白面美目陽然肖似於其生冀若見之春秋稱秩而享答焉堂凡三楹

白齋竹里文略

一 國朝文獻  
約園刊本

軒其前中爲神位左右夾室以藏祭器階東西有廡可以聚立百執事之人門三重中門有屋庭中縱可十丈橫稱焉嘗詢之老長者岳及今五十餘年海平風休書災鮮少爲生民流福利到於今未已蓋民知報公公以是德於民然耳或曰公之才宰輔也不得彌綸贊畫於天之下而涼涼僅一郡之界故公所不盡發者有遺靈也夫不以彌綸贊畫於天下者天下之失其利也其所不盡發有遺靈者一方之收其利也河漢之水萬夫航之何水德之有里有井百家取足而日新曰我無是罔

以資澤吾生也公不利於天下而利一方則其爲利一方專之專則厚厚則悠遠所謂百家之井焉如之何弗思祠之宜也歲久棟宇撓腐茨瓦飄落垣牆裂缺無完堵中門傾壓可畏琦拜公夔祠之趨於壞也迺播告諸民曰願新公祠者聽旬日民樂助得錢三十緡募工修之彌月躍然麗廓然明居然壯若故無而今有者噫志氣所動乃遽有茲乎先是歲更守門一人今令人專守當役者敗其金祠之左有地十町蒿且礫發徒鋤治平其土爲垣令守者歲種麥亦足助其食祠去府治二十

白齋竹里文略

二四明叢書

約園刊本

里舊遣卑屬主祀事琦敬告於僚友曰公何如人神之陟降歆非其類哉後此我輩當躬之皆應曰然於是春秋以爲常祝辭則刻之碑陰云

### 五柳圖說

陶淵明去今千餘載史載其事詩傳其言高風清節代襲知之獨其當世宅里五柳故物蓋淪而入於荒不可見矣古今謂陶爲隱者予固知其欲有爲於天下隱去非其志也陶桓公拜八州刺史經營盡瘁以安晉室有孫如潛則欲避而遺危於國乎夫鴻漸之翼不可以當

虎步之風亦末如之何矣乃言曰悟已往之不諫已往者其欲爲之心哉欲爲而志不得行故見幾蚤作宋檀道濟嘗餽以梁肉欲有所薦達乃麾而去之則其志節兩存可知也予思其人好讀其書而又思其草木夫思人及其草木則彼巾車蕭蕭者曰吾堂在矣此五柳圖之所以爲作也夫

見素林先生文集序

堯禹咨俞成典謨出史官贊述之文中庸七篇爲予思孟氏所親作非其當時方言謂語粗發而成章遽若是

百齋書畧

二四 綱目 卷四

乎其懿也是故言者文之形也文者言之精也自夫問辨淺則見古之深習識陋則見古之粹條理疏則見古之密曰彼其時然而言然耳高視尙古俯視下處以爵之噪終莫爲鳳之吟逐流駛駛姑辭酬物於是乎望其復古以圖不朽難矣都憲見素林先生蓋嘗卑此曰載籍所書先覺之尊德行事皆夫人職業獨文乎哉是故修辭屬筆一切翦截陳言力欲攜今而還之古及既平蜀來歸私第嘗投子檢底使覲焉覆而益縝探而益深久然後有得論曰先生爲文自五經出入左穀序事如

杜預之溫詳記載如司馬遷之沈實採輯如班孟堅之該廣銘書如彝鼎文之峭峭短簡小墨如良工之玉歟得之皆可以飾簞簞而增華重然則古之文今之文歟范宣子自侈其先世爲不朽魯穆叔曰此世祿非不朽其在言之立乎雖久不廢先生之顯祖開始於九牧之賢歷帝王者五易姓而文臣學士滿天下范氏莫加焉先生無以爲也氣節勲勞海內聞之數十年蓋立德立功胥之矣言餘事也而猶如彼乎用情哉是之謂三有立焉是之謂不朽

皇朝集略

四明叢書

約園刊本

南莊小隱序

十有薄於世味相期於貴富功名之外出入與凡人同而人莫知其所趨加之若有指之則無夫是之謂隱自沮溺之徒出而後隱者之迹著迹著而其風始高士之慕悅其高而入山之野者始尋逐於後世矣夫隱非得已也而高之以立其門而招來者則相望成風天下將誰與辨哉予近歲來自京過廣陵高君憲之飲其廬因示予南莊小隱詩一卷而請予言序之予初疑之憲之有此亦將隱者之門欲往乎君朴情而古思墾田治宅

賦事獻功與齊民等聽其言施舍一一皆世間事然後知其爲託而隱者而非其真也故曰小隱云爾凡天下之言小者不敢以居之謂也而憲之微意不在四字之間乎高氏出齊大夫之族入唐宋以至於今未嘗乏顯者而其季父亞司空又當朝名卿孟仲之閒甲舉而庠遊者日眾而諸子讀於家吾伊之聲聞乎里第誰非出門而願仕者哉而憲之履此亦盛滿之會也識微君子於此有懼焉故憲之乃託而隱者非其真也於是作南莊小隱序

白齋竹屋略

五四明叢書

約園刊本

送黃元續之京序

事同大不汲汲於此愬然於彼者可與言盡性矣莆田黃先生元續以弘治癸丑進士入爲翰林編修居逾年文名迅盛一代典禮方將藉以參稽以毗興先皇帝文德之化此其忠於其上之性也念曰吾年盛而母年老爲忠之日長而孝日短迺陳以終養焉旣得請歸侍其母十五年兢兢不違其志母沒面深墨者三年喪而葬克自周以禮此其孝於其親之性也念曰吾君聖而吾年老爲忠之日短焉治裝將圖北而部檄趣者適至於

其門枉郡齋相別而酌之琦乃歎曰嗟乎夫匹夫之孝於其親有之矣是心勝或忘其君人臣之忠於其君有之矣是心勝或忘其親忘君失忠非孝也忘親失孝非忠也偏邪扞格齷性相爲賊且奚以立極經務不敗迺事哉若先生者可與言盡性矣

存耕堂記

予先世無隆產又不克商賈胥徒執權量操筭篋爲罔雙饜營之事惟沿習儒習役志乎善猶夫人之從事乎彼也傳至琦蒙恩受秩祿視祖產差進地亦可留子孫

自齋竹里略

六十四册藏書

約園刊本

耕矣顧予之厚畱不在是也夫自井田法壞民無恆產每以貧富強弱爲得失踐田而奪之牛者旦旦有之況而暘愆期或螟騰作災於其閒雖有負郭安得耕且飽哉惟心方寸地耳貧不得而饜富不得而賂強不得而取弱不得而予苟平正開治使夜氣滋息仁爲之犁禮爲之鋤義爲之銍智爲之圃則殷殷之藏赫赫之發天下莫加焉與其千頃之爲子孫畱孰若予方寸之畱之爲愈哉故告子孫曰吾遺汝者非遺汝土也吾心汝還也厚不厚罪在我子孫當曰我耕者非耕我土也我祖

考之心是耕也勉不勉罪在爾周公所謂厥父菑厥子乃弗肯播矧肯穫非吾存耕之意也非吾存耕之意也念之哉

儒林贈言序

市立之衡而四方之觀低昂者取平焉道述其長上之善不自士君子出之弗信也衡爲市之平君子爲義理之平夫安得參其私哉里巷之歌前史多述爲美談然怨德分而聲音殊終非義理之極莫若是編之出我君子之口也鄞令長丁君邈將有遠行報政於朝儒士毛

貞齋異略

七十四朝叢書

約園刊本

君瑛陳君鵬霄十數輩不能悉於去君也序爲文揆爲古長篇或寡詞短句皆能黜醜駸鏘鳴玉有以發其華而不遺其實他日執政者或得於見聞夫庸知其不以斯言作之衡也歟

賀少司空李公六十壽序

辛巳四月聖天子入嗣大統播告天下與之更始爲維新之治萬方臣庶遠邇小大罔不拱手頓足以相慶時少司空董山李公居閒數歲未嘗以憂樂忘天下而覩見斯時其爲情宜何如蓋視凡尤異也六月十一日爲

公生辰計甲子一週之會猗歎嘻哉不偶然耳友執黃先生存吾輩屬某敘言以奉賀自惟受知於公非一日也安得辭嘗思公蚤歲朗秀清溫文思豐敏可畏旣而科第絡聯以起累官雲司陞京兆副尹遷卿光祿尋拜中丞進少司空所至皆憲憲有令績會逆臣用事見幾謝以歸時髯髮尙未白也及今六十矣古者當國多老成耆舊之臣六十豈遠身之日哉公乃進以禮無所用志於出日稽典禮爲著述暇則招所與遊以詩酒相從事不知老之將至焉昔司馬文正公居洛十五年與文

潞公諸人爲耆英之會是時文正之齒獨未及後起而入相以成元祐之治行業功名至於今有聞則其所以爲壽者曾少減耆英諸老之列哉公居鄆與文正居洛迹亦相似也今天子聰明神聖願治之志勇於元祐之君興賢舉廢欲俾在野無逋遺元老又非止其當時之人是以知公之行業功名必有以壽於國無疑也公明志以持謙雖秩在上卿恆與鄉士齒而不肯相先古人所謂大成若缺者是也有子以文雄時卓有所進取隱隱爲將來之慶則所以壽於其躬者又安有盡哉壽於

其躬者眾人之偶同壽於其國者君子之獨盛蓋竊望之

重刻涵江書院碑陰記

載記孔轅不南往春秋閩域未華通而涵江之有孔其附疣不足信歟然某得見晦翁跋辭乃知李唐時宣尼孫孔仲良者爲莆田令歿於官子孫畱焉莆有孔則此始也宋理宗朝守臣楊君棟始爲宣聖宮表請得御書涵江書院四大字刻用木碑之迄今三百餘禩碑蠹將就仆跌石亦侏缺弗堪以銜某歎曰惜哉碑荒孔寢無書者摹焉工刻之

白雲竹里文略

九四期藏書  
約園刊本

義田說

井田法壞而世有貧人君子可與立義矣義田立義之端乎載籍所書振窮恤匱君人之政乎爾義田行於臣民不聞也有宋范文正公一行民到於今稱之嗣范無人焉而僅見於今恕齋高子然高子單然起儒生秩大夫之祿量所入未術而慨然行之不疑嗟乎范參大政

而其子忠宣公復登百揆何啻十倍高子哉孰難孰易  
有不足辨夫必待其易而後行噫吾見宗黨親戚貧而  
釜不沃者多矣師其心不師其迹用其情不用其力多  
寡廣狹以時爲地高子所以爲善學范子者歟

### 毛文璧壽七十序

成化閒予與毛君文璧皆以書經赴有司鄉舉累失利  
遊學吳會與居鄉爲平生之交至弘治中予始入論列  
忝科第既且薄宦南北及致歸二十三年於茲矣先是  
趙君文升孫君允防章君彥純四三輩亦相友善獵藝

### 自齋竹里文略

### 十四明設書

約圖刊本

文無虛歲允防文升繼登鄉書而彥純與君獨淪滯今  
諸友後先皆物故而踽踽惟君與予在焉歲庚辰十一  
月九日直君生旦而友人楊君德成先期以賀篇見屬  
蓋予方有感也惡得辭夫難得而易失者時也至高而  
難詰者天也君惠清易諒文字論議風風乎引手可成  
章嘗記新淦李公維揚朱公爲吾寧守令時皆加獎薦  
出凡格之外而竟沮不進乃歎曰已哉已哉人皆如蠟  
燭之易甘而我獨射石之難入亦命也於是退而鋤瓜  
種樹遵養以自晦若將終身者天其罔加意於斯人獨

忍恣然乎哉譬諸草木區類別焉然其大細長短各具  
一太極以爲終始大且長非有餘細且短非不足也又  
況造物者恆寓損益之微於其中乎且天於人之壽爲  
至吝貴富時榮多所不惜此其權衡在天世或不能察  
而予於君獨有占焉耳人之壽以百年爲概七十者曰  
良之離矣由七而望百果實熟而未墜之時也君能以  
德善充其體根以謹節護其枝葉以靜終底其風雨至  
於果實墜地草木之道全矣夫觀物以知人觀人以知  
化可與論君之壽也將謂堯言不足信也歟

自齊吳略

十一 四明叢書

約園刊本

送潘伯涵赴麻哈州序

上虞去鄧二百里君子有聞不及輒相逅恆歉焉去歲  
爲正德辛未予由大理寺正領守興化人曰興化文賢  
大郡也難爲守憂之人又曰上虞潘君伯涵今爲郡推  
君往有協也余始釋焉迨至郡相見甚喜君亦以鄉故  
遇予日諄諄疑政相稽心智資以明旣默以自慶也時  
少府李君某恭而敏參府吳君某愿而詳而君在推位  
慎而炯余處三君子之中獨疏鄙焉敏莫如李詳莫如  
吳炯莫如君然而脫於道有聞不多得罪於羣黎百姓

君子不吾力我將能哉壬申八月庚戌邸報至以君出  
知麻哈州麻哈在今貴州西南鄙利躬者期不入眾爲  
君難之九月壬申戒行余與李君吳君舉酒進謂君曰  
遠行得無不懌乎君起醉大斟濫飲浩氣而昌聲曰嗟  
乎先王建邦啓國五服縣其疆各用治之師長天有遠  
土君無遠民奚在而不欲生之麻哈屬今天子之區則  
其人吾人耳矣遠而化或不能逮塞而風或不能流是  
故以王官尹之意蓋有所付而責之難耳吾得有銜乎  
中哉昔余以御史居內臺出按全吳吳爲今文物阜寧

自齋符里志略

十二四册藏書

約園刊本

上國以拂執政謫於閩閩又產才茁靈名方而興化推  
尤吾旣皆臨焉荒遠弗至則知國豐繁而莫知其索落  
知國聲華而莫知其蕪鄙亦學者闕識而寡由且何以  
敬告天子溥文德而臻殊軌哉我行矣尺蠖之屈信不  
億焉余聞之曰壯夫子哉無不懌我固不足與測也復  
飲飲醉以別

新修張氏譜序

張受姓出黃帝之後入周漢閒而族始著後此益蕃弼  
臣智士彥聖師儒相望乎史籍而各祖其所自興而張

氏之爲譜者維然矣吾族譜逸於有元之季遂莫得其  
眞聞先君言昔有仕宋從高宗南遷因家慶元之鄞今  
鄞張氏凡數族而皆非吾所同祖嗚乎自鄞有張氏纔  
四百年爾而其族且莫之辨況於遠稽乎故無譜以志  
世焉不可也樂書之善不能淑樂盈而衛狄之輩皆顯  
於自奮使子孫不類祖亦如我何哉故無譜而必欲他  
求不可也吾家所存先祖由十甫君而下至琦爲第六  
世故琦所修新譜姑自十府君始書所徵也子孫百世  
不替引之蓋未爲終憾焉琦又嘗聞之先君曰鄒溪吾  
族也鄒溪出知白之後先伯父工部府君已嘗與講世  
而一會集矣歲久復廢琦也方欲更講之而庶有緒也

送周時謙之任慈利尹序

孔子稱才難釋者曰才者德之用才固不倚於一優也  
周制六行六藝漢舉賢良文學安定胡先生分經義治  
事之齋觀諸子體用以難才也夫然後明揚四方以學  
著者不虧政以政顯者不歉文是故名當時而聞後世  
士固獨才其文哉臨海周君時謙舉辛酉鄉薦乙丑授  
莆田學諭至莆莆庠弟子恆三百墨從型化咸和而齊

再科凡得舉子十五人進士二人視前躍其數有自隆也當道薦而獎者二三至顧出於倖求哉及今夏陞湖之慈利尹眾爲喜君色靜而安與羣僚拜揖於閩所轄鉅公之前數日未已也夫學優者持其博語政則詘政優者騁其幹語文則沮詘則憂沮則困惡在其爲才也君始爲儒官曰儒官吾職也講議傳授不失其旨而已矣遷爲政官曰政官吾職也又民阜物不失其安而已矣去之若本無來之若固有肯爲外加者一動其中哉孟公綽爲趙魏老則優不可以爲滕薛大夫黃霸守潁川治行第一入相則功名罔攸聞二子者豈其善老而習潁歟不能擴充以盡其才云爾有台爲吾潁東南巨州赤城山水納金桑方壺之氣逸哉先覺又有若方陳諸公皆以道鳴其鄉將不有聞其風而興者乎誠有聞其風而興則才又不難矣豈孔子特爲周臣發歟

贈李本元官醫學正科序

章服命人之有德術業顯諸人之才民始有不安其凡矣帝王之亡爵無定錫朝伏於野暮則取而庸之短褐窄幅歸然化爲冕裳之貴士甘以凡民自終哉後世尊

科目擢文場秀率三歲一舉十舉不售條焉蒼衰智者  
不待至此而後返也李君本元脩淡清溫業舉子克勤  
而緒謂宜前禽之將無失也三發而不獲於是囊書椎  
檠歎曰嗟乎命與文仇怛怛若是哉迺出就應天醫學  
正科醫學亦冠服之會士奚損焉人之言曰不爲儒則  
爲醫醫其儒之試也古之君子微臣小宰不恥爲之期  
以自別於庸人況肩儒之官乎且夫列鉞陳兵高居師  
帥之堂非不暉然大霍然光也而庸中不學行事無聞  
人將藐之亦於此何觀焉本元儒生耳稽古平物於寵

白雲行墨之略

十五 四明叢書

約園刊本

辱得喪蓋將默運而徐定之矣孔子曰官先事士先志  
夫心之所之謂志志立雖出此入彼不失爲懿惡在其  
格制拘哉李氏遠祖出唐同姓之族歷宋元閒高明輩  
出而平元綿其慶不落春秋趙孟爲世祿之家居然而  
削物盛故耳本元薄仕不嚮乎時榮後其將大莫測焉  
盈虛隱於天人之微誰則知之乎吾故不以言於公卿  
之門而爲一醫科云爾本元以爲何如

贈太守毛公七十壽序

太守毛公士脩是歲入從心之年門中諸從昆輩以子

友毛君文璧屬賀篇於予蓋公嘗與予言欲有尊命諾之茲豈得辭序曰夫陰陽寒暑變而道不渝是故在天爲有恆夷險進退得失異而情不殊是故在人爲有恆恆者久也久有壽之義焉予初識公端齋清美羣居物色望之可敬曰此其人必養者充焉成化甲午公舉浙江鄉薦會試南宮失利既而抱玉回者屢屢文益進氣益銳而無歉容曰此其人必守者定焉天官卿察公遠器奏天子倅湖廣荊州府居九年亢而不激政平而惠溥荆民順治吾又曰此其人且必服大僚焉然君子可

以觀其格而不可以觀其心公再疏乞致仕得請進臨江府知府以歸歸且十載矣其充而養者守而定者前其人卽後其人無少易也此爲有恆何如而悠久之道不占有孚矣況夫天地之氣有常數虛所以補盈也消所以益長也盜諸豆而區則繼焉濫諸釜而鍾則虧焉理必然者公也目明齒完志慮未衰而蚤爲之所且復進德樂善以答神貺此則世不知而公自知之天亦何假於言哉蓋今之有餘充其昔之不足也蹇然空谷永其長廊之音也煙舫雲藤遠其乘馬之塗也賓客壺樽

之集川吸而未已矣者曷甘公餽之不可久也是爲序  
春草懷慈卷序

僚友永康程君瑞卿生十五年而失其母夫人某氏今  
二十年矣嘗與某言曰吾母見銚總角而不及見冠且  
婚知銚已能讀書而不及知忝科第入仕宦幸吾父高  
年無恙而母獨背歿不得共享此升斗之入故每讀孟  
郊遊子之吟則涕泗不自止因撫其末句之義題曰春  
草懷慈既已乞圖於陳君惇賢矣子肯費一言爲我張  
之乎嗚呼予以此歎瑞卿之仁而悲宰我之無是心也

白齋竹里集

十七四明叢書

約園刊本

宰我曰舊穀既沒新穀既登鑽燧改火期可已矣推其  
意以爲人子之心隨時物而適往則小祥之外其皆騷  
虞之境泰然無所用感之時乎莊子曰哀莫大於心死  
宰予之心死是以如彼其忍也瑞卿背其母至於今幾  
新舊穀之更哉而眷眷猶如此蓋曰草春生之也子母  
育之也草不能答春陽之恩而子無以報慈母之德其  
爲情一耳其心固不死也迹以爲圖圖以存心則春草  
之爲懷未至於沒未已也夫人心每患乎無所感觸有  
所感觸則天知天能油然而發勃然興矣而不然者槁木

之不植也宰我之不靈也非孝子仁人之心也非孝子仁人之心者尙得謂之人哉

重修徵君董孝子行祠碑

古者凡有功於民能禦大災則祀之能捍大患則祀之祀必有祠延承於無窮禮也乃若仁人孝子之有祠爲之宮宇立像建儀而歲時祭享之不闕者亦禮歟然天下之言德者必於性而天下之言功者必於德孝之德出於性則其所以立極興教淑人化俗者孰有加於其功哉然後知孝子仁人之當祠百世俟聖人而不惑矣

白齋竹里略

大十四明藏書

約圖刊本

案舊誌董孝子黯字叔達後漢和帝時人世居鄆邑幼喪父獨與母居篤孝養母疾思飲大隱之水遠莫之致於舍旁鑿土埴得泉如大隱味奉之以進母飲而康比鄰有惡子王寄之母以黯孝諷寄寄疾之伺黯外出毆辱其母死黯悲痛懷隱恨不發俟既葬母及俟寄母死且葬乃斬其首祭於母之墓自陳於官奏聞和帝詔釋其罪旌賞異行詔拜中郎不就後歿封純德徵君卽其故宅立祠祀之歲久祠壞唐大曆中刺史崔殷一嘗修之至皇朝洪武初加封命有司每歲六月六日用特牲

致祭焉且古今人同此性雖不能爲徵君事而景行服  
念徵君者無不然也特天下知其孝而眾善之備或所  
未察耳夫殺讎報母是其發於義也葬而後舉是其合  
於禮也又俟讎之母死而後舉是其盡於人之情也自  
陳於官請死是其奮於勇也封拜不就職是其出於介  
也一孝立而五德盡焉在大賢君子以上所或難況求  
之凡民之間哉徵君蹟實漢史失其詳而見於他書可  
考事覈足徵非若眇幽荒昧惑世而誣民者此廟祠之  
舉脩天理之宜也詩曰天生蒸民有物有則民之秉彝

百齊里略

十九 四明叢書

續圖刊本

好是懿德其此之謂與甬東里舊有徵君行祠正字三  
楹居其神後有寢室湫隘溼陋日就圯里之善人張琰  
周瑛率同志者募財及人力圖新而廣之乃從舊宇之  
前創爲穿堂又衝爲屋三楹又南築甬路直抵通衢立  
柱石爲門又南跨水爲石橋皆鞏壯可久興事於正德  
元年畢事於嘉靖元年予亦里人也方虞廟事之向廢  
無所爲力耳得二人者有是舉敬樂道之予也不在秉  
彝好德之中哉

封恭人余氏行狀

恭人姓余氏諱淑清宋余襄公之後家世清白族眾頗蕃先從姑爲恭人從伯祖母後稍疏遠不相通好間成化乙未姑之子衡於予爲外兄見某家中衰而嗜學媒於恭人之祖父成我婚姻恭人天資幼成性靜而多慧聽聞其兄弟講讀輒能記且時致詰中機察眾女中服其能雖衣製尺度必就考問乃始刀翦初某聘期近城中有富民范姓奪婚亦欲以是期交幣翁志惑焉恭人女質畏羞見事迫微言謂其母曰無輕棄儒生業既許不可改也翁竟止後歸某同甘苦奉某父母煥先霜露

自齋街里志略

一王四朝後錄

約園刊本

餐不違晨昏月朔忌旦清明寒食之墓祭或蔬殺熟而薦新先期憶之不一忘及期必勉盡豐潔力不及乃就約耳某性鈍恆夜讀書至二三鼓五鼓復起織紵以相從未嘗先寢見寒苦每熱盃酒飲我無滋味雖薑果取齏之以相慰藉不知家之費與其身之勞且勤也某登弘治己未進士拜南京大理評事由北而南恭人攜子女皆從焉寺職司平反要囚有不安者或歸與恭人言之閒有所得辯有偽造印信三人法當死刑部議成牒發左寺審予矜其陷於法太易逾日忘未決恭人問之

曰何獄也予曰假印罪死耳恭人曰銅鑄木刻之耶曰  
審以竹篋作邊中布置字畫恭人曰是不成印非堪行  
使遽問此毋乃不可予因覺之駭還三人果得生兒子  
輩嘗語及周興嗣千字成文何以作恭人聞之測曰但  
把平仄字分做各一韻可安排耳又聞講左氏敗夫以  
成父之謀則深非之曰惡可哉兩解之不得則身死之  
何以殺其夫也居九年某有守興化之命恭人又攜子  
女皆從焉明年郡境旱某齋居公堂累旬日雩於神得  
雨又明年又旱雩於神又雨民喜謂某鄙誠所格也恭

百齋竹里之略

二十一 四明叢書

約園刊本

人在帷房之外率子女羅拜協禱之某初不知孝子劉  
君閱今有書抵予曰往歲憂旱之日聞明公致誠昭格  
於外夫人率家人致誠齋素於內平日內助之功可知  
而遭此變非獨明公之憂一郡之憂也教子女雖未成  
令能然惓惓不失其正鄙人好事佛多爲尼媪談福緣  
所戒恭人絕之未嘗通往來見乞者鰥廢疾則推分  
餉之廝圉童僕有愆違雖盛怒晉之卽止未嘗聞其搯  
筆聲也廬臨通衢雖閨終年不暫闔門戶有急遽亦  
嘗亟趨走男女輩哂之曰孃胡走不快則微笑應之曰

姑徐徐耳正德乙亥十一月十二日以疾卒於正寢生天順戊寅距卒時得壽五十有八歲莆大夫尊者皆臨而弔之吏民數百輩皆相率來哭之歸葬於趙橋之西村子二人長曰嘉慶娶金氏繼王氏又繼陶氏次曰嘉遇娶錢氏繼姚氏女二人長德真適同里章思義次懿真許月湖陸金輝孫男一曰方且聘陸氏繼娶林氏夫匹夫匹婦有表俗之行沈而不傳者多矣事之不傳言之不立也不幸莫大焉恭人已矣其或不寂寞於身後者尙幸有大賢君子銘筆是賴哉某謹狀

先菑庵記

先菑庵者侍御林君以吉燕所也君曰予生辰先重九一日故自署曰先菑未有述以文者非茲不敢以託君亦不容於不君託也念某嘗負好評之癖初居鄉時迹而遊者眾焉未嘗無擇焉旣乃遊四方所接日眾而擇有所不逮曰明德稽賢吾已矣旣又宦四方所接日益眾而所擇益有所不逮又曰敏道立名吾已矣後被命來守興化初至望山川觀草木鬱乎菁芊則歎曰美哉茲得無賢人乎問古訪今果師師皆賢傑也而侍御後

以告暇回鄉相見爲獨晚然則邇厥容穆如也測厥中  
淵如也遵吾道之軌以軼賢人之駕不在斯人歟以先  
菊自署亦君三致意者四時錄功乎秋而斂芳於菊蓋  
時物受成之會也夫五行之氣迭運而生人宜若無心  
然而立德君子迎而將之以探天子之蘊以會萬物之  
變以大日新之德者先菊之謂也聞君先公御史大夫  
魁梧秀肅如高山大林君席之有餘地焉迺讀書如寒  
素又蚤發科第擢風紀之職則鞞鞞其光宜矣而顧與  
菊相先後落如也知天知人君子哉於是乎書

白齋竹里文略

三三 四明叢書

約圖刊本

孫希尹字說

鄉貢進士孫君思行受父命將以今年爲其子相行冠  
禮筮日得九月某日擇賓則吾鄉芳遠徐先生焉先期  
思行來畱都過予於邸寓曰某願有請久矣相兒將冠  
先生盍一與進之乎予重其請遂字相希尹而告之說  
昔伊尹相湯恥其君不爲堯舜一夫不獲則曰時予之  
罪其自任以天下之重如此蓋尹之志也孟子曰志壹  
則動氣伊尹之志在於自任則其於當時致理召祥阜  
物而康時偉然爲商一代良相者何莫不由於茲哉是

以相業莫大於伊尹成尹之大莫過於志此相字希尹之意也相大父南山教上古禮獨能舉冠禮於不講之餘而思行君奉而行之以責其子之成於始冠之日芳遠先生亦贊襄之而予又以希尹望焉則生也雖欲無爲尹得乎哉

陳生柱字子立說

初陳君清之與予辱師生之契十餘年後予奔走宦途契闊至於今作意重遊得一會問曰別來得令子幾曰嘗有二息穉而岐嶷皆不成而今在者吾弟潮之子柱

白齋竹里文略

子西國明叢書  
約刻刊本

奉父命告廟祠我後者也予見柱爾雅敬長尊賢有禮而不虛羨曰是真可以後清之者也清之曰柱子弱冠字未確望先生命之且禪以說是誠所願焉予遂以子立字之進柱而語曰宮室之道最先在得之地又先在築之基又先在立之柱然後棟梁棗椽之類從而附焉然後陶瓦塗墍粉澤從而加焉而宮室之道始畢矣予聞生始祖有厚深之德屬元季騷離而隱約以葆存厥後是如居室有其地也而其祖松巖翁及父清之君又以賢善開弘其世業是如居室有其基也有地有其基豈

非柱任事之時乎蓋柱在立之而已矣易大傳曰立天之道曰陰與陽立地之道曰柔與剛立人之道曰仁與義夫陰陽以立天剛柔以立地是天地不能無所賴以爲立也而況於人邪且仁義足以立人之道則生之立有所持猶而學矣非仁無爲也非義無由也尊德崇道以立其本然後展采措事而文章禮樂飾焉則柱也其今日之全材哉

### 陳氏八子字說

江陰陳東之自蒙及長從予遊授業尙書補郡庠生試

自齋集略

五十四明叢書

約園刊本

累失捷就時例入國學旣而拜職廣右榮旋未莅官而予適省舊相過見其諸子聯絡升東階拜我玉光相映可愛焉東之曰兒輩次第長已有名未字誠望先生爲一取且復賜之說俾知所循勉以進予不能辭東之長嗣本先字子培當矣蓋本爲木之根木非土不生故中庸之書曰栽者培之然則培之道宜隆次校字子教人非教不成故孟氏之書曰校者教也然則教之道宜嚴又次柱字子立蓋柱從木從主有勝任之義故書曰底柱然則柱之道宜立又次材材木之質也字之以子良

蓋天下之木多矣楛櫟槲栲常百一不可多得人見其美必指曰是材之良也則材之道宜良矣又次楷楸者度之端也字之以子方蓋物圓則流惟方可持人見其凝定必指曰是何其方也則楷之道宜方矣又次檢字以子約夫檢有省飭之義可以立德而行事語曰以約失之者鮮矣檢之道不在約歟又次桴字以子聲夫桴有感觸之機可以召氣而動神人曰捷於桴鼓蓋是之謂也桴之道不在聲歟又次果字之以子碩取易碩果不食之義陰極陽生道幾無息果之道碩乃備之矣且

白齋竹巽略

三六四明叢書

約園刊本

予於此蓋三致思焉八者又有相成之義而諸子當胥與勉兄之所宜入德者弟致其志弟之所宜從事者兄用其情則全善兼休而爲陳氏之亨益長矣昔者荀淑生八子皆稱龍而最良者一人竇氏生子五皆稱桂而五子者皆顯諸生將爲荀氏子乎爲竇氏子乎予雖毫居遐鄉亦拭目待哉

賀何士貞新居序

何士貞家去吾居一里稍近林野編籬以爲籬造其門必迂徑而入吾嘗及見其舊居皆前朝材年久將傾壞

士貞欲撤而改圖之以力寡未及歲授徒數十而取其  
贄以爲食有餘則積之既久願其篋有幾金度其廩有  
幾石而計其人力有幾夫時旣便而屋事可舉矣乃規  
其舍南之地作屋三楹而中爲堂寢處漏園之所隨宜  
略備經始於某年某月落成於某月某日眾客入賀君  
曰無以賀爲也天之生斯民無羽毛介鱗以備寒暑風  
雨也聖人有憂之作之宮室使之類族而居聚其妻子  
以相生養自夫廬井之制廢而人無定業官盛者宮廣  
資饒者或至百堵而吾勤勤於二三紀而僅能爲此以

白齋竹垞略

毛四明叢書

約園刊本

庇吾躬其乃敢辱諸君之賀而彰吾之拙謀也哉子謂  
不然居室在守而已矣梁冀作宅於東都朱門翠戶至  
與其妻妾鬪麗一時貴富之家罕與倫者不十餘年事  
權旣去鞠爲園莽求欲彷彿乎君之居室嗚呼尙能得  
哉君歲入有常數而日費有常經朝爲其徒治課書暮  
歸而與其家之人講田蠶事實客至則或爲黍穀一享  
是皆古人樂生安居之常也而願以拙謀爲言是猶有  
所不足乎周公誥商之民曰爾乃尙寧幹止士貞安所  
事安所居隨其力之能而寢廣其宮尙未晚也而於貴

富者乎何慕君曰俞哉吾因先生之言而得居室之道請爲之序遂書之

### 送門人陳東之歸江陰序

靖江學生陳生東之世居江陰靖江爲江陰分邑越在揚子沙洲中東西望之若島夷然商浮大舶移時乃得渡微颺卽波濤驚急風稍驟柁櫓不遵軌東之每一渡輒失色相顧曰嗟乎吾軀所寄繫何如也而輕涉此安往而不得其所哉適甲子試於有司以暑沴沮遂來京詣董學乞改庠許之牒下常州府學補其員臨行其色若由由者而其志則如欲泥泥揚波而未能者也過此以往其變化吾弗得而測之矣

### 東園序

君子無競於天下職業之所存固其心之所樂也不然足未至而意先往形未定而神已勞烏在其爲樂哉苟以是意求之則君子之樂蓋不在職業之外矣包君民化今侍仰民望之弟民敬從兄也直方智幹通道而闕時雖素裕饒然賓客日用之費歲出其什之一不厭倦而以餘力營宅屋於舊居之東又取居之東絜方以爲

固聚奇石種佳花木居然有山林之意因自謂東園子志所樂也某與民化有內姻之契閒爲講述作於畱都縉紳之閒將持贈焉旣得請遂裒寫成帙而竊敘其意夫人之有身必本諸天隨所置之而已矣置之而在高位者曰奉國勤公吾方有事焉天下雖有餘逸弗顧也置之而在下位者曰長林廣野吾蓋有分焉天下雖有餘榮弗顧也苟方出而有預處之懷旣處而動欲出之志則不免於自殖而趨時出者無隆功而處者無奇節矣奚所取乎且吾鄉仕宦者肩摩以出况包氏代有顯者至於其兄弟又列官御史哉而於東園乎有取若將老此焉此尤見克安其職也夫克安其職則細泉幽草飛觴敲矢皆其性天之適固足眇公卿而塵祿利其有假託規取之心哉况君之季民哲民在同是志日相從事於其中以享清平之理其爲樂亦美矣他日或有爲於天下不過自其今日之職業充之譬若斐然挈領而舉之無不順者固不在東園之外也

慶包母七十壽序

前例拜雲麾將軍東園包公之配恭人管氏今年壽履

七十九月七日屬初度先是恭人元子楨仲子朴季子  
橋告予曰癸未歲楨等母七十昔賢所謂古稀也文篇  
必當屬之吾舅矣今至期豈宜辭亦豈非所樂爲哉夫  
所貴於天下者一曰賢二曰享三曰凝四曰昌有其一  
亦人所難不得謂之備耳恭人子姑母之女與子爲兄  
妹穉幼同長知其靜穆淑良如琛寶之在櫝及歸包恭  
柔事所尊不簡有度輔東園起家至巨室可謂不賢乎  
三子奉訓誨胥加宏殷若從棟梁而丹腹之而恭人於  
子婦問安之間晏晏溫溫適意進饋蹈揚以爲娛可謂

不享乎今函夏之內隳突損扎皤白者不在在而有恭  
人甚康嘉起處清安百歲將循而至也茲可謂凝矣楨  
也達而充朴也縝而文橋也偉而淳而諸孫且皆高步  
文章之級襲優慶於無疆又可謂昌矣由今言之則賢  
且享由後言之則凝且昌而世之人得一慨三之不足  
得三歉一之不備運天下且然況吾地又寫瀟壻淺之  
區哉而恭人獨以賢以享以凝以昌無不周其稱爲難  
審矣皆曰恭人以今壽而并顯其四備非子不能述也  
子曰恭人非四備亦焉足爲壽而我其肯以空文藻之

耶楨仲父東谷先生率子姓爲西王母祝壽圖致賀夫西王母迺賀者之誠情耳其有無非吾人所知亦非吾人所當與知也是爲序

送周仲鳴之任雲南序

皇上嗣位之三年當天下羣后入覲之期大明黜陟於是十三省藩臬暨所隸小大之臣多員缺銓部推兩京年勞稱者次第上其名朝廷酌而受之用補厥員於是以前南京刑部郎中周君仲鳴僉雲南按察司事先是同年官南京部臺諸司者幾四十人太原張君廷紀出守

秦中於同年外補爲最先繼而君有此命茲不爲盛事矣哉迺於其行賜酒出都門餞之某以序當執文字之役今天下之爲省惟雲南去京師萬里中古西南夷之地也氣運推移蓄久而發今爲華土入職方聲名文物與他邦等久矣然天下之勢重乎近而輕乎遠興於有所忌而沮於有所或忽近者忌之甚遠者忽之萌此理亂之所繇分而天下之生民休否繫焉朝廷邁古爲治以俊民甸四方相地而任以材固不苟然也矧按察提刑之司僉事之官實分任其職不尤加之意乎仲鳴持

凱達之才義理問學日致成德三歷刑曹諸司而精敏  
平中庶獄以和宸衷之下豈不知夫人之爲良士已灼  
然久哉此今職之所由注而皇上之意也穆王告諸侯  
曰四方司政典獄今爾何監非伯夷播刑之迪夫伯夷  
唐虞掌禮之官而顧爲司刑者之訓何哉蓋爲政非刑  
無以弭天下之慝爲教非禮無以淑天下之行禮先之  
而不率者而後刑隨之次第本末不失其倫而化理之  
不遠敷者否矣況外內之勢不能以或一則用法之宜  
不容以不殊今得良士庶幾化而齊俾遠邇同風而澤  
潤溥博未必不自茲人始此尤皇上之深意而君之所  
宜克念也其不然歟言粗而君其不動心乎則油然而  
起曰俞哉誠若是吾將利有攸往矣於是乎書

贈李濟之僉憲廣西序

前監察御史安慶李公濟之庚辰歲由泰和令來貳守  
寧波未踰年職舉事集宜於民人辛巳二月邸報至朝  
廷擢公以廣西僉憲時郡伯太倉周公參府萊州王公  
青陽王公推府莆田楊公方將協德并志期臻化理而  
奪之去皆若有不釋然者於是枉駕蓬華屬觚墨爲贈

篇予於公雖相知而未能究其善欲請得其詳焉周公曰巨川有體用之才居德方剛而應諸事者未嘗或滯今去無所資畫猶昆去仲也王公楊公曰巨川經緯甚大且論議施舍皆樂聽而足式今去無所資取猶仲去昆也又聞之民曰我公不作好惡人自憚嚴而服化今去無所冒怙猶予去諸父也夫聲實之行必先幾乎邇而徵諸庶民者未始不由乎其身公爲政一暮年之閒而遠近上下無閒然如彼其必有所自哉且天下之理無大小而天下之事有公私不欲其違而去者私也人

白齋野史文錄

三十四明叢書

約園刊本

之情也不能不違而往者公也理之勢也郡與省孰廣狹而監司佐郡之任孰重輕歟則其不得爲吾寧留必矣禹貢五服廣右界要荒之境上古爲治蓋在所略耳今文教與上國爭雄沛然行其志將不在茲往乎由是而進其爲地益廣又非彼所能留可知已矣君子之達也欲兼善天下一方之寄其奈公何哉試俟於來日云

故進士歐陽汝璧輓詩序

昔歐陽文忠公承叔以文章氣節重天下文尤師百世未已佔擘之子四方多慕之況其鄉與其子孫乎肖其

一皆足以成名然而子孫之肖之則氣類尤屬而不難也望人才子乃光嶽之精英天地恆吝之孟子稱五百年必有名世之士則天地非吝之氣固久而完也帝苑之麟不羣遊岐山之鳳則孤鳴八荀奚並顯二陸不自周孔子曰才難非其才之艱完氣之艱乎泰和歐陽君汝璧與其兄莆令汝中齊登辛未進士不數月汝璧物故於乎宰物者亦隘矣奚遽迺爾哉吾聞之汝璧上氣節攻文詞力欲出等夷而加先進而汝中蓄英居珍渾玉純金成性異而材美同也人固慶而神固忌之去其一焉夫天地之性中而已矣中則相忘過不及未嘗不加損益之權於其中也矧文忠公踰五百年之期而汝璧生宜矣不意又出歐陽氏之門天肯相忘於不知天地之大也人猶有所憾謂此類也乎汝中敏於政餘力攻文字將收靈於一人之身隱隱而大焉天蓋不得而用疾也汝中是予語故序

送宗朝用之任山西序

國朝設官外臺提刑各置按察司風紀之攝法罰之行罔不在是蓋重地也僉事贊長以行事施舍進退予奪

抑揚責任同焉蓋重臣也有員缺率多從三法司屬職  
奏補之自餘罕此除焉以提刑蓋重事也天子嗣寶四  
年之春山西按察司僉事缺員吏部以南京大理寺正  
宗君朝用上其名上可之命下將就道同寅諸君修辭  
贈之而屬某執是役惟山西古冀州之域爲堯故都入  
周爲叔虞所封之國既而晉文以其地霸三家以其地  
疆沿風承氣與古荐離故後世稱山西者不曰民尙勇  
焉則曰俗好剛焉而有是往者其心嘑焉若以其地之  
難爲而教令之不易行以爲憂也然今天下仕宦至山

白齋行吳文略

三五四明叢書

約關刊本

西政舉事集期以一再葺之後崇遷大擢視他省恆先  
得之則相語曰山西之民勇者示之以義則趨焉剛者  
明之以文則嚮焉吾未見其難爲而教令之不易行也  
夫未入而憂其難既出而樂其易豈人心之不恆抑智  
計之足轉移哉蓋嘗考此都之民受堯之化獨先而漸  
摩披拂爲尤深想其風蓋穆如也君博古以深思明仁  
而惇慎以是人莅是地其不難爲也審矣雖然天下之  
事視之以爲難者其終未有不易者也視之以爲易其  
終未有不難者也君始被茲命吾見其色泊然耳而君

之心則兢兢不敢忽所謂未入而憂之也君持是心以往有罪使殲無辜使白枉者使正亡道者使黜默而移潛而化俾不見晉文三家之遺威而陶唐之舊可追矣明天子在上聞之必曰璽哉俾予無西顧之憂惟茲臣之休於是有服在大僚非常格所能拘之矣所謂既出而樂之也憂其所以入是以能樂其所以出樂其所以出是以見憂其所入者不苟然也書曰惟事事乃其有備有備無患明是道而天下可往矣又奚啻一山西哉

新修定海縣志序

申齋竹里支略

三  
天四明叢書  
約園刊本

天與地皆有志而人參乎其閒庶事錯綜之難齊萬類變化之不一尤宜有志也志之言誌也郡縣之有志卽國之有史也史者尚書春秋遷固以下史官爲之者皆是也然國史之所采摭非郡縣之志又不足以取徵也志視史不尤先乎定海縣志久廢纂修鄭君崇善被簡命來爲令未久政通人和方將有事乎文教適朝廷敷求天下志書侯惟虔惟勤擇邑庠弟子員辭生俊領其事命之立爲義例編次成書俊承侯志蒐獵諸史及大明一統志四明志諸書複校讎之立類分目各象天時

侯之用心亦勤矣夫天地人三才事彙不同而六典足以盡之六典之事散見不同而郡縣之志足以著之定海雖小邑而列於天下郡縣則一也縣歸之郡郡歸之國然後編入於太史垂百世而傳之無窮故人所以參三才者謂志無預焉不可也雖然志亦奚足盡信乎哉其或紀緝無統史野失均非性命而外彝倫雜繆悠而愆本末適以誤來者之監觀何取於志邪孔子曰其義則巨竊取之矣所謂其義者去取出入性命彝倫之存也以今觀於是志庶幾其有得歟侯閩產也唐宋以還

白齋竹里略

三毛 國明叢書

約圖刊本

其先進多博聞強識足稱良史之臣侯也遵成軌而繼往轍謂其書不足遺者吾不信也

椿桂圖贈史公壽六十序

國家深仁霽澤培養吾人百三十年徐而納之康壽之中故自公卿大夫至編民之家凡其老長者生日則親賓舉壺樽以相赴者繼屬於塗主人則張樂置酒列長少而飲之爲一日之樂俗以爲常無怪惑焉史公世重宋學士文靖公之胄敦懿謙冲有永年之德惟是年壽登六十六月某日爲始生之辰凡交於世重與其嗣子

克明輩相與畫爲一圖而餘其上方屬予操文墨事予  
觀其圖矯然以茂者椿也覆然以華者桂也昔之頌竇  
氏者有靈椿丹桂之詠則茲圖者非茲義之取與予嘗  
思夫五季之衰兵革相尋元氣日剝而薄而禹鈞之門  
篤生賢子儀以宿學爲宋藝祖儒臣儼通曆律拜官拾  
遺自餘諸子皆通顯而禹鈞坐享其令福是何完厚之  
氣反鍾於衰薄之運哉豈有宋將昌天固培養其人於  
其早先乎世重之生適當我朝元氣之完安居而康食  
自孩而老眼不見兵革其與禹鈞之遇相去遠矣禹鈞

白齋符里文略

三六四明叢書

納園刊本

享壽福於宋祖未興之始而世重之壽與其福將不得  
受於帝王全盛之時耶列聖培其根今上發其葉則椿  
與桂當與竇氏不改其盛矣世重有今壽鬚髮尙未全  
白食飲起居如壯丈夫而禹鈞當其子筮仕之先其強  
健未知得如公否也克明苦學力行志在決科而其羣  
弟又克壯其家之猷其肯多遜於儀儼數子之徒哉繇  
是而觀則史之不得爲竇也吾弗信也

許謹之序

江陰許君儀伯去年以公事來南京過予邸爲其尊翁

號謹之先生求文用述厥美余時不得閒而儀伯去之  
遽不能有以復也今年又來予方謝慢命之不暇豈容  
更有辭哉先生名淮字宗遠三歲失怙鞠於母氏稍長  
遂克自樹立爲人質直而有文號謹之謹之者志慎言  
也古者盤盂杖几皆有銘書蓋謂目擊而道存可以爲  
操修之資若謹之爲號切諸身心又非徒盤盂杖几猶  
恃諸外物者比哉易大傳曰出其言善則千里之外應  
之出其言不善則千里之外違之聖人於謹言之訓亦  
至矣然自世教之衰視時以爲敬肆身爲士則大夫有

加焉身爲大夫則公卿有加焉堂簿遊而跼蹐者累日  
公順行而覆闕者再三其爲慮深而謹之至彼豈無見  
哉以爲不如此朝出口而夕受責欲取寵難矣先生農  
業而儒遊出入墟井生不受一釜之祿大夫不加公卿  
無所用其馭若可以自肆而無顧忌之心矣乃獨志於  
操修奉不易之戒而取謹之以自號獨何心歟夫有所  
爲而謹之者士大夫也市井之心也無所爲而謹之者  
先生也士大夫之道也世欲求人於明顯之上而不求  
人於幽微之中赫赫是瞻而黯黯者見遺豈不誤哉

朱正之壽六十詩序

初子遊安亭與朱君正之敦義氣之交是時君方壯鬚髮皆黑予復後君七八歲尤覺迂狂未老成別二十子成進士往過之君髮黑者變而漸蒼而子齒亦浸盛拜今官至於南都三年矣君之子恩赴應天甲子鄉試以師生舊愛來視余官邸享余飯勞問甚悉聞請於余曰吾父明年六十矣行時以文事有託於先生幸毋辭焉予聞之且喜以爲君之年蓋至此乎願往致觴而未可耳尙能解哉夫人少而老老而衰如春夏秋冬之必

至靡有能出此者但求無戕傷於其間以全性命之正如四時無沴氣之干成歲功云爾方見君於初遊時春夏之候者也別二十年鬚髮黑者變而漸蒼夏入而秋者也君平生寡嗜欲五官者不亂其天或有弗平發之歌哦驅之筆墨焉由今而望百亦秋而冬浸移荐至有必然者吾以是測之而知君之必壽無疑也君祖父以上皆童期之輩世類之似種種可見由松柏而生者必非桃李之華則君之壽將不尤驗於物理之常乎恩攻文而氣完今三場竣事先辭歸報捷行且在旬日中矣

其所以悅親而進齡者又可量哉是爲序

四檜堂記

江陰陳氏出宋侍郎吳博古之後博古有文行子孫多  
膚敏而繁昌有元之亂民不尙義雖墟落之間荷戈而  
起或以仇怨輒相攻殺於時吳氏與豪右有恣睢舉家  
蒙難而漏其遺孤孤之姑夫陳公子璋求得之鞠爲己  
子孤長遂以恩姓陳命名曰遠字世銘生五子以其長  
嗣吳後餘皆陳姓焉世銘曾孫竹泉君惟繼與其兄松  
巖君惟大弟梅壑君惟虔三人協心用興其業後松巖

白齋竹里志略

四十四明藏書  
約園刊本

君居水北涯梅壑君卽舊居居之而竹泉君居水南涯  
南涯之地厚且衍竹泉盡改其舊規而弘廣之木石塗  
塈工賃之費不啻數千緡室屋壯麗五倍於昔先是有  
檜四株在外門之南落如也至是規模旣大而四檜適  
在其廳事之前焉若天植之而神置之君曰是不偶然  
有數存乎其間也則謀諸兄弟題其廳事爲四檜堂而  
以記堂之文屬諸某孟子有言曰所謂故國者非謂有  
喬木之謂也有世臣之謂也故國與故家同喬木蓋所  
宜有而數仞之檜不假人力而忽在陳氏之庭豈天將

以喬本爲陳氏樹之風聲乎某嘗舍其家而知陳氏世  
葉之詳方其變故之初幾無遺子矣而世銘公以一息  
之噓遂使其子孫蕃昌而家族之大如此豈人力所能  
及哉昔王晉公手植三槐於庭而期其後必有顯者已  
而魏公且以重望相眞宗致景德祥符之治爲宋名臣  
而魏公子孫相繼以功名著夫王氏取必於槐而天副  
其意陳氏勿期於檜而偶得之天古今天下之契固有  
不約而同者乎蓋栽者培之傾者覆之此天理也使陳  
氏變故之餘而其子孫或弗能守如木不自栽天亦不  
爲培矣安有今日之隆哉則四檜之生乎其庭者以徵  
德也竹泉諸子與其諸從子皆將以文致身而迓迎皇  
休可以整襟而待於王氏功名雖未敢取必然天意其  
不有在乎又聞柏葉松身爲檜檜松柏之儔也松柏有  
節氣大冬不衰則陳氏子孫將必有正直康義之士蓋  
又出於富貴功名之外者矣徐以待之

送黃元續詩後跋

孝宗朝太史黃先生乞歸養其母十八年至子守莆奉  
會纔二年耳餘皆仰止之日未旣所欲而今遂戒行矣

譬如旱而得雨既得雨輒止欲雨心尙津津然者故臨別書所作喜雨二篇贈之長紙不覺殆徧也亦情哉

跋黃君所藏遠祖告身後

夫伐南山之青流聲紀德存之百世而可考國有史也史有官官職紀事宜無窮焉人之家則異是一父二子猶以賢愚爲續絕族一而支百有能藏青傳墨以史於國者史其家不賢子孫哉宋狀元黃公度文行在當時無相先者以不佞於姦檜檜死然後出官不過考功郎中而止噫有命也夫自淳熙迄今三百五十年黃氏子

白齋竹里文略

四三 四湖叢書

約圖刊本

孫賢才名碩數百輩而公之告身獨藏諸解元廷宣之櫝中獨何歟廷宣整而莊惇內得之學旣魁聞士矣行且大魁天下與公後先相昭麗拜告身於無窮無惑耳已昔趙簡子以命戒屬其一息伯魯佚焉無恤出懷中如故遂以大三晉之地夫敬聽一代且猶是則存諸數百歲而無失者當幾無恤哉

白齋詩集後跋

明州自唐賀祕書以詩人風流開元寶應之間年旣老乞身明皇御筆賜詩惜賢達之去其詩行於世不多特

其人品足高如白雲青鳳不可得而結攬固已重諸當  
時矣予生後祕書八百年自幼好有唐諸公詩而企仰  
祕書獨若加一倍豈昵諸鄉里之私志頗肖類是故彼  
嚮哉昔先君贈平事晚庵公速予舉子術不令一目詩  
懼心詩往也嘗几上竊取唐人詩讀之公見怒投之渾  
雪中過則徐取以乾之是以於詩無專力而心則往往  
潛遊乎其中先君不能禦也先君老且化幸慰其靈成  
進士始吾肆而莫吾格矣夫是以得徧讀唐諸家之作  
近體實宗之祕書風品或非勉而逮若其詩篇之存今  
可與廣也命工升之梓

故小仙吳先生墓志銘

次翁吳先生既卒逾月而其子山持所爲事狀詣予以  
子於先生有交知而以銘文屬之案狀先生姓吳氏諱  
偉字次翁別號小仙胡廣武昌人曾祖諱越登進士第  
兩知大明南陽府祖諱綱領鄉薦未仕而卒先生少孤  
貧事母耿氏甚孝通經史大義性戇直無所比私與俗

竄諧工山水人物盡入妙求客相踵於門非高流者不  
泛應成化閒先生尙少守備成國公招至幕一見以小  
仙呼之遂以爲號焉總戎平江南遣禮渡江致爲上客  
由是聲譽日起憲宗召至闕拜錦衣鎮撫上崩放歸遂  
占籍江寧劇飲或經數旬不飯與人議論出入經傳不  
少屈孝廟復徵召見便殿甚悅授錦衣百戶賜畫狀元  
圖書寵賚日厚乞恩武昌祀祖數月還再次石頭有密  
旨趣回京賜以西街居第既二年遂稱疾乞歸居秦淮  
東厓正德三年五月今上遣使召之使至未就道而卒

白齋竹巖文集

四五 四明叢書  
約園刊本

配李氏子男二長山府庠生娶某氏次某聘某氏女二  
長適武庠生湯仁次許錦衣衛舍人戴觀先生生於天  
順三年五月二十日卒於正德三年六月十三日享年  
五十歲以是年月日葬於某山之原嗚呼士病無知已  
故善不以聞予於先生有交知沒矣而不爲之傳豈情  
哉銘曰

匪天之私授以其初匪人之阿有實斯譽譽旣中起天  
子賚之皇皇厥服以奐其儀不有所貴來止於南日享  
賓客於樂日深廣野大山呼吸形色雖有善者莫紀其

極嗚呼往哉歸氣之清既也允藏有仙之名

送屠君漸卿赴五井鹽運提舉敘言

古之學者窮經致用視天下百職庶務皆分內事隨所  
遇應之非擇而取雖上聖大儒無不爾者況鹽法軍國  
大計其可薄視而窄處之哉周官以鹽人掌鹽而用始  
重齊管仲氏正鹽筴爲法漸謹漢以下郡國置官而資  
於國益饒蓋司農虞衡分職漸卿屠先生天姿弘仁以  
秉純之學屢舉失籌而所養益完以光嘉靖壬午由國  
子生拜五井鹽運提舉眾高先生以爲非所宜處先生

白齋衍墨略

四六四明叢書

約園刊本

乃安之曰茲固吾職也盡吾職吾道行矣雖食貨之地  
而天理未嘗不行乎其中顧用志何如耳有大人之思  
則吾官亦行道之所無大人之思雖上相鉅卿則吾官  
羞與比予聞之歎曰尙德哉古之人之爲心歟遂敘以  
別

馮宜人輓詩序

冬官郎中馮行甫以其配某宜人至南京凡八載而宜  
人卒行甫悲不勝僚友弔者各爲詩成卷而持以示予  
三讀之曰辭美矣尙盡得其情也乎予每見行甫動靜

多從容今若徐而實遽焉又每見行甫言語多簡溫今若費而無味焉子疑其踰毀也怪問之行甫乃曰先妻事子父母盡孝敬理家克勤苦及子有官又以清慎相居守其諸日用飲食衣服之費率以身勞之而不以累子心懼妨公也子是以得嚮往期於有進今焉望哉乃悲不自知耳子聞之歎曰意固將謂君有衽襦之愛不忘乎昔長孫后崩唐文皇傷之語其臣曰吾豈不知無益之悲內失賢相是以悲也夫文皇富有四海當時輔相多名臣而猶以失賢助哭不輟況君以臣人之微而喪起家益德之婦哉誠情矣雖然情者止乎禮者也悲而不以節得無積傷之虞庶其有思乎君收淚謝曰吾以悲惘惘無所見得斯言若有釋然者願爲題之

遺稽行實

子諱琦字君玉一字子玉以君玉行平生愛白素人號曰白齋先生初祖相傳自河陽扈宋駕南遷卜居鄞有元兵亂譜逸莫可詳考自十甫君而下曾祖諱華甫祖諱敬道考諱懋妣俞氏生琦子娶余氏生男二人嘉慶嘉遇女二人長德真適章思義次懿真許陸金輝孫男

長方且次皆孩未名予生十歲從師發蒙卽不敢荒嬉  
十二三稍知屬對聯詩至十四讀易習舉業輒能行文  
十七隨逐前輩報應試以家貧遊嘉禾淑人弟子得束  
脩歸以養吾親續歲復出爲東君朱廷秀所宜畱數載  
改治尙書與徒朱寅同苦讀每一授三四百徧夜繼晷  
不輟晝昏睡則與徒含水相噴面以抖立精神讀旣熟  
復歸從講於傅先生克貞成化了酉試不利娶吾妻同  
甘苦子夜讀妻以鍼綫從之夜久熱盃酒飲以相勞至  
癸卯丙午己酉壬子連試皆缺牂乙卯服內艱不出空

申齋符里志略

四大四明叢書

約園刊本

隙皆遊學之年稍積資養親始終苟完無大憾戊午迺  
始錄鄉薦明年己未登倫文敘榜進士旣二年拜南京  
大理平事累陞寺副正凡九年審錄過臺司輕重罪犯  
八千起囚二萬七千餘人情罪或未當駁回必欲得其  
平有假印罪囚刑部擬死罪送審囚亦不能爲辭予憫  
其陷於法太易愼思之退與先妻言曰假印鐵鑄木刻  
之耶子曰審以竹篾作四邊布置字畫成印妻曰篾作  
者不堪行使遽問死如何予悔駁回三人果得生後向  
出日拜曰張公生我也郡司獄官緣事上司問革貧不

能歸攜幼女鬻人爲歸資子聞之憫然召司獄以已俸  
十金與之乃得免鬻女莆陽傅驛丞爲子鄉人負債莆  
富家數多後病故富家欲執其妻女時子適亦歸召富  
人與語姑俟其還家來償不負汝始得收拾全妻子以  
行遲子程半月逆瑾用事法司罪罰去官者十七八時  
隆平侯家有訟獄將送審會子遘疾不出寺屬同寅者  
審之瑾不得賂以錯問免其官而子幸無事意者一念  
好生有以致之乎或偶然未可知也任內蒙吏部上章  
二次陪點山西雲南提學不遂正德六年二月陞福建

白齋符異略

四九四明叢書

約園刊本

興化府知府爲政無他能以仁平存心務使民得其所  
於風俗學校尤極惇慎四五年間雨暘時若禾穀豐收  
人無沴災異蒙當道獎勵素以病痰火上疏乞休下吏  
部蒙批本官志能自勵政亦宜民況其年力未衰有疾  
宜加調治所據奏要致仕難以準理合咨都察院行福  
建巡按御史令本官照舊供職務益展布志力以圖報  
稱後秩滿赴京蒙考稱職復任先妻從而往未幾歿於  
郡舍痛甚子前病復作上疏益懇苦當道慰留情詞勤  
厚巡按胡公云本官學識富士樂薦雄撫字勤民思借

寇雖懷高尚之心難允乞休之請布政使姚公薦於胡云看得張某自典茲郡已逾四載尙恇惴以無華操廉慎而不失肆力於學有文章太守之稱無擾於民有忠厚長者之譽先該本官上疏乞休旣蒙吏部特寢其章兼致慰留之意續該本官考滿赴京又蒙吏部特最其考仍多褒獎之辭今本官復有此呈雖潔身以去出其素心然爲國恤賢亦自有未能遽聽其請者合無行令本官在任營事以俟遷擢庶慰民情但本官才望旣著年勞亦深如蒙別加論薦處以督學等任尤爲盡其器

申齋行墨略

五十四明叢書

約園刊本

能按察使劉公云訪得本官學行老成才猷練達清譽久著於士林妙簡行看於峻擢仰行本官照舊營事以慰上下之懷以終君子之澤僉事查公云看得本官安靜不擾文學優長有古良二千石之風本道濫叨此職正賴相濟何遽引疾乞休然以奏詞懇苦終得請蒙恩陞本布政司左參政容令致仕歸焉予平生好作詩習學古人力不及乃已然多從實地來生變化不敢爲望空語自遊江湖及出入兩京守莆陽於居鄉作寫頗繁多散遺今入梓者十三四耳夫詩言之至難者也自顛

髮黑且蒼且白四方知音相遭如皮陸者聞亦有之可  
多得哉晚遇見素林先生知之爲獨深嘗曰公庭私廡  
時出奇興與山川雲鳥發靈來進效慕之放體裁而宗  
風雅趨以成俗又曰夢魂相接多在雪蒼雨碧之下谷  
答風響相和應噫言而至此亦微哉續稟出毫言覺尤  
有味已成編未知獲入梓否也文字亦有可取回首顧  
之度不能舉矣惜也予性稟仁慈見飢寒死亡如洞涼  
在身雖殺一雞斃不忍視一蟲之微無害於人者亦不  
肯傷殄與人悖信誼行事不爲苟且平生自覺無慙媿

自齋符里文略

五十四明發書

約園刊本

但疏計慮不畜繼有俸入餘錢多爲簞人者所損散此  
爲世之所短也土田頗營而無豐稔屢居粗削而未綿  
周出者如塊擲入者無泉流抱病懷殘喘寄身屬杪秋  
屢興歎而猛制又集恐而紛憂愛山一輿樂水一舟縮  
首畏涼世閉門謝諸俠天自天而莫怨遂不遂而加修  
未死微軀已卜荒丘永訣之日不許飾修不喜鏡鼓不  
喜幡游不設道場不誦比丘生也既順死復何求惟願  
我子要做好人要爲君子作善降祥終有天理不可責  
報於旦夕弛爲善之心哉此予發於心膺之言不知誰

肯懷藏之爲趙氏無恤者也

封君張翁壽圖序

甲戌之夏判府張君仲懷奉部檄至興化子率僚屬吏民出候之見其色和而神熙若中有自懌者問之則其尊嚴封監察御史尊慈封孺人苑氏並年八十有三礎粒而康居若少壯然又問之則其弟今監察御史提調南畿學政仲齊君也予聞之歎曰日月之行有先後寒暑之變多消長琴瑟調而音節不齊草木生而榮瘁斯別是以閔父在而母先佚軻母存而父不逮楊椿之門

皇清皇略

五十四冊卷書

初圖刊本

男多壽柳玼之家婦長年齊茂雙榮世不多見豈神明者不肯快人以全乎其人事之不齊然哉劉子曰能者養之以福封君孺人受天地之中以生與凡人同耳胡獨得福乃如此其必有所遇哉夫不可必得而必得之者至難也可必而必得之者猶易也仲懷獨得於聖賢之所難遇謂其不足賀也乎足賀而不之賀天固與之我自違之世蓋有是落落焉者弗壽也仲懷舉賢科再爲儒師遷今官來閩仲齊登戊辰進士拜御史封君孺人兩弗就養而燕處高堂之上其自闡來者報曰政舉

民安也則既喜自吳來者報曰化行士秀也則又喜聞  
吳之士竊慕而樂道之宣之翰墨文詞則封君孺人之  
所以爲懷者何如夫喜動志志動氣氣順而志寧志寧  
而體安靜以凝命則壽由已立而由天乎哉故孔子曰  
仁者壽又曰故栽者培之

贈袁子繹序

前尚寶卿袁公之孫子繹弘治甲子拜靖江丞今年冬  
蓋當考績之期以公事來南都鄉人宦茲士者皆將爲  
詩贈之秋官員外郎錢君廷祐子繹內姻也謂某等曰

自齊集略

五三國明叢書  
約園刊本

敘別時列耳其毋庸蓋爲道敷厥事俾顯諸民有徵哉  
子考靖江在沙水之間初屬江陰其民狡獪難治成化  
中撫臣王公奏以爲縣經略粗定品式未詳君至歎曰  
鄙夷乃若是哉豈其習固然歟亦長治之臣罔加其志  
耳於是節經費養財力凡所得爲者無不爲及崇明賊  
作亂民多播越君贊其令長綏來之旣來處之東西沙  
咸給田使自力作者以萬口計繼而升土補賦百爲盡  
心而民皆安業焉夫仕者之得土不患不足而患其有  
餘得土而行吾職也不患有餘而患其不足得土不足

而行吾職有餘由是而進何所不前也行吾職不足而  
得土有餘由是而卻何所不後也吾嘗以此求仕之道  
今於君有稽焉君始至其邑固曰鄙夷若是已爲之一  
動心矣而謂百里不足爲乎及莅茲土幾六載勤事用  
績歷歷可紀曾謂吾職有餘哉昔君曾大父太常公  
柳莊先生暨其大父尚寶公並以碩望受知於太宗文  
皇帝及仁宣之朝二世榮遇莫有加焉君其得無念乎  
深厥念是以有踐修之德君清才績學先後試於有司  
者凡九而卒挫以歸入選拜今官君其得無憤乎久厥  
憤是以有激昂之志非志無以成德非憤無以發才二  
者備而令善之所由著也夫爲丞得土不足矣而令善  
之著有餘也哉重有餘而輕不足仕職其畢舉也故樂  
道而書之

代作三原太宰王公祭文

正氣善性完稟全受弘毅公忠靡德弗懋應期五百實  
參三才其聞名世或是之魁思維先朝簡在列聖累升  
大僚終授執政百職紀之飭戒肅穆四海均之量劑厚  
薄商尹姬且精神潛孚漢葛唐郭純駁尙殊黃髮遠猷

衰壯同德致主堯舜一念罔忒帝曰元老篤弼勞汝釋  
爾揆敘康之田里公旣得歸道心滋休縱圖橫史茂林  
清流紀述不懈哦詠以嘯如是莫邊直趨耄期某昔與  
公交歡孔厚訃音東來見不可復臨風喟然拂淚沾衣  
遐舉豆邊公無我遺嗚呼

重立涵江書院碑祭文

聖人之道無一日而不行故聖人之神無所往而不在  
興化雖介在南服而聖裔寄焉神則昭矣廟貌之立開  
始於有宋碑久而蠹重刻新之守令者職也敢稱有光

白齋符里文略

五十五 四明叢書  
約圖刊本

爰期無斃尙享

謝雨祭龍文

是歲春民舉趾方擬農事天弗雨者踰百日吏民之憂  
視往歲增切越乃禱於諸神有感孚與雲作雨凡四五  
朝暮未溥大民色喜物亦向榮猶皆抱不足予率僚屬  
吏民往壺公山盤井詣龍神焉匍匐三十里素衣芒鞋  
裹頭持柳清塵率十五步一拜逆至壇壝與諸神胥居  
位皆南向一朝暮凡兩往拜退皆謹齋居官府廡市禁  
戒四十日飭其終如始上下咸無怠神迺覽觀爲請於

帝庭降大澍二晝夜止水入土四五尺河澮皆溢民沾足歡歌達於境內公私卒有賴周禮云凡有功於民則祀之功有大於我神哉於乎尙享

### 祭岳公文

惟神性任天能身負國器論諍落職起守莆陽百度惟正黎民永懷海支爲江明澈行地上有公祠昭其清德祀典有嚴報功匪虧於赫厥爽庶幾來思尙享

### 祭陳參政待徵文

嗚呼方未見公仰公如雲及與我遇不負所聞有言聞

白齋衍里齋

五十六四期藏書  
約園刊本

聞有行灼灼析幾若嬉用謹以謔迎事酢物各得其所始不遺終華必至果青髮甲科鐵書刑名司敗廷尉斂手享成陞守魁郡武昌叢劇事集民又不勞餘力明辟迪知進參藩政致歸有詞措熱就清癯鶴高鷗出楚而閩海珍野羞享戚樂賓兩子龍種徵德肇慶胡不永考難忱者命嗚呼哀哉尙享

### 來軒周先生畫像贊

莊乎如山之止浩乎如川之行杲乎如日之出勃乎如春之榮則象顯於可見體用藏而無聲人動天俱道與

時亨思往昔之既寂於式瞻於先生

自贊

讀數行書既自別於鄙夫做幾年官又已出乎下士辭讓太蚤似乎失利木石無虞何謂不智於乎與我言我點頭自契

恭人贊

賢希鴻婦劬比宣妻不見聲色家政和齊白雲其衣明月爲抱我則弗如藉汝適道

見素林先生像贊

自齋叟略

五毛  
約圖刊本

明目張膽貫道敏功還國錫朋我雲之中安石不出柰何乎公

張先生像贊

行無徒而獨往居無取而常足不曉曉慕異不汶汶自黷簷茨使厚釜米使精如此而已何勞其形

瑞茄贊

秋官主事草亭周先生仲鳴闢圃於其舍之傍周遭可四十丈而疏其地爲畦畦窮有池池之上復取土築隄作亭以娛其母太夫人蓋久而成趣焉一日見茄結而

聯罄欣然有感作瑞茄詩而其弟仲玉君適至人皆謂  
應在仲玉明歲榜之祥也閒以示予當觀造物之機每  
不可得於期待將迎之中而或發見於尋常形色之際  
蓋萬物皆有知也而況草木得氣之先乎則瑞茄之應  
必矣然草亭仲玉皆太夫人所出猶草木之本也寧有  
末瑞而其本不預者耶則太夫人之壽考又可推矣故  
爲作頌

太和四遊化感無期匪我致詰亦孰用思孽祥相因呈  
巧出奇或在雲霏或在露霏或在龜牛或在草木何以

百齋異略

五十四明叢書

初園刊本

來也召之則然維人召之朕兆發焉有周君子至性篤  
孝事親必悅百順以道迺開西圃列藝蔬瓜以燕尊慈  
樂而無譁有茄在圃紫花紺葉十步一畦幽采相接中  
有佳異雙竇竝罄絳珠玄璧駢縱墜地人曰瑞哉應在  
其季季實篤學清才高文以登上捷疾於風口此爲季  
瑞夫復何云子究斯理蓋未止此根株華葉本同一體  
既瑞其子母不但已樂康於堂百秋燕喜

回祥題辭

回祥詩何爲而作又何謂其爲回祥也讀劉君世光所

序而後知之蓋定海衛帥李君思敬喪父而繼母氏姚夫人無所出夫人自虞末路歸杭依其昆弟思敬一時不能違其志徒痛心耳既而魄將無虛月抵杭迎請不肯行正德辛巳終以誠慟感奉之而來若衛莊母子之相見焉喜當何如哉孟子以父子離爲不祥則母子離而合者祥也禎祥爲吉假使夫人依姚而去李則人將曰子闕順也不爾又將曰母闕仁也闕順非子闕仁非母凶之道也焉得祥乃夫人歸李而去姚則天道宜人倫正而物議美眾善備矣謂之回祥也宜哉

白齋衍事略

五九 四明叢書

約園刊本

論詩

作詩難知詩又難也詩非天資力到不能知能知詩而後詩可作也不然如夏蟲之語冰可能得哉漢魏以下五言變體論者多矣不贅語姑以唐以後律絕及七言古體論之前輩品評多未當唐人李杜當是大作家王岑高孟韋柳陸李輩諸作者惟楊伯謙論得是其分正音餘響盛中晚唐皆合格中理若所謂鼓吹三體品彙等集未免有所謬杜子美聖於詩達於天人常變不可拘測所謂不讀萬卷書看不得杜詩是也高棟乃置杜

而不得入正宗與太白異路則其識見可見矣餘不必辨也若宋元詩則又當別看蘇全使學問不妙於情志黃乖傑不屑爲純平語皆非正體至陸放翁發纖濃雖太過然皆自學唐來嚴滄浪學盛唐律絕極類眞至元趙謝諸公之作頗傷弱不抵玄奧我朝高楊張徐諸人極學唐儘有好者後李西涯謝方石張亨父及沈石田律詩甚多生意且倣循唐人繩墨蓋傑然者也今盛世必有妙手不能盡知行且求之

### 楓林家訓序

白齋竹里文略

六十四

四明叢書  
約園刊本

士讀書豈必粵若稽古哉凡書繇乎道不失其性耳古今一也楓林家訓同年鄭方伯立之四世祖所遺立之授某讀頗晚讀之再拜歎曰予平生仰鑽羣經及諸子爾矣今老不意又得見此書幸哉而一時賢者又且爲發矇而丹牖之夫旣亦盡矣予復何贅但人之家荒視其祖訓不在敝之僅則陷複之壁而方伯乃克憲憲章之如星日使與大學書並行焉市鬻人傳爲學者潛助於乎亦大矣

### 巖山一寄序

止爲山動爲人二者異體而同情恆若欲有遇而非固  
我所得私在造化者界撥之而已矣違合久近各有分  
定焉邇葛源者有巖山奇勝絕天下大方伯鄭公初藏  
修所也宦旌招搖與巖山斂別久矣而其情未嘗一日  
不在巖山也是故性茲山而剛氣茲山而清體茲山而  
靜政茲山而安養茲山而粹一寄之餘大抵皆山所來  
哉雖違猶合也商相說築傅巖之野高宗夢而舉之今  
巖山亦曰巖數千年似有默相會者不偶然也中興事  
業或於此有望試俟之

百齋詩集略

卷二 四明樓書

約園刊本

贈劉太孺人壽序

鄞令尹劉先生繇名進士受朝廷簡擢臨吾邦政通事  
敘舉始要終未朞年百度惟貞充然有懋進之勢每公  
退樂而少申容色若不足而實懷慶幸之意者閒有請  
得聞君之尊公先生鴻才重器有志未就而卒而太夫  
人萊慈賢粹正莫與儔者君不能違離奉之偕來至官  
邸甚康清六月二日屆太夫人壽辰邑大夫士候知之  
敬舉賀忱而屬琦爲壽篇予竊觀於壽之道天與人二  
端而已矣天與人不相齊猶陰與陽之盈虧損此則益

彼在徐觀而默察之耳天道付予豈能盡得其常哉有德者必壽常也而或不然者天固有以處之也君之尊公不獲乎天之常則所以處太夫人者有在矣太夫人念念在其子欲其子念念在於民在於國在於天下蓋欲君以子之有餘補父之不足則太夫人娛心樂志以永其年而所得於天者亦不失其常矣於乎天人之際盈虧損益固有若是哉又聞太夫人仲子宗禮季子宗智皆儲秀校庠決志弘遠時望大有所屬他日昆弟聯翔接迹以出當不讓古之苟實其所以補先公之不足而益太夫人之壽又豈可涯哉圖有騰柏則賀者深祝遐望之意亦可見矣

書南濠文後

是編分上中下三卷總凡四十有五目夏官主事玄敬都君所著也一日省玄敬手出是編示予讀未終竟假以歸蓋數月矣每心有疑滯輒取讀之若於中有脫然者夫讀書初恨不能博故於載籍無不覽又恨不能精故於文義無不察闕一焉皆妄也君以時文取科第求餘祿爲養親畜幼之道而其志若力未嘗一日不墳典

百氏之學也深讀廣記既以務該古今之說而鉤玄索  
賾又以要極義理之歸故雖寂寥數語而本末先後可  
攷焉則讀是編者不可以易而忽之也資治通鑑綱目  
之辨尤有獨見足以正百世之議云

送孫編修詩跋

宋歐陽公識拔名人故其門下士感義德而道說其賢  
至於終久不相忘夫人不相知則不得於心而與之言  
言亦無味矣俞君懋敬輩遭所知孫先生得享道焉所  
謂涸泥而轉之清波可不謂相知歟先生行矣作詩送  
之而冀其復來辭多忱誠油油發諸中者有味之言也  
獨怪夫士不相遇者曰世無歐陽公乎爾今觀此孫固  
歐陽也懋敬之徒感義德而道說其賢者夫

淚錦詩序

陳萬南之配李氏卒既十年不相忘於是作為卷求大  
方之詩哀之題曰淚錦屬予言引諸首始吾外姊歸孫  
氏與孺人鄰知孺人最悉而嘗言於吾孺人修美有賢  
孝之德與萬南室而處凡幾年而殂有遺孤生四十日  
而夭歿噫傷哉人之死也必哭之於其子遠則孫哭之

又遠曾玄孫哭之此天道之常也而孺人以賢孝沮於  
妙齒不得享其年既無所望哭於其孫矣而當望於其  
子哭之子又無所哭也而哭之於其夫嗚呼夫不當哭  
其妻哉嘗讀左氏人盡夫也其言謬戾不足法信如其  
言亦可謂人盡妻則天理微而人心死矣而萬南之所  
以不忍忘而悼之者正以見妻猶我而不可盡人也噫  
風煙相失於河洲蘋藻獨生乎南澗生爲于燕死作離  
鷺此淚錦之詩所爲作也夫情至而辭不至是爲有淚  
而無錦辭至而情不至是爲有錦而無淚二者並至足

白齋竹里文略

大西 四明叢書

約園刊本

以感人淚錦也哉

白齋竹里文略

四明叢書

四明叢書  
約園刊本

四明叢書

四明叢書  
約園刊本